



精校冷廬醫話



清 陸 定 團 著

精 校 沈 廬 醫 話

國立中國醫藥研究所出版

序

中國醫學，什九為經驗之積累。其理論雖容有未周，其治效則頗為可信。

而本草、方書、醫案、醫話，則經驗積累之總匯也。余自受命主持國立中國醫藥研究所以來，即着眼於此四者之搜羅與整理。歷年於本草方書，已有多種刊行；因復留心於醫話之選輯。

醫案醫話，雖仍側重於方藥之應用，一如本草方書；然因其附加闡發與批評，有助於讀者之思維與判斷，故其效用尤勝。惜此類書佳者絕少；著者多持入主出奴之見，尤喜自炫其能，致讀者不易得客觀之結論耳。

三十餘年前，余讀冷廬醫話而善之。且得其啓發，用黃蓍治心病而收奇效，足濟西藥之窮。著者陸定圃先生，為晚清之名進士，精醫而不以醫為業，不

二

自標榜，故能持論公平。其中所言，皆平生閱歷之所得，彌足珍貴！因坊間不易得，特重刊之以廣流傳。醫者玩索而有得焉，於臨證當非小補也！

中華民國五十五年十月

李換桑

序於國立中國醫藥研究所

冷廬醫話自序

醫理至深豈易言哉抑自軒岐以來代不乏人旣已詳且盡矣又奚待言矧余小子學疏識庸莫究要妙不亦可已於言乎雖然言必窮乎理之奧則誠不能以幾及若惟摭拾聞見以自達其意之所欲云又何必不言於是涉獵之餘隨筆載述聊以自娛意淺而辭瑣殆所謂言之無文者歟夫言之不能文猶之可也言而或悖於理則言適足以招尤矣是用不敢晦匿求當代君子教正焉

咸豐八年十二月陸以湉書於杭州學廡之冷廬

冷廬醫話目錄

卷一

醫範.....一

醫鑑.....四

慎疾.....四八

保生.....一〇

慎藥.....一四

求醫.....一九

診法.....一一

脈.....一一

用藥.....一五

卷二

古人.....三一

精校冷廬醫話

今人.....三四

古書.....四一

今書.....四八

卷三

形體.....六三

中風.....六四

傷寒.....六四

陰症陽症.....六五

暑.....六七

暑風.....六八

霍亂轉筋.....六九

熱.....七〇

熱入心胞	七一	肝病	八五
疫	七二	七情	八七
癥	七四	不寐	八七
瘡	七六	卷 四	
三陰瘡	七七	吐血	八九
痢	七八	諸血	九〇
瀉	八〇	汗	九一
疝	八〇	疽	九一
咳嗽	八一	腫	九二
噎	八一	渴	九三
吐	八四	消渴	九三
頭痛	八四	傷食	九三
脇痛	八四	邪祟	九四
腹痛	八五	癩	九五
耳	八五		
	九六		

目.....九七

喉.....九九

舌.....九九

齒.....九九

腿.....九九

雜病.....九九

婦科.....九九

胎產.....九九

乳.....九九

疗.....一九

鍼灸.....二〇

藥品.....二〇

食忌.....三一

酒.....三三

鴉片煙.....三三

雜方.....三四

質正.....三四

質正.....三四

質正.....三四

質正.....三四

質正.....三四

卷五

幼科.....一二

痘.....一四

瘡.....一四

瘡.....一四

外科.....一五



冷廬醫話卷一

桐鄉 陸以湉 定圃氏著

醫範

徐氏醫統云古醫十四科中有脾胃科而今亡之矣道藏經中頗有是說宋元以來止用十三科考醫政其一爲風科次傷寒科次大方脈科次婦人胎產科次鍼灸科次咽喉口齒科次瘡瘍科即今修養家導引按摩療病是也次正骨科次金鍊科次養生科即今修養家導引按摩療病是也次祝由科經曰移精變氣者可祝由而已卽今符呪禳禱道教是也國朝亦惟取十三科而已其脾胃一科終莫之續類經云醫術十三科曰大方脈曰婦人曰傷寒曰瘡瘍曰鍼灸曰眼曰口齒曰咽喉曰接骨曰金鍊曰按摩曰祝由今按摩祝由失其傳二說微不同而太醫院所設十三科則與類經之說同詳見明史余按近有專業耳科者是又在諸科之外矣

錢塘明醫金潤寰鑑河治極難險症從容處之常云古之名醫者曰和曰緩倉遠奚爲耶此語可爲俗醫鍼砭五世之醫北齊有徐之才元有危亦林

國朝有陳治華亭人三世之醫宋張杲陳自明倪維德陸士龍爲最著近代亦多世其業者青浦北斬山何自元至今已二十四世矣

張子和云古人以醫爲師故醫之道行今以醫醫奴故醫之道廢有志之士恥而不學病者亦不擇精粗一概

待之常見官醫迎送長吏馬前唱喏真可羞也由是博古通今者少而師傳遂絕吁醫官馬前唱喏乃以爲可羞乎今之官趨承上司可羞之端更有甚於此者而況於醫乎山陰陳載庵爲其邑令治病獲瘳將薦之上司使爲醫官於郡中力辭將著之勲籍使棄醫而爲官又力辭此眞過人遠矣

醫人每享高齡約略數之如魏華陀年百餘吳普九十餘晉葛洪八十一北齊徐之才八十北周姚僧垣八十五許智莊八十唐孫思邈百餘甄權百三孟詭九十三宋錢乙八十二金李慶嗣八十餘歲無已九十餘元朱震亨七八八明戴原禮八十二汪機七十七張介賓七十八近代徐靈胎大椿七十九葉天士桂八十蓋旣精醫學必能探性命之旨審頤養之宜而克葆天年也

葉天士治金某患嘔吐者數年用泄肝安胃藥年餘幾殆徐靈胎診之謂是蓄飲爲製一方病立已

見徐批臨薛指南

生白治蔡輔宜夏日自外歸一蹶不起氣息奄然口目皆閉六脈俱沈少妾泣於傍親朋議後事謂是痰厥不必書方且以獨參湯灌衆相顧莫敢決有符姓者常熟人設醫肆於楓橋因邀之入視符曰中暑也參不可用當服清散之劑衆以二論相反又相顧莫敢決其塾師馮在田曰吾聞六一散能祛暑邪盍先試之皆以爲然卽以葷管灌之果漸蘇符又投以解暑之劑病卽霍然

見徐晦堂記
雨軒雜記

夫葉薛爲一代良醫猶不免有失況其他乎知醫之不可爲矣然如符姓素無名望而能治良醫誤治之疾則醫固不可爲而可爲也

震澤吳曉鈺茂才劍森言乾隆某年吳門大疫郡設醫局以濟貧者諸名醫日一造也有更夫某者身面浮腫

偏體作黃白色詣局求治薛生白先至診其脈靡之去曰水腫已劇不治病者出而棄天士至從肩輿中遙視之曰爾非更夫耶此爇驅蚊帶受毒所致二劑可已遂處方與之薛爲之失色因有埽葉莊踏雪齋之舉二人以盛名相軋蓋由於此其說得之吳中老醫顧某顧得之於其師其師蓋目擊云

徐靈胎名醫不可爲論謂名醫聲價甚高輕證不卽延治必病勢危篤醫皆束手然後求之於是望之甚切責之甚重若真能操人生死之權者如知病之必死示以死期而辭去猶可免責若猶有一線生機用輕劑以塞責致病人萬無生理則於心不安用重劑以背城一戰萬一有變則誘議蜂起前人誤治之責盡歸一人故名醫之治病較之常醫倍難此蓋現身說法猶爲真名醫言也若獲虛名之時醫旣無實學又切貪心凡來求診無不診視其以重幣招致者臨證猶或詳慎鄰近里閭之間尋常酬應惟求迅速了事漫不經心余昔一弟一子皆爲名醫誤藥而卒弟以瀕中秋節玩月眠遲次日惡寒發熱誤謂冒寒用桂枝葛根防風等味致內陷神昏不知實伏暑證也予寶章內風證誤謂外風而用全蠍牛黃等味致變由於匆匆診視不暇細審病情也是以爲名醫者當自揣每日可診幾人限以定數苟逾此數令就他醫庶幾可從容診疾盡心用藥不至誤人性命

揚州府志謂鄭重光之醫克紹吳普許叔微之脈其不在滑壽下江都縣志以入篤行傳儀徵續志雖入方技而但以泛辭譽之太史公爲扁鵲司馬季主作傳必詳述其技蓋人以技傳不詳其技不如不錄其人也此論最合著述之要近代文人爲醫家作傳往往以虛辭稱揚不能歷敍其治驗卽敍治驗而不詳方案皆未知紀述之體裁也

王葑亭先生友亮作葉天士小傳謂年十二至十八凡更十七師聞某人善治某證即往執弟子禮甚恭既得其術輒棄去故能集衆美以成名善哉轉益多師是我師藝之精不亦宜乎

紹興府志載山陰金太常蘭之祖輅精保嬰術終身不計財利不避寒暑不先富後貧越俗醫家多出入肩輅輅年八十餘猶步行曰吾欲使貧家子稍受半福惠耳又山陰孫燮和志切救世專精岐黃就醫者不論貧富詳審精密檢閱方書幾廢食寢此皆可以爲醫者法也

醫非博物不能治疑難之症略舉二事以證之粵東呂某女爲後母尹氏所忌佯愛之親爲濯衣潛以樟木磨如粉入米漿糊女衣袴女服之搔痒不止全身浮突酷類麻瘋延醫療治經年不瘳問名者絕踵不至將送入瘋林呂不忍復請名醫程某治之程察脈辨色見其面無濁痕手搔肌膚不輟曰此必衣服有毒所致令取其衣滌之漿澄水底色黃黑而味烈程曰樟屑春粉壞人肌肉所致此必爲浣衣者所藥非瘋也棄其衣勿服病自可已如其言果然呂詢得其情遂出尹氏事見東莞歐蘇蠶樓臘覽余戚王氏女偏體紅癩痛癢不已飲食爲減延醫視之以爲瘡也治數旬不愈後延名醫張夢廬治之審視再四曰此必爲壁蟲所咬毋庸醫也歸閱帳枕等檢棄樟蟲無數果得瘡

醫鑑

臨海洪虞鄰南沙文集曰余家有經紀人勞苦嘔血數升延醫視之用川連人參大黃余詰之曰旣補矣又瀉之何也答曰古方所制者因穢血未淨故瀉之余曰是速之死也卽命勿藥老米粥厚滋味令寢食數日不一旬而

強健如故蓋勞苦之人未嘗享有飲食之美數晨夕之安得此勝於良藥多矣其愈也固宜又有與夫素無疾忽腰痛肚飽不食醫進以大補藥其夜腰痛益甚腹大氣喘且死翌日醫復視之曰此中鬼箭也藥物無所施亟宜禳遣余歎曰奈何嫁罪於鬼哉是中寒傷食者飲以祛寒化食兩大劑第三日其人擡轎如故書之以告世之誤信庸醫者余謂誤信庸醫由於不諳方書不能不求援於醫耳所可恨者爲醫而不深究醫理強作解人以致誤事而不自知也

吳郡某醫得許叔微傷寒九十論奉爲秘本見其屢用麻黃湯適治一女子熱病無汗謂是足太陽表證投以麻黃服之汗出不止而殞蓋南人少真傷寒凡熱病無汗以紫蘇葱白豆豉薄荷等治之足矣豈可泥古法乎朱子暮年腳氣發作僉夢達薦醫士張修之診視云須略攻治去其雍滯方得氣脈流通先生初難之張執甚力遂用其藥初製黃耆粟殼等服之小效遂用巴豆三棱莪朮等藥覺氣快足輕向時遇食多不下膈之病皆去繼而大腑又秘結再服溫白丸數粒臟腑通而泄瀉不止矣黃芽歲丹作大劑投之皆不效遂至大故蔡九峯夢葬記詳載之觀此知高年人治病慎不可用攻藥也

祥符縣醫生胡某操技精良當道皆慕名延致都督某之女與人私偶感寒疾招胡診之胡謂此孕脈也某曰先生之言信乎胡曰非識之眞不敢妄言也某乃呼女出以刀剗其腹視之信然胡大駭暈仆良久始甦歸病數月卽卒胡之藝工矣惜乎其不知顧忌也先祖秋畦公宰密縣時諒知此事先
生祖母顧太孺人恒爲以海言之

近世醫者能讀內經鮮矣更有妄引經語致成笑端者如治不得寐引半夏秫米湯覆杯則臥云是厭勝之法令病者服藥後覆蓋几上謂可安臥治腳疔引膏梁之變足生大疔以爲確徵不知足者能也非專指足而言又有治癰瘡證以陰氣先傷陽氣獨發爲已任編之言蓋未讀內經金匱第見已任編有是語耳疏陋若此乃皆出於懸壺而知名者也

醫貴專門歟吳章侯太守端甫攢花易簡良方中勸行醫說言之甚爲切至特錄之古法行醫各有專科近見懸壺之輩往往明日出道今日從師牌書內外兩師傳授甚至兼治痧痘咽喉探其根底一無擅長不過取門數之多以博錢財抑知賦質有限何能兼善病者不知恆被貽誤曾見有人患風痧醫視爲漆咬而誤用清藥又有患火焰疔者醫視爲熱瘡而誤用發散諸品幾致不治此皆不專門故也可不慎哉

蘇州曹某狀修偉多髯醫名著一時而聲價自高貧家延請每不至巨室某翁有女待年閨中因病遣僕延曹僕素憎曹給以女已出嫁今孕數月矣吳俗大家婦女避客醫至則於床幃中出手使診曹按女脈漫云是孕翁大駭異次日延醫至使其子僞爲女診之復云是孕其子裹幃啓袴視之曰我男也而有孕乎誣我猶可誣我妹不可恕也叱僕殿之並飲以糞跪泣求免乃薙其髯以粉筆塗其面縱之去歸家謝客半載不出聲望頓衰太湖濱瘍醫謝某技精藥良而居心貪譎往往乘人之急以爲利隣村某農母患疽求治以其貧拒之疽潰遂死某憤甚謝有拳勇數十人不能近某持刀伏稻間伺其出突起刺其腰謝以所製藥敷治將痊怒某之刺已也亟憇之縣循例擡驗

縣官揭其衣用力重衣開皮裂冒風復潰而卒某按律抵罪後遇赦得生此二人醫術皆良乃一則以傲敗名一則以貪傷身皆可爲戒故並誌之

徐靈胎慎疾芻言曰少時見前輩老醫必審貧富而後用藥尤見居心長厚況是時參價尤賤於今日二十倍尙如此謹慎卽此等存心今日已不逮昔人矣此言真可砭俗近時所稱名醫恆喜用新奇之藥以炫其博價值之昂不計也甚至爲藥肆所餌凡診富人疾必入貴重之品俾藥肆獲利此尤可鄙

揚州府志辨高郵州志稱袁體庵班案脈極捷以爲醫之切脈以審慎爲工捷於案脈乃市醫苟且之爲班斷不如是云云吁今之醫者鮮不以捷爲工卽延醫者亦皆以捷爲能盍深味此言

南方有割蟬蠅子之術小兒蒙其害徐靈胎蘭臺軌範評辨之謂卽拓乳法用青燕一錢元明粉三錢研砂一錢薄荷五分冰片一分同研細擦口內兩頤一日四五次北方有割瘻之術婦人蒙其害兼及小兒吳鞠通溫病條辨雜說辨之謂瘻字考之字書並無是字焉有是病此皆庸俗僞造其名而劣婦秘傳其技藉以欺世圖利者明識之人慎勿爲其所惑

吾人不能偏拯斯民疾苦宜廣傳良方庶幾稍盡利濟之心每見得一秘方深自隱匿甚至藉以圖利挾索重賛殊堪鄙惡唐白華秘發背方遂遭虎阨歟蔣紫垣秘解砒毒方竟獲冥譴可以爲鑒

烏程鉏羹梅福厚由中書歷官郎中在都門十餘年聲望翕然咸豐八年三月偶患風溫惡寒自足而起漸及四肢身熱脈浮舌胎白醫謂是風寒用柴胡葛根防風蒼耳子等藥遂至神昏躁厥胎黃便結更醫用石膏大黃等

藥病益危篤醫皆都門有名者而悖謬乃至此更醫又用理陰煎復脈湯等卒不能救而歿年僅五十有六羹梅爲余舅氏周愚堂先生之婿好學敦品氣度雍容咸謂可享上壽而躋顯秩乃爲庸醫所戕亦可惜矣余見風溫濕溫等症凡用風藥升提伏熱陷入心胞無不神昏厥逆而斃當此急用清營湯至寶丹紫雪丹等渝滌中宮猶可挽回於萬一使認爲陽明經腑症一誤再誤則生路絕矣作事宜從容詳慎爲醫尤甚不特審病當然卽立方亦不可欲速貽誤杭州某醫治熱病用犀角七分誤書七錢服藥後胸痛氣促而殞病家將控之官重賄乃已某醫治暑症用六一散又用滑石服之不效大爲病家所詬此皆由疏忽致咎也

治癰疽之法不可輕用刀破膿鍼疾之法必先精究穴道一或不慎適以傷人近事有可以爲鑑者杭城行善者設局延醫以拯貧人外科李某與焉農夫某腳生癰李開刀傷其大筋遂成廢人農夫家衆毆李幾斃吾里有走方醫人治某哮病以鍼貫胸傷其心立時殞命醫卽日遁去

烏程周岷帆學士學源才藻華美咸豐九年大考一等第二由編修擢侍講學士旋丁外艱回藉十一年避亂苕南腎生瘤有年矣因坐臥不便就菱湖瘍醫費某治之費謂可用藥攻去予以三品一條鎗大痛數日患處潰爛翻花復投以五虎散藥用蜈蚣蟻全蝎等味服後體疲神憤遽卒年僅四旬往歲余館湖城及寓京邸恒與岷帆談藝論詩夕忘倦今聞其逝也深恨庸醫之毒烈無異寇盜特書於此以志恫焉是年余避難柳絲有鄰女陳桂姐手生癰毒亦爲費某開刀傷筋痛甚不能收口就

余醫治得痊大抵近世瘍醫皆從外科正宗
余醫專用窮功誤人甚多學者當以爲戒

慎 疾

王叔和傷寒論序例云凡人有疾不時卽治隱忍冀瘥以成痼疾小兒女子益以滋甚時氣不和便當早言尋其邪由及在腠理以時治之罕有不愈者患人忍之數日乃說邪氣入藏則難可制徐靈胎醫學源流論云凡人少有不適卽當立時調治斷不可忽爲小病以致漸深更不可勉強支持使病更增以貽無窮之害

余在台州時同官王寓庵先生年五旬餘患時感症堅守不服藥爲中醫之戒遷延數日邪熱內閉神昏家人延醫診治無及而卒又余戚秀水王氏子年方幼稚偶患身熱咳嗽父母不以爲意任其冒風嬉戲飲食無忌越日疹發不透胸悶氣喘變症畢現醫言熱邪爲風寒所遏服藥無效而卒此皆不卽調治所致也

真空寺僧能治鄭子元心疾令獨處一室掃空萬緣靜坐月餘諸病如失海鹽寺僧能療一切勞傷虛損吐血乾勞之症此僧不知神農本草黃帝內經惟善於起居得宜飲食消息患者往彼寺中三月半年十愈八九觀此知保身卻病之方莫要於怡養性真慎調飲食不得僅乞靈於藥餌也北方人所眠火坑南方人用之體質陰虛者多深入火氣每致生疾吾邑張侯舫孝廉維留寓京師久臥火坑遂患咳嗽醫者誤謂肺虛投以五味子五倍子等藥竟至殞命張貧而好學品復端謹中年不祿土林惜之

凡從高墜下而暈絕者慎勿移動俟其血氣復定而救之有得生者若張皇扶掖以擾亂之百無一生余戚沈

氏之女年甫十歲從樓墮地暈死急延醫視之曰幸未移動尙可望生否則殆矣乃以藥灌之移時漸蘇而安治跌損者人尿煮熱洗之灌之良

讀續名醫類案而知移動之禁非獨墜跌者宜然也備錄之張子和治叟年六十餘病熱厥頭痛以其用湧藥時已一月間矣加之以火其人先利年高身困出門見日而仆不知人家驚惶欲採撲之張曰大不可擾與西瓜涼水密雪少頃而甦蓋病人年高湧洩則脈易亂身體內有炎火外有太陽是以跌仆若更擾之便不救矣汪石山治人卒厥暴死不知人先因微寒發熱面色蒼黃六脈沈弦而細知爲中風久鬱所致令一人緊抱以口接其氣徐以熱薑湯灌之禁止喧鬧移動則氣不返矣有頃果甦溫養半月而安不特此症爲然凡中風中氣中寒暴厥俱不得妄動以斷其氣內經明言氣復返則生若不諳而擾亂其氣不得復以致夭枉者多矣魏玉璜曰遇卒暴病病家醫士皆宜知此蓋暴病多火擾之則正氣散而死也余女年十八忽暴厥家人不知此羣集喧鬧又扶掖而徒之他所致甦復絕救無及矣今錄張汪二案五內猶摧傷也

保 生

蘇子瞻曰傷生之事非一而好色者必死旨哉斯言士大夫祿位既隆更思快心悅志往往昵近房幃講求方術不知適以自促其生偶見野獲編所紀云大司馬譚二華綸受房術於陶仲文時尙爲庶僚行之而驗又以授張

江陵尋致通顯譚行之二十年一夕御妓女而歿時年甫逾六十自揣不起囑江陵慎之張用譚猶不已日以枯瘠亦不及下壽而終夫譚張皆一代偉人而猶縱慾殞身可見色之易溺人也自非脫然於情欲之私而見之卓守之堅烏能不爲所害哉

凡人於情欲最難割斷觀宋李莊簡集中客有見饋溫劑云可壯元陽因感而作詩竊歎其淡泊之懷堅定之守爲不可及也詩云世人服煖藥皆云壯元陽本無虧藥石徒損傷人生百歲期南北隨炎涼君看田野間父老多康強茅簷弄兒孫春臘驅牛羊何曾識丹劑但喜穀黍香伊余十年謫日聞貴人亡金丹不離口卉妙常在傍真元旦滲漏溽穢留空腸四大忽分離一物不得將歌喉變衷音舞衣換練裳爐殘箭鏃砂鑊餘鹿角霜咄哉此愚夫取樂殊未央我有出世法亦知不死方御寒須布帛欲飽資稻梁牀頭酒一壺膝上琴一張興來或揮手客至亦舉觴滌硯臨清池鈔書傍明窗日用但如斯便覺日月長參苓性和平扶衰固難忘恃藥恣聲色如人著豺狼此理甚明白吾言豈荒唐書爲座右銘聊以砭世盲讀此可以見所養之純宜其久居瘴鄉而神明不衰克躋上壽也士大夫能如公之守身有不康強逢吉者乎公又與蕭德超書云張全真在會稽搜求妙麗丹砂茸附如啖魚肉徒恣嗜慾耳自謂享榮貴得便宜今爲一聚枯骨有甚便宜到這裏便世尊諸大菩薩出來也救不得豈不哀哉此可以爲溺情燕私者當頭棒喝

養生家有行房禁忌日期人每以爲迂而忽之不知世間常有壯年得病暴亡未始不由於此至於合婚吉期

往往不避分至節氣少年恣慾隱乖陰陽之和病根或因之而伏不可不留意也

採戰之術乃邪說也孫真人千金方房中補益篇詳房中之術且謂能御十二女而不施瀉者令人不老有美色若御九十三女而自固者年萬歲此等論說疑是後人僞託夫見色必動心況交合之際火隨慾煽雖不施瀉真精必因之而耗安能延年又治陽不起壯陽道方用原蠶蛾蛇牀子附子等味以此示人必將假熱藥以縱慾而貽害無窮曾謂濟物攝生如真人而忍出此乎男子破身遲則精力強固凡育子者最防其知識早開天真損耗每至損身當童蒙就傅之時尤宜審擇儕侶勿令比匪致傷余族姪某成童時至親戚讀書同塾六人有沈氏子年最長導諸童以淫穢事數年後諸童病療死者三人姪亦一病幾殆又如俊僕韶婢皆不宜使之相親長洲陳公子甫婚而咯血其母慮溺於燕婉命居書室一老奴一稚僮侍寢老奴嗜酒夜卽酣睡公子遂與僮私病轉增劇比其母知之則已沈痼竟致不起此所謂但知其一不知其二可不鑑沈氏子余會見之屢應童子試不售四十歲潦倒以卒殆薄行之報

人至中年每求延壽之術有謂當絕慾者有謂當服食補劑者余謂修短有命原不可以強求如必欲盡人事則絕慾戒思慮二者並重而絕慾尤爲切要至於服食補劑當審氣體之宜慎辨藥物不可信成方而或失之偏轉受其害也

盧子繇傷寒論疏鈔金鉢云人不見風龍不見石魚不見水鬼不見地猶干祿者之不見害也余爲續之曰人不見風龍不見石魚不見水鬼不見地猶好色者之不見病也蓋人不能爲財色所溺則於保生之道思過半矣

行房忍精不泄阻於中途每致成疾如內而淋濁外而便毒等症病者不自知其由醫者鮮能察其故用藥失宜因而殞命者多矣可不慎歟

史記太倉公傳載其診疾二十有四得之內者有七而死不治者有四其二因於飲酒且內其一因於盛怒接內其一因於得之內而復爲勞力事養生者識此當知所戒矣

嘸氣不得法反足爲害惟嘸津較易亦甚有益每日於閒暇時正坐閉目以舌偏擾口中三十六次津既盈滿分作三次嘸下嘸時喉中須以意送至丹田此法行之久久大可却病延年余表兄周荔園士煜中年便血誤服熱藥遂成痼疾身羸足痿十載不瘥後乃屏棄方藥專行此法一年之後諸恙悉愈身體亦強健如初

杭州郎一松十三歲患瘧垂危聞某庵有道士功行甚高往求治之道士教以行八段錦法謂能療疾並可延年遵而行之三月後病去若失

張景岳稱其父壽峯公每於五更嘸氣因作噦以提之使吐每月行吐法一二次閱四十餘年愈老愈健壽至八旬以外齒堅齋非之以爲陽明胃脈下行爲順若吐則上逆頻吐理當損壽何反益壽殊未敢信此說良是夫古人汗吐下三法皆治實證若屬虛證均非所宜張壽峯以吐而得壽必體質強健或素有痰飲乃藉吐以推蕩積垢他人不得輕易效之

慎 藥

乩方之風於今尤甚神仙豈爲人治病大率皆靈鬼耳故有驗有不驗余所目擊者都門章子雅患寒熱乩方用人參黃耆痰塞而殞蕭山李儀軒老年足痿乩方用附子熟地羌活細辛等味失血而亡彼惑於是者效則謂仙之靈不效則謂其人當死乃假手於仙以斃之也噫是尙可與言乎藥以養生亦以傷生服食者最宜慎之秀水汪子黃孝廉同年 繢工詩善書兼諳醫術道光乙未余與同寓都城庫堆胡同求其治病者踵相接丙申正月汪忽患身熱汗出自以爲陽明熱邪宜用石膏服一劑熱即內陷膚冷泄瀉神昏三日遽卒醫家謂本桂枝湯證不當以石膏遇表邪也嵊縣吳孚軒明經 鵬飛司鐸太平壬寅六月科試天氣大熱身弱事冗感邪遂深至秋仲疾作初起惡寒發熱病熱未甚紹台習俗病者皆飲薑湯而不知感寒則宜受暑則忌也服二錢暑邪愈熾遂至不救

又有不辨藥品而致誤者歸安陳龍光業外科偶因齒痛命媳煎石膏湯服之誤用白砒下咽腹卽痛俄而大劇詢知其誤急飲糞清吐之委頓數日始安猶幸砒湯僅飲半錢以其味有異而舍之否則殆矣吾邑陳莊李氏子夏月霍亂延醫定方有製半夏二錢適藥肆人少而購藥者衆有新作夥者誤以附子與之服藥後腹卽大痛發狂口中流血而卒李歸咎於醫醫謂藥不誤必有他故索視藥渣則附子在焉遂控藥肆於官餽以金乃已

世俗喜服熱補藥如桂附鹿膠等老人尤甚以其能壯陽也不知高年大半陰虧服之必液耗水竭反促壽命

余見因此致害者多矣

禽蟲皆有智慧如虎中藥箭而食青泥野豬中藥箭食齋尼雉被鷹傷貼地黃葉鼠中礬毒飲泥汁蜘蛛以蚯蚓糞掩其傷又知嗑芋根以擦之鸚之卵破以漏藥纏之方書所載不可勝數今人不辨藥味一遇疾病授命於庸醫之手輕者重重者致死亦可哀已

凡服補劑當察氣體之所宜不可偏一致害葉天士景岳全書發揮云沈赤文年二十讀書明敏過人父母愛之將畢姻合全鹿丸一料少年四人分服赤文於冬令服至春初忽患渾身作痛漸漸腹中塊痛消瘦不食渴喜冷飲後服酒蒸大黃丸下黑塊無數用水浸之狀如黑豆始知爲全鹿丸所化不數日熱極而死同服三少年一患喉痺一患肛門毒一患吐血咳嗽皆死此乃服熱藥之害也葉天士醫驗錄云黃朗令六月畏寒身穿重棉皮袍頭戴黑羊皮帽喫飯則以火爐置牀前飯起鍋熱極人不能入口者彼猶嫌冷脉浮大遲軟按之細如絲比真火絕滅陽氣全無之症也方少年陽旺不識何以至此細究其由乃知其父誤信人云天麥二冬膏後生常服最妙遂將此二味熬膏令早晚日服勿斷服之三年一寒肺一寒腎遂令寒性漸漸入臟而陽氣寢微矣是年春漸發潮熱醫投發散藥熱不退而汗出不止漸惡寒醫又投黃連花粉丹皮地骨皮百合扁豆貝母鼈甲萎蕤之類以致現症若此乃爲定方用人參八錢附子三錢肉桂炮薑各二錢川椒五分白朮二錢黃耆三錢茯苓一錢當歸錢半川芎七分服八劑去棉衣食物仍畏冷因以八味加減另用硫黃爲製金液丹計服百日而後全愈此則服涼藥之害也人之愛

子者可不鑑於此而慎投補劑乎

程杏軒治汪木工夏間寒熱嘔瀉自汗頭痛他醫與疏表和中藥嘔瀉止而發熱不退汗多口渴形倦懶言舌胎微黃而潤脈虛細據經言脈虛身熱得之傷暑因用清暑益氣湯加減服一劇夜熱更甚譫狂不安次早復診脈更細舌胎色紫肉碎凝有血痕渴嗜飲冷此必熱邪內伏未透當舍脈從證改用白虎湯加生地丹皮山梔黃芩竹葉燈心服藥後週身汗出譫狂雖定神呆手足冰冷按脈至骨不見脈伏可與壺仙翁治風熱症參觀闔目不省人事知爲熱厥舌胎形短而厚滿舌俱起紫泡大如葡萄並有青黃黑綠雜色罩於上辭以不治其母哀懇拯救乃令取紫雪蜜調塗舌

前方加入犀角黃連元參以清熱金汁人中黃銀花棗豆以解毒另用雪水煎藥厥回脈出舌泡消苔退僅紫乾耳再劑熱淨神清舌色如常是役也程謂能審其陽證似陰於後未能察其實證類虛於前自咎學力未到蓋以初用清暑益氣湯之誤也因思此湯最不可輕用況因傷暑而脈虛外見汗多口渴等症則尤不當用也

醫家以丸散治病不可輕信而服之吾里有患痞者求治於湖州某醫醫授丸藥服之痞病愈而變膨脹以死又有嬰兒驚風延某醫治之灌以末藥不計數驚風愈而人遂癡默至長不愈其藥多用硃砂故也

世人喜服參朮虛者固得益實症適足爲害蘇州某官之母偶傷於食又感風邪身熱不食醫者以其年高體虛發散藥中雜參朮投之病轉危殆其內姪某知醫適從他方至診其脈且詢起病之由曰右脈沈數有力體雖憊而神氣自清此因傷食之後爲補藥所誤當以峻藥下之乃用大黃檳榔厚朴萊菔子之屬一劑病如故衆疑其謬

某謂藥力未到復投二劑泄去積滯無算病遂瘳此可爲浪服補藥之鑑

世俗每謂單方外治者非比內服可放膽用之不知亦有被害者續名醫類案云一僧患瘡疥自用雄黃艾葉燃於被中燻之翌日徧體焮腫皮破水出飲食不入投以解毒不應而死蓋毒藥熏入腹內而散真氣其禍如此又云余舉家生瘡家人亦用此方熏之瘡不愈未幾蠶兒出痘症極凶藥不能下咽而歿殆亦受其毒耳竊意所患瘡當是熱毒以熱攻熱毒乃益熾故凡用熱先宜審明陰陽虛實不得謂外治無害而漫試之

身軀肥瘦何關利害而隨郡王子隆體肥乃服蘆茄丸以消名位升沈何與榮辱寇萊公望得相乃服地黃兼餌茱萸推之服金丹以求仙反促其壽餌春藥以求子轉傷其生皆逐末忘本者也

鄱陽名醫周順謂古方不可妄用如聖惠千金外臺秘要所論病原脈症及鍼灸法皆不可廢然處方分劑與今大異不深究其旨者謹勿妄用有人得目疾用古方治之目遊突出又有婦人產病用外臺秘要坐導方反得惡露之疾終身不瘥余謂古方固勿妄用近世所傳單方尤當慎擇用之朱子藩肩極少方士令服末子藥六七釐眉可卽生戒以服藥後須避風服之夕卽有汗偶值賊至乃出庭除及歸寢大汗不能止幾至亡陽後竟不壽見折肱漫錄

湖州胡氏子患水腫服藥不效有教以黑魚一尾入綠蠶腹中燒灰服之服後腹大痛遽死夫古方單方用之得當爲效甚速但當審病症之所宜且勿用峻厲之藥庶幾有利無弊耳

士大夫不知醫遇疾每爲俗工所誤又有喜談醫事研究不精孟浪服藥以自誤如蘇文忠公事可惋歎焉建

中靖國元年公自海外歸年六十六渡江至儀真艤舟東海亭下登金山妙高臺時公決意歸毘陵復同米元章遊西山道暑南窗松竹下時方酷暑公久在海外覺舟中熱不可堪夜輒露坐復飲冷過度中夜暴下至旦憊甚食黃耆粥覺稍適會元章約明日爲筵俄瘴毒大作暴下不止自是胸膈作脹却飲食夜不能寐十一日發儀真十四日疾稍增十五日熱毒轉甚諸藥盡却以參苓滸湯而氣寢止遂不安枕席公與錢濟明書云某一夜發熱不可言齒間出血如蚯蚓者無數迨曉乃止困憊之甚細察病狀專是熱毒根源不淺當用清涼藥已令用人參茯苓麥門冬三味煮濃汁渴即少啜之餘藥皆罷也莊生聞在宥天下未聞治天下也三物可謂在宥矣此而不愈則天也非吾過也二十一日竟有生意二十五日疾革二十七日上燥下寒氣不能支二十八日公薨余按病暑飲冷暴下不宜服黃耆迨誤服之胸脹熱壅牙血泛溢又不宜服人參麥門冬噫此豈非爲補藥所誤耶近見侯官林孝廉昌聲射鷹詩話云公當暴下之時乃陽氣爲陰所抑宜大順散主之否則或以清暑益氣湯或五苓散或冷香引子及二陳或治中皆可選用既服黃耆邪已內陷胸作脹以爲瘴氣大作誤之甚矣瘴毒亦非黃耆所能解後乃牙齦出血係前失調達之劑署邪內干胃腑宜甘露飲犀角地黃主之乃又服麥門冬飲子及人參茯苓麥門冬三物藥不對病以致傷生竊爲公惜之云云余謂甘露飲犀角地黃湯用也對此病固當至桂附等味公之熱毒如是之甚亦不可用也

用藥最忌夾雜一方中有一二味卽難見功戊午季春余自武林旋里舟子陳姓病溫壯熱無汗七日不食口渴胸痞咳嗽頭痛脈數右甚於左杭醫定方用連翹瓜蔞皮牛蒡子冬桑葉苦杏仁黑山梔貝竹葉蘆根藥皆中病惜多羚羊角枳壳二味服一劑病不減胸口悶熱轉甚求余診治余爲去羚羊角枳殼加淡豆鼓薄荷服一劑汗出遍體卽身涼能食復去淡豆鼓牛蒡子加天花粉二劑全愈因思俗治溫熱病動手卽用羚羊角犀角邪本在肺

胃乃轉引之入肝心輕病致重職是故耳

陶穀清異錄云昌黎公愈晚年頗親脂粉故事服食用硫黃末攬粥飯啖鷄肉不使交干日烹庖名火靈庫公間日進一隻焉始亦見功終致絕命以活按白樂天詩中退之服硫黃句昔人已辨其非昌黎公陶氏此說未必可信然亦足徵服食之當謹也

求醫

漢郭玉曰貴者處尊高以臨臣臣懷怖攝以承之其爲療也有四難焉自用意而不任臣一難也將身不謹二難也骨節不彊不能藥三難也好逸惡勞四難也夫玉爲一代良工而猶若此矧在中醫使臨以威嚴必畏慄失措而診治有誤矣薛立齋醫案云一穩婆止有一女分娩時巡街御史適行牌取視其室分娩女因驚嚇未產而死後見御史以威顏分付迨視產母胎雖順而顧偏在一邊以致難產因畏其威不敢施手由是母子俱不能救卽此推之凡求醫治病斷不可恃勢分之尊也

凡病不能自治必求治於醫者而其要則有四焉一曰擇人必嚴醫者之品學不同必取心地誠謹術業精能者庶可奏功一曰說症必詳脈理淵微知之者鮮惟問可究病情乃醫之自以爲是者往往厭人瑣語而病家亦不能詳述此大誤也故凡求醫診治必細述病源勿憚其煩一曰察藥必慎藥之僞者不必論卽尋常品味肆中人粗

心往往以他擾溷必親自檢視方免舛誤至炮煎諸法亦宜精審服之斯可獲效一曰錄方必勤世俗於醫者所定之方服藥既訖隨手棄擲余謂宜彙錄一冊以備檢閱此不過舉手之勞耳有心人見之則上工之治驗固可採以示法中工之方案亦可因以徵學識之淺深品詣之高下而定其取舍矣

錢塘縣志方伎傳沈好問精小兒醫尤善治痘江魯陶子一歲痘止三顆見額上耳後唇傍好問曰兒痘部位心腎脾三經逆傳土尅水水尅火宜攻不宜補攻則毒散補則臟腑相戕治至十四日痘明潤將成矣好問曰以石膏治之恐胃土傷腎水俗醫憐兒小謬投以參好問見之驚曰服參耶不能過二十一日矣兒卒死夫治痘已有成效竟爲庸醫所誤由於恒情皆畏攻而喜補也此亦可爲任醫不專之戒

贈醫詩鮮有佳者近閱臨川李小湖同卿聯秀好雲樓初集中有贈醫士費晉卿明經詩語殊警惕咸豐中同卿督學江蘇知江蘇有二名醫一爲陽湖吳仲山斐融居印墅一爲武進費晉卿伯雄居孟河城遂並訪之吳以同卿未有子投補劑爲嗣育計費謂同卿肝陽過旺心腎兩虧投以養心平肝之劑同卿主費說因贈以詩云儒林與文苑千秋照簡編豈無藝術傳別表冠世賢華陀許穎宗婦孺驚若仙本草三千味難經八十篇格致卽聖學名與精神傳況用拯危殆能奪造化權活人較良相未知誰後先莘渭不巷遇隻手難回天孟城一匹夫所值蒙生全日濟什百人功德歲萬千大哉農軒業託始堯舜前

診法

寇宗奭云凡看婦人病入門先問經期張子和云凡看婦病當先問娠又云凡治婦病不可輕用破氣行血之藥恐有娠在疑似間也彭用先云凡看產後病須問惡露多少有無此婦科要訣也沈莘緣云嬰兒臟氣未全不勝藥力周歲內非重症勿輕易投藥須酌法治之卽兩三歲內形氣畢竟嫩弱用藥不可太猛峻攻峻補反受藥累此幼科之要訣也王洪緒云癰與疽截然兩途紅腫爲癰治宜涼解白陷爲疽治宜溫消又云惟疔用刺其餘概不輕用刀鍼並禁升降痛爛二藥此外科要訣也

傷寒論六經提綱大半是憑乎問者至如少陽病口苦咽乾目眩及小柴胡湯症往來寒熱胸脇苦滿默默不欲飲食心煩喜嘔等則皆因問而知此孫真人所以未診先問也

脈

大腸脈候左寸小腸脈候右寸此脈訣之言也自滑伯仁候大小腸於兩尺李士材稱爲千古隻眼後人遂皆信之余考江石山脈訣別刊誤辨正叔和之說甚多而獨於左寸候心小腸右寸候肺大腸未嘗以爲非謂以腑配臟二經脈相接故同一部也又昌邑黃坤載元御謂脈氣上行者病見於上脈氣下行者病見於下手之三陽從手

走頭大小腸位居至下而脈則行於至上故與心肺同候於兩寸其說亦精可正滑說之誤

楊仁齋謂脈沈細沈遲沈小沈濤沈微之類皆爲陰沈滑沈數沈實沈大之類皆爲陽或誤施死生反掌余謂亦有不盡然者按名醫類案火熱門壺仙翁治風熱不解兩手脈俱伏時瘟疫大行他醫謂陽證見陰不治欲用陽毒升麻湯升提之翁曰此風熱之極火盛則伏非時疫也升之則死矣投連翹涼膈之劑一服而解又按脈誤歌謂傷寒一手脈伏曰單伏兩手曰雙伏不可以陽證見陰爲診乃火邪內鬱不得發越陽極似陰故脈伏必有大汗而解時證見此脈不少習醫者宜審之不可專主楊氏之說而爲所誤也

仲景傷寒論結胸熱實脈沈而緊心下痛按之石轉者大陷胸湯主之金匱論寒疝繞臍痛若發則白津出手足厥冷其脈沈緊者大烏頭煎主之同一沈緊之脈一則屬熱一則屬寒然則臨症者豈可專憑脈乎

上海縣志藝術門載姚蒙善醫尤精太素脈鄭來學巡撫召之視疾姚曰公根器上別有一竅出汗水鄭大驚曰此余秘疾汝何由知姚曰以脈得之左關滑而緩肝第四葉有漏通下故也鄭求藥曰不須藥到南京便愈以手策之曰今是初七約十二日可到鄭卽行果十二日晨抵南京而卒夫預決死期脈理精者能之至因關脈之滑而緩知其有漏通下恐無是事也志書好爲誇張之辭往往若是

李東壁奇經考云凡八脈不拘制於十二正經無表裏配合故謂之奇蓋正經猶夫溝渠奇經猶夫湖澤正經之脈隆盛則溢於奇經故秦越人比之天雨降下溝渠溢滿霑濡妄行流於湖澤按此則奇字當讀作奇耦之奇無表

配裏 合有讀作奇正之奇者非也

脈象虛實疑似之間最難審察易思蘭治一產婦醫案有云凡診脈遇極大極微者最宜斟酌如極大而無力須防陽氣浮散於外如極微之脈久久尋而得之於指稍稍如力按之至骨愈堅牢者不可認作虛寒今此症六部皆無脈尺後則實數有力所謂伏匿脈也陽匿於下亢之極矣豈可泥於產後禁用寒涼哉其辨別脈象至爲精細爲醫者當熟復其言

鬼祟之脈忽大忽小忽數忽遲蟲症之脈乍大乍小蓋皆無一定之形也至若氣鬱痰壅之症每因脈道不利運數不調最宜審察虛者之脈亦有至數不齊者汪石山醫案一人患泄精脈或浮濡而駛或沈弱而緩汪曰脈之不常虛之故也用人參爲君加至五錢而病愈

脈有六陰亦有反關診病者均宜詳審吳郡某醫有聲於時一達官新納姬人忽患心痛痰湧手厥某診其兩手無脈辭不治易醫診脈知是反關一劑而愈某之名望頓減

明王文恪公震澤長語云徐文定公爲詹事時至蘇城聞王時勉明醫也令診之時勉旣診以公脈有歟至不敢言公曰吾脈素有異時勉曰如是無妨然則脈又有歟至而非爲病臨症者可不詳察乎錢塘梁氏玉繩督記謂近有人祇一手有脈一手無脈此理殊不可曉此又臨症者所當知也

汪石山醫案載王宜人產後因沐浴發熱嘔惡渴欲飲冷水瓜果譫語若狂飲食不進體豐厚不受補醫用清

涼熱增劇石山診之六脈浮大洪數曰產後暴損氣血孤陽外浮內真寒而外假熱宜大補氣血與八珍湯加炮薑八分熱減大半病人自知素不宜參者不肯再服過一日復大熱如火復與前劑潛加參耆炮薑連進二三服熱退身涼而愈此段病情脈象無一可以用溫補者醫安得不用清涼迨服清涼而熱增劇始知其當用溫補然非如汪之有膽識亦不能毅然用之再其脈雖浮大洪數而按之必無力與葉思蘭所云見前相合此可於言外得之

元和江艮庭聲論語疾質謂孔子聖無不通焉有不知醫者自牖執手切其脈也既切脈而知其疾不治故曰亡之命矣夫其說未經人道然禮記疏有夫子脈訣之說則江說亦自有因況疾爲子之所慎豈漫以任之醫人而不究其理乎或謂孔子既知醫何以康子饋藥而曰未達余曰藥當是丸散之類不知其爲何物卽知之而莫辨其種之善否故曰未達不敢嘗

魏書術藝列傳顯祖欲驗徐謇之所能置諸病人於幕中使謇隔而脈之深得病情兼知色候後高祖疾大漸謇診治有驗酬賚甚渥下詔有誠術兩輸忠妙俱至之語其藝可謂精矣乃文昭皇太后之懷世宗也夢爲日所逐化爲龍而繞后后寤而驚悸遂成心疾王顯診脈云非有心將是懷孕生男之象而謇則謂是微風入臟宜進湯加鍼所謂智者千慮必有一失醫道真不易言也

脈數時一止爲促促主熱然亦有因於寒者如傷寒脈促手足厥逆可灸之注家謂真陽之氣本動爲寒所迫則數而促也脈緩時一止爲結主寒然亦有因於熱者如太陽病身黃脈沈結少腹軟小便利其人如狂者血證

主之注家謂濕熱相搏脈緩爲濕所以裏濕之脈當見沈結也觀此益知臨症者不可專憑脈矣

用藥

徐之才十劑宣通補洩輕重滑滯燥濕王好古補二種曰寒可去熱大黃芒硝之屬是也熱可去寒附子官桂之屬是也藥之用已無遺心印紺珠經標十八劑之目曰輕解清緩寒調甘火暑淡濕奪補平榮滯溫和則繁而寡要矣

鄭康成周官疾醫注五穀麻黍稷麥豆素問以麥黍稷稻豆爲五穀分屬心肝脾肺腎治病當從之程杏軒醫業輯錄治胸脘脹痛泛泛欲嘔食麵尚安稍飲米湯脘中卽覺不爽謂肝之穀爲麥胃弱故米不安肝強故麥可受當用安胃制肝法此得內經之旨者也

名家治病往往於衆人所用方中加一藥味即可獲效如宋徽宗食冰太過患脾疾楊吉老進大理中丸上曰服之屢矣楊曰疾因食冰請以冰煎此藥是治受病之源也果愈杜清碧病腦疽自服防風通聖散數四不愈朱丹溪視之曰何不以酒製之清碧乃悟服不盡劑而愈張養正治聞教諭羸疾吳醫皆用三白湯無效張投熟附二三片煎服卽瘥繆仲淳治王官壽遺精聞婦人聲卽泄精甚欲死醫者告術窮繆之門人以遠志爲君蓮鬚石蓮子爲臣龍齒茯神沙苑蒺藜牡蠣爲佐使丸服稍止然終不斷續加嫖膠一味不終劑卽愈葉天士治難產衆醫用催生

藥不驗是日適立秋葉加梧桐葉一片藥下咽卽產嘉定何弁伯患嘔吐醫用二妙丸不效徐靈胎爲加茶子四兩煮湯服之遂愈因其病茶積故用此爲引經藥略識數條以見治病者必察理精而運機敏始能奏捷功也

鄭閏庵治一人暑月煩懶以藥搖鼻不得嚏悶極遂取藥四五錢匕服之煩懶益甚昏不知人不能言語蓋以藥中有生半夏生南星等物也鄭謂南星半夏之毒須薑汁乃解盛暑煩懶烏可更服薑汁勢必以甘草解之但其味極甘少用則毒氣不解服至一二錢卽不能更多因以甘草一觔蒸露飲之飲盡而病退凡病者畏藥氣之烈惡藥味之重皆可仿用此法陳載庵嘗治一人熱甚喉痛用甘草桔梗連翹馬勃牛蒡子元參等味其人生平飲藥即堅拒不肯服而病劇又不能不進藥乃令以藥煎露飲二十餘椀而全愈

許允宗治王太后病風不能言以防風黃耆煎湯數斛置牀下薰蒸使口鼻俱受此夕便得語陸嚴治徐氏婦產後血悶暴死胸膈微熱用紅花數十觔大鍋煮湯盛木桶令病者寢其上薰之湯氣微復進之遂得甦此善師古法者也李玉治瘧謂病在表而深非小劑能愈乃熬藥二鍋傾缸內稍冷令病者坐其中以藥澆之踰時汗大出立愈則又卽法而變化之醫而若此與道大適矣

吳人畏服重藥馬元儀預用麻黃浸豆發藥凡遇應用麻黃者方書大黃豆卷俾病家無所疑懼當時治病皆於醫家取藥徐靈胎治張某病當用大黃恐其不服訛言以雪蠅蟆配藥製丸與服得瘥此可想見良工心苦非拘方之士所能及也

病有因偏嗜食物而成者非詳問得之奚由奏效前人治驗略誌數則以資玩索朱丹溪治叔祖泄脈瀉而帶弦詢知喜食鯉魚以茱萸陳皮生薑砂糖等藥探吐膠痰而瀉止林學士面色頓青形體瘦削夜多驚悸杜某詢知喜食海蛤味鹹故心血衰令多服生津液藥而病愈富賈患腹脹百藥不效反加胃膈食減延羸一草澤醫詢知夏多食冰浸瓜果取涼太過脾氣受寒醫復用寒涼重傷胃氣以丁香木香官桂健脾和胃肺氣下行由是病除趙尹好食生米而生蟲憔悴萎黃不思飲食用蒼朮米泔水浸一夜剉焙未蒸餅丸米湯下而愈吳孚先治長夏無故四肢厥冷神昏不語間之曾食豬肺乃令以欬冬花二兩煎湯灌之而痊蓋所食乃瘟猪肺也沈繹治肅王嗜乳酪獲疾飲濃茶數椀蕩滌膈中而愈醉立齋治一老人似痢非痢胸膈不寬用痰痢等藥不效詢知素以酒乳同飲爲得酸則凝結得苦則行散遂以茶茗爲丸時用清茶送三五十丸不數服而瘥吳廷紹治馮延巳胸中痛詢知平日多食山鷄鵝肉投以甘草湯而愈楊吉老治楊立之喉痛潰爛飲食不進詢知平日多食鷄鵝肉令食生薑一片覺香味異常漸加至半觔餘喉痛頓消飲食如故梁新治富商暴亡謂是食毒詢知好食竹鷄令搗薑搣汁折齒灌之而甦某醫治一婦面生黑斑數點日久滿面俱黑詢知日養斑鳩用生薑一觔切碎研汁將滓焙乾却用生薑汁煮糊丹食之一月平復蓋山鷄鵝肉竹鷄斑鳩皆食半夏故以解其毒也沈宗常治廬陵人脹而喘三日食不下咽視脈無他問知近食羊脂曰脂冷則凝溫熨之所及也溫之得利而愈

治痼病宿病有不能速愈者如朱丹溪治虛損瘦甚右脇下痛四肢軟弱用二陳湯加白芥子枳實薑炒黃連

竹瀝八十貼而安祝仲寧治腳膝痺痛服清燥湯百劑而愈此類甚多當初服數劑時必不見效非信任之深誰能耐久乎吁世之延醫治病往往求其速效更易醫者雜投方藥而病轉增劇蓋比比然矣

袁隨園作徐靈胎先生傳有云張雨村兒生無皮先生命以糯米作粉繆其體裹以絹埋之土中出其頭飲以乳兩晝夜而皮生此蓋有所本也元危亦林得效方生子無皮速用白旱米粉乾撲候生皮方止明葛可久治舟人生子身無全膚令就岸畔作一坎置其中以細土隔衾覆之且戒勿動久之生膚蓋其母懷姪舟中久不登岸失受土氣故也徐參用二法而得效洵乎醫之貴博覽也

治婦人肝症每用疏泄攻伐之藥而不知陰受其傷治小兒驚風每用香竄鎮重之劑而不知隱貽之害治肝莫善於高鼓峯之滋水法治風莫善於吳鞠通之解兒難洵可以挽積弊拯生命也

世人襲引火歸源之說以用桂附而不知所以用之之誤動輒誤人今觀秦皇士所論可謂用桂附之準特錄於此趙養葵用附桂辛熱藥溫補相火不知古人以肝腎之火喻龍雷者以二經一主乎木一主乎水皆有相火存其中故乙癸同源二經真水不足則陽旺陰虧相火因之而發治宜培養肝腎真陰以制之若用辛熱攝伏豈不誤哉夫引火歸源而用附桂實治真陽不足無根之火爲陰邪所逼失守上炎如戴陽陰躁之症非龍雷之謂也池曰何西桂引火歸源爲下寒上熱者言之若水涸火炎之症上皆熱不知引此火歸於何處此說可與秦論相印證

丸及家祕肝腎丸

地黃大冬歸身白芍黃柏知母共研細末元武膠爲丸

之類是也

病有上下懸殊者用藥殊難陸養愚醫案有足以爲法者錄之陸前川素患腸風便燥冬天喜食銅盆柿致胃脘當心而痛醫以溫中行氣之藥療其心痛未減而腸紅如注以寒涼潤燥之藥療其血便未通而心痛如刺陸診其脈上部沈弱而遲下部洪滑而數曰此所謂胃中積冷腸中熱也用潤字丸三錢以沈香衣其外濃煎薑湯送下一錢半日許又送一錢平日服寒涼藥一過胃脘必痛如割今兩次丸藥胸膈不作痛至夜半大便行極堅而不甚痛血減平日十之六七少頃又便一次微痛而血亦少便亦不堅清晨又解便溏一次微見血而竟不痛矣惟心口之痛尙未舒因爲合臟連丸亦用沈香爲衣薑湯送下以清下焦之熱而潤其燥又用附子理中料爲散以溫其中飴糖拌吞之以取戀膈不使速下不終劑而兩症之相阻者並痊此上溫下清之治法也盧紹庵曰丸者緩也達下而後溶化不犯中宮之寒散者散也

過咽膈卽銷溶不犯魄門之妙處在於用沈香飴糖

陳曙倉室人咳嗽吐痰有血夜熱頭眩胸膈不舒腳膝無力醫用滋陰降火藥已半年飲食漸少精神漸羸診其脈兩寸關沈數有力兩尺濇弱而反微浮曰此上盛下虛之症上盛者心肺間有留熱瘀血也下虛者肝腎之氣不足也用人參固本丸令空腹時服之日中用貞母蘇子山楂丹皮桃仁紅花小薊以茅根煎湯代水煎藥服之十帖痰清血止後以清氣養營湯茯苓白芍歸身川芎木香白豆蔻陳皮黃連與固本丸間服三月後病瘥而受孕此上清下補之治法也

物性有相忌者即可因之以治病如鐵畏朴硝張景岳治小兒吞鐵釘入腹內用活磁石一錢朴硝二錢並研

末熬熟豬油加蜜和調與之吞盡遂裹護鐵釘從大便解下豆腐畏萊菔延壽書云有人好食豆腐中毒醫不能治作腐家言萊菔入湯中則腐不成遂以萊菔湯下藥而愈菱畏桐油橘旁雜論云一醫治某嗜菱食之過多身熱胸滿腹脹不食病勢垂危知菱花遇桐油氣輒萎因取新修船上油滯作丸入消食行氣藥中與服卽下黑燥糞而痊此類尙多未能縷舉習醫術者誠不可不博識多聞也

冷廬醫話卷一終

冷盧醫話卷二

桐鄉 陸以湉 定圃氏著

古人

京師先醫廟始於明嘉靖間按元貞元間建三皇廟內祀三皇並歷十餘人至是始定爲先醫廟

本朝因之中奉伏羲左神農右黃帝均南面句芒風后東位西向祝融力牧西位東向東廡倅貸季天師岐伯
伯高少師太乙雷公伊尹倉公湧於意華陀皇甫謐巢元方藥王韋慈藏錢乙劉完素李杲皆西向西廡鬼臾區
踰少俞桐君馬師皇神應王扁鵲張機王叔和抱朴子葛洪真人孫思邈啓元子王冰朱肱張元素朱彥修皆東向
以北爲上歲以春冬仲月上甲遣官致祭按韋慈藏名訊道唐人施藥濟世因有藥王之稱今世俗之祀藥王者塑
像爲卉服而以王爲皇未知出何典故渤海秦越人受桑君之祕術遂洞明醫道以其與軒轅時扁鵲相類乃號之
爲扁鵲又家於盧國乃命之曰盧醫世或以盧扁爲二人謬矣語見楊元操集注難經序凡爲名醫必有傳授之師
如孫文垣一奎之師黃古潭張景岳介賓之師金夢石此皆青出於藍而師之名轉賴徒以傳漢張仲景稱醫中之
聖其師爲張伯祖自非仲景誰復知有張伯祖哉傳道實得其人非獨聖門爲然矣

張仲景醫中之聖也華元化醫中之仙也二人同時范氏祇爲元化作傳烏得稱良史乎

明代以醫名而爲顯官名列史傳者有二人曰許紳曰王綸許官尚書因醫而始顯者也王官巡撫既顯而猶

醫者也然許能拯世宗於已絕

事見明史而野獲編今言所載較詳并復編云嘉靖壬寅年上寢於端妃所宮沖陽金英等相結行試用飼繁率衆人解之今言云西苑宮人之變聖躬甚危紳用桃仁紅花大黃諸下血藥奏進之未時而不能自療其驚悸明史紳得疾曰曩者宦變吾自忽作聲去紫血數升申時遂能言又三四劑平氣活血躬遂安次年紳以用藥驚薨病死

石所能王所在治病無不立效而不能自知服藥之誤是矣宜亟歸節齋遠投效歸至吳閨下亦色小龜無數而卒醫豈易爲哉

元史方伎傳醫家僅列李東垣言其學於傷寒癰疽眼目爲尤長而不及脾胃載治驗有六皆不詳其所用之藥史例大率如此然而略矣

道士知醫最著名者有崔紫虛僧則有深師荆山浮圖師慎柔和尙宦官則有羅大無知悌婦女則有胡宗仁之母徐氏妻李氏醫任死生之重而通性命之微固無人不當學也特非盡人所能學耳

上古俞跗治病能割皮解肌湔洗腸胃漱滌五臟華元化猶傳其術史所稱刳破腹背抽割積聚是也華以後能之者無聞焉雖有弟子吳普樊阿不盡其奧豈神奇之術非其人勿傳歟

續名醫類案卷三十奇疾門錢國賓案注云錢塘人萬歷時人有壽世堂醫案四十則多奇疾乃刻本由杭太史董甫處借得凡三十二字閣本無魏氏家藏本有奇疾門錢論肉行一症可補瘟疫諸書之缺云癸亥冬山海天行時疫病者頭痛發熱惡心口渴神昏欲寐四肢不舉其肉推之則一堆平之則如故醫有作傷寒者有作時氣者投以發散藥無不加重死者數百時督師閣部孫及贊畫各傷一僕至乙丑春錢之關門謁太師談次問及曰

此症天行時疫名肉行人肉屬土土燥則崩土濕則流其邪感於血脈肌肉不比傷寒所治古今醫集不載止於邱便方見此異症一款因人血枯而感天時不正之氣當大補血用首烏枸杞歸地等味少加羌活風藥足以應病矣若經發散立死無疑又治足跟響至頭聲如雷診脈五部皆和獨腎丸大舉之始見按之似無乃腎敗也腎經自足走頭腎主骨腎虛則體空空則鳴所以骨響以六味丸加紫河車膏虎骨膏豬髓枸杞杜仲服之愈又治兩膊紅十數條頭粗尾尖腹大長尺許闊寸許曰此青蛇異氣不急治蛇形入腹而死或生大小腿如頭向上故入腹亦死以鍼挑破頭尾使其不走流出惡血又研明雄黃唾調塗患處內服清涼敗毒散而愈防風荆芥白芷羌活黃芩黃連金銀花槐子甘草當歸生地各二錢觀此則錢亦當時名手而今罕有知之者不有續名醫類案不幾湮沒無傳乎

古今醫案類按云高果哉先生乃王金壇之高弟準繩序中所謂嘉善高生隱士也余童時習聞父老傳誦其治病如神著有醫林廣見及雜症二書未曾刊印得之者珍如拱璧又有醫案數卷立方頗多奇巧然險峻亦難輕試略選數條以存吾邑文獻其卷七一條云魏子一患嘴脣乾燥自服麥冬一兩生地四錢元參二錢五味一錢甘草六分烏梅三個雖有小效而病根不去高云此症宜用神水其法以鉛鎔化散澆於地成薄片取起翦作長條數塊以一頭鑽眼懸弔於鍋鍋內置燒酒燒酒之上仰張一盆與鉛片相近鍋下燃火使酒沸而氣上冲於鉛片鉛片上有水滴下盆內謂之神水取服之以此水從下而上能升賢中之水救上之乾燥也按本草綱目所載神水指五月五午時竹竿中雨水其主治亦異此可以補方書之缺特錄之

今人

吾里張雲賓先生

李瀛桐
鄉縣人

醫學深邃求治者門常如市余表兄周士勳夏日身熱不退脈虛自汗醫用清暑藥

不效先生診之曰口不渴舌少胎且神氣虛弱乃大虛症也再服清暑藥脫矣投以八診大補之劑獲愈其子鐵胡上舍禾亦精醫理診病膽識絕人有鄉農病喘十餘日服藥不效登門求治令服小青龍湯鄉農有難色張曰服此藥二劑仍不得臥者余甘任其咎鄉農去家人訝其失言張曰彼喘而延至十餘日不死非實症不能又何疑焉閱數日鄉農復來則病果瘳矣

臨海洪葵園孝廉裕封精醫理嘗言古方書如傷寒金匱今方書如臨證指南誠能專心玩索診疾自能奏功台郡少良醫由於昧所適從僅讀藥性賦湯頭歌括及醫宗必讀等書耳其治病每以古方獲效文參軍之子患暑症初微惡寒後壯熱汗出噯氣腹痞口乾渴面腫頭痛大小便少醫用葛根桔梗製半夏薄荷佩蘭赤芍通草杏仁蘆根等藥漸覺氣急神昏葵園診之謂脈大舌黃是白虎湯症也投一劑諸症皆減改用鮮石斛黃連生甘草金銀花瓜蔞實等味而痊張明經患春溫惡寒發熱喉爛醫用甘桔荆防牛蒡等味病不減葵園投以黃芩湯加連翹殼杏仁一劑獲愈此真善用古方者

嫡兄星槎先生幼少好學以多病兼玩醫書久而精能宰化縣年老罷官貧不能歸乃懸壺於會城順德縣縣

令徐某之子夏月泄瀉服清暑利濕藥不效漸至發熱不食神疲息微。余年已暮祇此一子計無所出。延兄求治兄曰此由寒藥傷脾陽虛欲脫宜進溫藥以救之。因用附子理中湯。徐疑不敢服。兄曰此生死關頭前藥已誤。豈可再誤。此藥有疏虞。我當任其咎。服藥諸症俱輕。連進數劑全愈。徐大喜。傾囊厚贈。復爲乞援同寮。因得全家歸里。兄著有製方贊說行世。

錢塘呂林村司馬震名官。湖北有政聲。忽動歸思。僑居吳門。爲人治病多獲效。潘太史邊祁病癰。服茵陳湯不效。服平胃散又不效。脘中若藏井底泥。米飲至前。輒噦。呂診之曰：濕固是已。此寒濕宜溫之與。五苓散加附子藥下。咽胸次爽然。方氏子傷寒疾。革議用牛黃清心丸。呂曰：邪在腑上。蒙心包開之。是搘盜也。宜急下存陰。投以犀連承氣湯。一服病愈。葉氏女。週歲遘疾。將殆。仰臥胸膈如阜。呻吟拒按。呂曰：此結胸也。服小陷胸湯立效。呂酷好醫書。徧百家而一。以仲景爲宗。嘗言：仲景傷寒立法能從六經辨症。則雖繁劇如傷寒不爲多岐所誤。而雜症卽一以貫之。其爲醫也。問切精審。不雜一他語。立方必起草閱數刻始安。一家有病者數人。一一處之無倦容暇。輒手自撰論。闡發仲景之學。著有傷寒尋源行於世。

青浦何書田。其偉家世能醫。初爲諸生。專於學工。古今體詩未嘗爲醫。自其父元長先生卒。念世業不可無繼。稍稍爲之。名大噪。有徐姓者。昏熱發狂。力能踰牆屋。何曰：是邪食交結也。則其人果以酷暑食水澆飯。旋就柳陰下臥也。以大黃枳實下之而愈。金澤鎮某生。逾冠未婚。得狂疾。用牛黃清心加味法而屬其家人於煮藥時。覆女子裹。

衣於其上兩劑而愈門人疑之何曰是陰陽易法吾用之偶驗耳嘗作醫論詩云治病與作文其道本一貫病者文之題切脈腠理現見到無游移方成貴果斷某經用某藥一味不可亂心靈則手敏法熟用益便隨症有新獲豈爲症所難不見古文家萬篇局萬變此可見其生平所得力矣

表兄周乙藜學博士照潛研醫理嘗治分水典史王某之妻兩臂纏不能舉面色黯淡脈沈緩諸藥不效令服活絡丹數服即愈後以治手臂足臍攣腫之屬寒濕者皆效乙藜之戚張氏婦體弱惡食月信已停八月就診於蘇州名醫何氏診之云是經阻令服通藥乙藜診之曰六脈滑疾右寸尤甚是孕也且必得男以安胎藥與之閱四月果生男

烏程鈕松泉殿撰福保之父晴嵐封翁芳鼎精外科術貧者求治不取錢且贈以藥製藥不惜重值拯治危症甚多殿撰尤好岐黃書在京師每爲人治愈危疾嘗治其同年之母高年患痢醫用芍藥湯不效轉益困篤身熱不食殿撰詢知病前曾多食蟹診脈左弦數右數而弱舌胎中黑腹痛喜按力排衆議專主熱藥用熟附子八分炮薑一錢白芍一錢吳茱萸五分焦白朮三錢茯苓三錢肉桂八分炙甘草一錢砂仁五分陳皮五分生薑二片一劑痢稀熱減去茱萸陳皮加丁香木香二劑痢止改用補中益氣湯加附桂炮薑全愈殿撰有診治醫案一冊名曰春冰集蓋言慎也

吳江陳夢琴茂才希恕家居蘆墟其曾祖爲諸生者名策得外科秘方於外家潘氏始爲醫茂才幼好學有聲

序間壯歲家中落母令習家學可養生兼可治生乃從其兄省吾上舍希會學期年而業成生平所治疾悉錄成書積三百二十二卷手撮其要爲十冊以訓子姪其壻沈沃之學博曰富擇取之爲婦翁陳先生治疾記篇長不備錄錄其尤者一人無故舌出於口寸餘他醫遵古方薰以巴豆煙飲以清心脾藥不效先生命取雞冠血塗之使人持銅鉢立其後擲於地聲大而騰病者愕顧而舌收矣或問其故先生曰舌爲心苗心主血用從其類必雞冠者清高之分精華所聚也擲鉢於地者驚氣先入心治其原也

以愚按周真治婦因產子舌上不收以殊妙傳之
令以壁外墻瓦盆作聲而舌收此蓋從其法化出

先生治疾以至之先後爲序一日忽於衆中呼一人前問所患曰脣有微腫視之僅一小皰先生潛謂同來者曰此白刃疔試視其額端已起白色速歸矣危在須臾其人方出門面部白色漸趨口角未至家死

徐氏子年二十餘四肢不舉昏昏欲寐食後益甚莫識其症先生曰是見肘后方名曰穀勞由飽食卽臥而得以川椒乾薑焙麥芽爲丸服之遂瘳有食鴉片煙者偏體發胞痛癢交作仰搔膚脫終日昏憤語言誕妄先生曰此中毒之最甚者尋常解法恐不及濟用硃砂一兩與琥珀同研末犀角磨汁和三豆湯進之神志頓清偏體無皮痛不可忍復磨菖蒲菉豆爲粉塵粘席乃得安臥不半月愈

胡氏子咽痛氣急勺水不能下或曰風溫或曰風痰先生切其脈細微手足清而脾滑曰虛寒喉痺也用理中湯觀者皆駭相顧先生曰急服之遲將不及苟無效余任咎耳覆杯而平

吾邑張夢廬學博千里少工詩文長精醫術家居後珠村就診之舟日以百計醫金所入半瞶親友不置生產

惟聚書數萬卷而已時長興臧孝廉壽恭有文名張延謀諸子臧亦通醫理嘗問張曰長洲葉氏忌用柴胡吳江徐氏譏之先生亦不輕用此味得毋爲葉說所惑曰非也江浙人病多挾濕輕投提劑瞑眩可必獲效猶賒葉氏實閱歷之言徐氏乃拘泥之說此河間所以有古方不可從之激論也臧曰聞先生治瘡瘍不用升藥何也曰升藥卽漢之五毒藥其方法見瘡醫後鄭注自來瘡醫皆用之然諸瘡皆屬於心心爲火藏又南人瘡瘍皆由濕熱若更劑以剛烈熬煉之藥弱者必痛傷其心氣強者必反增其熱毒此所謂不可輕用也張生平拯危疾甚多尤著者湖州歸某寒疝宿飲沈綿四年諸藥不應投一方立效三易方全愈茲錄於後初診云肝陽鬱勃動必犯胃久則胃氣大傷全失中和之用以致肝之鬱勃者聚而爲疝胃之停畜者聚而爲飲疝動於下則飲溢於中所以居常胃氣不振時有厥氣攻逆自下而上懊憹痞憊必嘔吐酸綠之濁飲而後中陽得通便溺漸行此所謂寒疝宿飲互爲病也病經數年宜緩以圖之若得怡情舒鬱當可全愈茯苓三錢桂枝三分生冬朮一錢半炙甘草四分小川連三分吳茱萸泡淡三分乾薑三分製半夏一錢枳實炒五分白芍酒炒一錢半生薑三分竹茹七分次診云寒疝宿飲盤踞於中久而不和陽明大失中和之用今腸漸通降屢次所下黑黃乾堅之矢既多且暢則腸腑之蓄積者得以漸去腸通然後胃和此數年來病之大轉機也蓋飲疝互擾皆在陽明下流壅塞則上流何能受盛傳導益滿必上溢此理之易明者也今宜專與養胃以漸漸充復其受盛傳導之職機不可失正在此時至於痔瘻溺少皆屬陽明可一貫也黨參三錢橘皮錢半茯苓二錢製半夏一錢麥冬去心錢半火麻仁二錢杏仁去皮尖二錢白蒺藜炒去刺二錢刀豆子炒研三錢黑芝麻三錢柿餅煨半枚白粳米一撮三診云病纏三四年至今秋纔得腸腑通潤燥矢漸來繼以溏潤然後胃脈不致上逆嘔吐止而飲食進可見陽明之病以通爲補也今深秋燥令

痔必稍愈仍宜柔養陽明以期漸漸充復黨參三錢橘皮錢半茯苓二錢製半夏二錢生甘草四分驥皮膠二錢柿餅生苡荷葉一角金石斛三錢

歷代宰相通醫理者伊尹而後狄梁公陸忠宣公范文正公是已我

朝山陽汪文端公亦諳醫理其評吳鞠通溫病條辨有云溫熱濕溫爲本書兩大綱溫熱從口鼻吸受並無寒症最忌辛溫表散但當認定門徑勿與傷寒混雜再能三焦投藥辨清氣血營衛不失先後緩急之序便不致誤濕溫爲三氣雜感濁陰瀰漫有寒有熱傳變不一全要細察兼證辨明經絡臟腑氣血陰陽濕熱二氣偏多偏少方可論治又云熱症清之則愈濕症宣之則愈重者往往宣之未愈待其化熱而後清清而後愈一爲陽病一兼陰病難易較然觀此知公學識之精矣

吾里孔行舟上舍廣福善醫治外感尤精嘗云隙口瘡半因誤藥而成醫者治瘡輒用葛根濕熱提入陽明遂至噦逆不食變成險症急投以黃連乾薑庶克有濟余見近世治外感不辨手足六經輒用葛根柴胡溫病遇之鮮不輕者至重重者至死病家不識藥性以爲疾不可治而不知醫實殺之也可慨也夫

續名醫類案云鮑某飲年二十餘夏月至歎受熱鼻衄愈後偶啖梨遂得吐症蓋肝火而胃寒也百治無效聞說吐字則應聲而嘔後至吳門就葉氏診以其脈沈細令服附子理中湯參薑附俱用三錢服後出門行及半里覺頭重目眩急歸寓及門而仆其尊人諳藥性謂必中附毒亟煎甘草灌之良久乃甦後去附子仍服三劑吐轉甚再往診仍令服前方遂改就薛氏告以故薛用六君子湯服四劑無驗冬月感寒增咳纏綿至夏余偶訪知則病劇詢

知爲向患吐近復二便秘已七八日不食惟渴飲茶水更醫數人或言令以艾灸臍俱不應請診之見其面色青悴脈弦伏而寸上溢謂此緣脾陰大虧木火熾盛又因久咳肺虛肝無所畏遂下乘脾而上侮胃致成關格幸脈不數易治也宜先平其肝俾不上衝而吐止斯肺得下降而便行令以黃連肉桂各五分隔湯蒸服飲下覺吐稍止卽能食糕數塊然二便脹不可支令以大田螺一枚搗爛罨於丹田以物繫定不逾時二便俱行所下皆青色遂霍然而愈時甲戌五月二十七日也按甲戌爲乾隆十九年葉天士卒於乾隆十年。後以六味加減入沙參麥冬等咳嗽亦止。向後常服養榮之劑吐不復作。余按鮑刊名醫類案魏爲校正鮑賦夕陽詩魏亦和作二人之交情非比尋常蓋有由然矣。

上元葛芝山布衣鋪少孤極貧讀書僧寺遇異人授書一卷乃岐黃家言其方甚秘習之以治病效如神羣小兒戲一人張口而跳蹙伏門限舌斷墮地一人騎門限坐力猛腎囊破睾丸墜葛悉爲安之自朝至日中門庭如市口講手畫無倦色午後携百錢獨游或採藥或看花或冒雨雪提酒榼訪知己當道聞名迎者沓至則詭曰葛某第士藉醫苟活實無伎倆昨誤殺人羣聚毆之已遁矣其志趣如此尤精砭法凡病赤遊風汗不得發死者十八九宜以血代汗葛削竹夾瓷磚研之出血如珠密排而不流立愈蓋輕則皮不破重則肉傷無第二手也咸豐癸丑三月賊陷金陵脅爲內醫官不從十四日既夕昇舊制兩棺於廳事出白金九錠分贈鄰里且託身後事遂與妻周氏縱飲沈醉整衣冠各入棺呼其兄子蓋而釘之時夜將半至四更聞棺中格格然蓋氣始絕也其友當塗馬鶴船學

博壽齡爲作詩余撮其略如此惜不得其治驗方云

陳載庵坤居山陰之柯橋承其父梅峯先生燉之傳虛心臨證屢救危殆猶復廣搜書籍研究忘倦咸豐丁巳春訪余於武林相見恨晚各出所藏秘笈互鈔載庵之長子幼時喉痛數日徧身發胞如剝皮狀痛癢難堪醫者不識載庵焦思無計忽憶唐笠山吳醫彙講中曾載名曰虜瘡須以蜜煎升麻拭摩若不卽療必死乃卽如法治之蜜隨塗隨消二晝夜用蜜數升遂愈其好學之獲效有如此

杭州趙芸閣泰勤求醫理洞燭病機其戚有爲醫誤治服利濕藥以致危殆者二人趙皆拯治獲痊其一患淋症小便澀痛異常服五苓八正等益劇趙詢知小便澀濁曰敗精留塞隧道非濕熱也用虎杖散入兩頭尖韭根等與之小便得通而愈其一膝以下腫醫用五苓腫更甚趙以其腫處甚冷而面色㿠白知是陽虛令服金匱腎氣丸而愈夫南方濕病居多此此二症多挾濕者茲獨不宜於利濕藥可知治病不當執一非學識之精者焉能無誤哉吾邑沈吟梅州判炳榮熟精醫理官直隸時曾治一婦年二十八因喪夫而得顛疾時發笑聲用六味地黃湯加犀角一錢服二劑卽痊蓋笑主心心生火心鬱則火愈熾而上升故以此藥交心腎使火熄而病自己也

古書

醫家著書每爲假託之辭以炫其功能如寶材扁鵲心書則以爲上天所畀張景岳全書則以爲游東藩之野精校冷廬醫話

而遇異人至陳遠公石室秘錄乃竟託之於岐天師雷公尤屬不經洪氏集驗方五卷宋洪景嚴遼所輯本草綱目採宋人方書甚多獨遺此書蓋失傳久矣嘉慶間吳縣黃堯圃不烈得宋刻本乃重刊之其書始傳於世黃序中謂此書刊成求序於獨學老人謂石殿撰龍玉殿有札示余云昨所言交感丹疑用香附太偏重因查敝處所藏方書乃是香附一箇配茯神四兩曾鈔是香附一觔竊意香附一箇無一觔重之理恐係鈔胥之誤能再查原本此固慎重起見然余卽以此方降氣湯二條證之一用半觔一用五兩是遞減用之原方一觔非誤俟宋之癖如是並附著之以質之深於醫理者一正其是非云余按用藥分兩有君臣佐使之不同卽如此書中蔻蓉草附丸菟絲子六兩而沈香僅一分以視一觔四兩更爲輕重懸殊且瑞竹堂經驗方亦載是方香附亦用一觔本草綱目收入香附條下分兩悉合然則黃說是也蘇沈內翰良方沈存中自序有云世之爲方者稱其治效常喜過實千金肘后之類尤多溢言使人不復敢信夫千金肘后爲古方書之佳者而猶若如此況其他乎卽如此書中蘇合香丸至寶丹等素稱神效而統觀全書熱藥居多至若止吐悞紅丸之用信砒巴豆治驚辰砂丸之用膩粉龍腦尤爲峻厲豈可輕視又小柴胡湯爲傷寒少陽症主方而此書以爲赤白痢尤效且謂痢多因伏暑此藥極解暑毒凡傷暑之人審是暑暍不問是何狀連服數次卽解是欲執此方以治一切暑暍症也不又爲聖散子之貽穀於世乎是知方書非無可取之處而不能盡善在人精心審擇以定棄取耳

宋董汲旅舍備要方 四庫全書題要云汲因客途猝病醫藥難得集經效之方百有餘道內如蚰蜒入耳及

中藥毒最爲險急而所用之藥至爲簡易其雜傷五方古書中不少概見今亦罕傳尤見奇特蓋古所謂專門禁方用之則神驗至求其理則和扁有所不能解卽此類也今錄其方以備用

治蚰蜒入耳膽礬末一匙以醋少許滴灌之須臾蟲化爲水解中藥毒並蟲毒悶亂吐血煩燥甘草一兩生用白
礬五錢延胡索一兩右爲細末每服半錢水一盞煎至六分去滓放冷細細呷之雜傷治火傷被火燒處急向火灸之雖大痛強忍之少間不痛不脹治犬馬齧及馬骨刺傷人及馬血入舊瘡中方取灰汁熱漬瘡常令汁有火數易其汁勿令爛入肉三數日漬之有腫者炙石令熱熨之日二次卽止

治蛇咬久不效及毒氣內攻疼痛方雄黃白礬等分研就刀頭上爆令鎔下便貼咬傷處自瘥治道塗大醉仆地或取涼地臥爲蛇入人竅方見時急以手捻定用刀刻破尾以椒或辛物置破尾上以綿繫之少刻自出此蛇有逆骨慎不可以力拔之須切記壁鏡咬人立死治之方檳榔不拘多少燒灰存性先以醋淋洗後以醋調貼之又一方甚平易可用並錄之治跋涉風土或道路誤爲細塵眯目隱痛不能視物隨所睞目以手分開自以唾搽之卽愈

偶從友人處見張叔承三錫醫學六要眉間評語甚佳惜不知何人手筆摘錄數條於此惟痰最易忽略鄭醫周公望治謝時素三十年不愈之瀉用滾痰丸三服頓除又治一夢遺幾死百補不愈以滾痰丸一兩行之卽愈萬可久補髓丹黃蠟與雞同用此二味不宜並食錄明有禁當刪去一人嗜酒醉後服葛花卽解一醫曰此人不

久矣疏利太過也果以風痺死 吞酸一症東垣作寒症河間丹溪作熱論世人因有標本之說分屬之吾輩固當兼參然治常得苓連症用薑桂者甚少豈東垣之法可廢哉緣俗醫治病初多用溫散久久寒化爲熱未有不從熱治者耳 一娠婦小便偏數多而溺少澁而不通余用補中益氣湯吞六味丸四錢愈醫貫法也次日令再服病人以不慣丸藥且謂地黃泥隔遂止越二日病復作必欲另一方因以清心蓮子飲與之一服效後視傷寒準繩知古有成法也 妊婦轉胞由治壓膀胱大抵氣虛所致薛氏以補中益氣湯舉之較丹溪四物四君二陳煎服探吐爲穩 杭醫陳月坡治鄭謝宣子室人一劑而通蓋清氣之陷總因濁氣不降耳升之則降矣降之則升矣 催生如柞木飲兎腦丸通明乳香等法俱不足存祇一味獨參湯妙甚余第四女難產一晝夜服參半觔而生高鼓峯每用參著各一兩當歸五錢川芎三錢冬月加桂以溫之

四庫全書醫家類存目藥鏡四卷浙江巡撫採進本題要云明蔣儀撰儀字儀嘉興人正德甲戌進士其歷官未詳是編前後無序跋惟凡例謂醫鏡之鐫駢車海內今梓藥性仍以鏡名云云此書余於咸豐七年從武林書坊得刊本四卷乃與王宇泰醫鏡四卷有儀用崇禎辛巳序文合刻者前有儀用之弟雲章彥文氏順治丁亥序及儀用康熙二年自序各卷首刊嘉善蔣儀鑒定常禮參訂彥文之序謂儀用負宏濟蒼生之願出入場屋見削執事鬱鬱不得志以爲無爵位而有功名可以遂我宏濟之願者莫若藥醫若偏訪名宿遂得宗旨於王宇泰先生發其枕秘有醫鏡一書鐫傳海內學人奉爲指南矣然而用克鏡醫必先鏡藥歲在乙酉魏塘春夏爲宏光元年魏塘秋冬爲順治之二年民之死於

兵死於疫者蓋踵相望儀用側處北村惻然心傷益無意章句乃集合今藥性全書並諸名家及金沙用藥秘旨手自刪訂編輯綴方給藥全活鄉黨貧人又與常子馨逸互相考論砥琢詞章協以聲韻成書四卷名曰藥鏡又云儀用近音蓬編茨驅兒輩及僮僕督耕隙上暇時買藥歸來懸壺街市袖古今醫說研窮探味云以自老據此則儀用應試而未嘗登第入

本朝業醫以終題要所云乃據採進本之辭耳及考嘉興府志撰述門祇有卜祖學藥鏡無儀用名當亦有誤特識於此爲吾郡徵文獻者告焉

張介石謂醫貫以六味治傷寒其言如耽葉天士謂景岳以大溫中飲治溫邪時疫言滋陰可以發汗眞醫中之賊蓋趙氏喜用六味張氏喜用參桂立言一偏遂滋流弊今二書盛行於世讀者必詳察其失而節取其長斯可矣

史載之方二卷卽直齋書錄解題所云蜀人史堪指南方也此書世少傳本余從新城羅鏡泉學博以智借得
鈔本錄之洪景嚴集驗方曾記載之治婦人氣堪刺痛二方兼及其治驗蓋亦能醫之士也然其書中之方大半皆
麻黃獨活附子官桂等藥其治疫毒痢之通神散用麻黃官桂甘草大芍白朮細辛獨活桔梗防風芍藥白芷牡丹
皮牽牛第二方用訶子第三方用硫黃楊子建襲之改爲萬全獲命三方並襲其說如寒邪犯心水火相戰所以先
發寒熱水火相犯血變於中所以下赤痢云云孔以立痢疾論深詆之斥爲不經之說又謂不辨人體之強弱脈息

之虛實擅用麻黃尤桂牽牛訶子硫黃實乃殺人之事其論良然

宋靈泉山初虞世古人錄驗養生必用方人間絕少咸豐初年杭州吳山陶氏寶書堂書坊偶得宋刊本於明湖州丁寶書以錢六千購之去余友羅鏡泉亦喜搜奇書聞之大驚急從丁君強借鈔副本余因得錄一冊按郡齋讀書後志謂是十六卷直齋書錄解題及宋史藝文志謂是三卷通志藝文略亦云三卷又有續必用方一卷此冊分上中下三卷前有紹聖五年宗室捐之重刊序文書中記傳方之人甚多皆詳其出處行誼知亦有心人也卷首論爲醫一條云用藥之法先審有害無害苟能無害是爲有利益湯丸一入不出人死豈可復生歷刦長夜永爲寃對無有免離仁者鑑此豈不勉施語簡旨深可爲醫門藥石

張戴人治病專用汗吐下然則其時病者竟無虛症當補者乎醫術雖高不謂之偏不得也其醫業中往往不詳脈象此出自麻知幾輩之手不免多附會失實至如治勞嗽治虛勞治凍瘡皆以舟車丸瀆川散大下之治臨產病喘以涼膈散二兩四物湯二兩朴硝一兩煎令冷服且謂孕婦有病用朴硝八月者當忌之九月十月內無礙其說皆未可信

雷公扁鵲皆上古時人戰國時秦越人慕扁鵲學因稱扁鵲迨後宋雷駁炮灸論亦稱雷公寶材心書亦稱扁鵲炮灸論之稱雷公乃後世所傳訛心書之稱扁鵲則材直以之自稱從來著書家未有如此誇大者

秀水殷方叔仲春醫藏自錄一卷就其生平所見醫書自上古以及近世咸載焉分爲二十函函各數十種首

仲春

自無上函自內經神農本草難經諸書外兼及易經洪範繁露蓋本孫思邈大醫須兼識陰陽卜相之意同時平湖陳懿典爲作序有云方叔研討方藥治病稱神戶履常滿然蕭然環闌中不走五都不游大人而醫藏一編網羅悉人間未覩之書議論闡古人未發之旨考嘉興府志方叔有傳在隱逸門是殆精於醫而不以醫名者方叔又能詩有安老堂集惜未得見

宋董氏璉衛濟寶書吳曉鉅得袁永之影宋定本二十二篇完善無缺視文瀾閣本多三之一後有續添方

乃元人所輯不知名氏方多佳者摘錄於此治毒蛇咬先以麻繩紮傷處兩頭次用香白芷細末摻於瘡口以多爲妙仍以新汲水調下半兩許毒氣自消一方用熟酒調下諸方皆用麥冬水蓋欲先護心氣也

出集驗方

繫瘤法兼去鼠蛇痔瘡

真奇藥也

芫花根洗淨帶濕不得

犯鐵器於木石器中搗取汁用線一條浸半日或一宿以線繫瘤經宿即落如未落再換線不過兩次自落後用龍

骨並詞子末敷瘡口卽合依上法繫鼠蛇痔瘡用得效蘇沈良方亦有用蜘蛛者然費力不如此徑捷如無根只用

花泡濃水浸線亦得趙氏嘗用以繫腰間一瘤不半日即落亦不痛二聖散治咽喉風熱喉一切腫毒鴨嘴膽礬

半錢白僵蠶絲剪去共爲細末每用少許以竹管吹入喉中立效來甦膏治驚邪風癇心癢狂亂積熱痰涎上衝

破傷風搐牙關不開無間遠年近日並皆治之用乾圓肥好無蛀皂角去皮弦子搗碎用清淨酸漿水一碗春秋浸

五日夏浸二日冬浸七日搓揉去滓澄淨用磁器內以文武火熬成膏藥相似攤以新灰紙上陰乾遇病人用時取手掌大一片用溫漿水化於磁器內將病人扶坐用竹葦筒裝藥水扶起病人頭吹入左石鼻孔內扶定良久涎出

爲驗此藥治愈病人不計其數大德六年有行御史臺徹里大夫舍人一十四歲因風熱痰涎朝搐牙關緊閉不省人事二臺醫治療無門有臺掾李受卿收此妙藥依法吹入左右鼻孔內須臾痰涎出及一碗餘立甦

今書

魏玉橫先生之秀續名醫類案余旣借錄 閣本全部後又假得魏氏家藏鈔本校勘一過視 閣本多所更正前有杭太史世駿余太史集序文並目錄後有魏鉞跋海寧王孟英士雄潛齋醫話謂卷首無序無目殆祇據閣本言耳今錄跋語於此云續名醫類案六十卷乃先君校栞汪氏名醫類案而成較篁南所輯爲尤備是書之優劣提要序文論之詳矣余小子不敢贊一辭書中兼援江氏例臨證諸案附見焉乾隆甲午歲恭逢朝廷開四庫全書館父友朱先生明齋携此冊入都亟錄副詳校以進幸蒙採錄此千載一時之

恩遇得以藉傳不朽原本仍發還本家敬謹收藏

館上指駁數條謹更正焉經進後鮑氏知不足齋擬刊未果原本爲先人手澤貽留未敢出以示人茲慎選楮毫精鈔全部詳校裝潢以冀 當代大人君子布金刊板廣播藝林誠於身心有裨鉞又何敢爲獨得之秘耶時嘉慶丁丑冬日臨江草堂後人魏鉞盥手拜跋

張景岳偏主溫補尊而信之者不少近日攻擊之者亦復有人如葉天士魏玉橫草虛谷陳脩園其最著也葉

天士發揮一書尤爲深切詳盡究之景岳之重扶陽時勢適然亦以救弊學者循覽其書必當與發揮參觀斯不爲其所誤惟發揮爲家藏之板久不印行余歷年搜訪至丁巳歲始於吳門購得一部惜力綿未能重刊廣傳也

如皋顧小瀾學博

金壽少擅才藻壯歲貢入成均屢困秋試年四十南歸秉鐸遂絕意功名專精醫理每遇宿

學名師不惜虛環就正求其精微治一證必刻意精思寢食俱廢方定卒起沈疴晚歲棄官家於吳門求治病者踵相接門弟子彙錄方案因選擇百條付梓

道光乙酉秋鋗

名曰吳門治驗錄其治病每用人所不恆用之藥而奏捷效婦女

解鬱調經則以合歡皮煎湯代水婦女反胃痰飲則用東壁土牆白螺蛳殼入黑驢溺連土陰乾研末入藥蓋黑驢溺入腎陰中至陰善通水通取其引火下行最爲神速但氣味過躁胃虛者格格不入白螺蛳能於水土中潛行成道且可化陽明鬱痰通厥陰鬱火又得東壁土拌而陰乾既無氣味更得殊功又治痰迷心竅忽於數日所讀之書皆不記憶用茯神五錢遠志肉錢半製半夏錢半陳皮一錢九節菖蒲五分陳膽星五分珍珠母三錢生甘草五分以惜字爐灰一兩煎湯代水煎服獲效去膽星加生益智仁一錢醋煅靈磁石三錢十服全愈蓋養營開竅化痰特以字紙灰作引腹加益智啓聰明磁石交心腎醫以意會亦由善思而後得之也

吳縣薛瘦吟福能詩精醫理流寓秀水之王江涇著有瘦吟醫贊附錄詩十數首其自書吟稿後云離家十載感華顛一檢矣囊一黯然未必書坊有陳起江湖詩好定誰憐語殊清婉吳江李顯若王猷聞憫詩續鈔謂瘦吟治疾疏方雄談驚座惟執於用古持論雖透澈而服其藥者往往不效以故門可羅雀釜或生塵年七十餘窮困以終

然觀醫贊所言非盡不合時宜者如云今之傷寒皆溫熱病也若太陽之麻桂青龍等症無有也初起只須葱鼓合涼膈散散表邪兼清裏熱令其微汗而解又云看溫病先驗舌之燥潤以渴不渴爲要訣又云暑瘧多燥其治在肺重者人參白虎或竹葉石膏加厚朴輕者杏仁滑石蔻仁絲瓜葉蘆根米仁之屬濕瘧多寒其治在脾宜荅桂朮薑或消暑丸之屬又云吾前輩吳正功只教人看醫方集解徐炳南晚年案頭只兩本廣筆記青浦吳元常以臨證指南爲枕中秘角里平孚亭於已任編亦然可見心得處不在多也然無心得者不得以此藉口欲求心得正非多讀古書不可蓋不博亦斷不能約也此皆可爲醫學津梁而其治病乃如此俗所謂行醫須運氣者殆非誣歟醫贊所立單方有絕勝者錄之以廣其傳鮮鮮合歡皮兩許煎服治雞盲頗效

吐蛔瓦松炙存性等分研細和入製過蘆甘石內敷爛弦風眼極有神功鳳尾草根背有金星又名金星草洗去泥打爛同雞子清研和如膏入麝香少許後敷臍上一日一換小便即長退水腫甚速不動瞼瞓信良方也

疥瘡每日煎鮮首烏一兩川萆薢五錢服一二十劑重者二三十劑無不效

小兒小水不通脹急欲死囫圠蓮房一隻煎服即通鮮者尤妙

金蟾化管丸水銀三錢雄黃一兩大蟾一隻銀硝一兩明礬一兩先以水銀雄黃用火酒二觔漸煮漸添酒盡爲度共末用紙包好取大蟾去腸留肝肺以藥納入縫好另銀硝明礬研末入陽城罐加水半茶鐘加火上熬乾於底放地上入蟾於內升文火二枝中火一枝武火一枝候開看刮下靈藥用蟾酥汁爲衣如芥子大凡管用一丸放

管口外蓋膏藥自入到底雖灣曲處能到嫩管自化老管自退七日見效如不全退再用一丸無不除根

老馬蘭頭飽喫可治內癰

鼓證濕邪入絡居多消滯利水徒傷氣分焉能奏績方用新絳錢半
璇璣蟲二錢延胡索錢半絲瓜絡一枚淡
木瓜錢半川通草一錢路路通一枚生米仁八錢陳香櫟皮半隻乾佛手三片川鬱金一錢遠志八分卽此數味出
入加減自能奏捷至消滯莫如紅麴雞內金達下莫如車前子降氣莫如蘇子川貝又瘦吟自載醫案云嘗治一微
商積虛痰喘用金水六君加熟附細辛五味煮米仁漿丸外用水澄生半夏生薑二粉爲衣終劑而十餘年之病如
失後治數人並效如神

程氏鍾齡醫學心悟篇幅雖隘其方頗有佳者余戚李氏婦患噎症絕粒諸藥不效醫告技窮奄奄待斃余檢
此書啓膈散令煎湯服之北沙參三錢丹參三錢川貝二錢伏苓錢半沙仁錢五分廣鬱金三分荷蒂二箇杵頭糠五分四劑而能納食去鬱金加薑皮一錢服四劑復加味
調理全愈

南海何西池夢瑤醫編余徧求之蘇杭書坊不可得丁巳冬日從嚴兼三借錄一部西池少負才名學士惠公
稱爲南海明珠生平篤嗜醫學成進士爲宰官不得志乃歸田行醫所著醫編七卷刊於乾隆十六年自序有云或
曰方今景岳全書盛行桂附之烈等於岷岡子作焦頭爛額客數矣人咸謂子非醫病實醫醫是書出其時醫之藥
石歟偏當作砭余笑而不敢言凡例有云河間言暑火乃與仲景論風寒對講丹溪言陰虛乃與東垣論陽虛對講

皆以補前人所未備非偏執也後人動議劉朱偏用寒涼矯以溫補立論過當遂開酷烈之門今日桂附之毒等於刀鋸夢瑤目覩其弊不得不救正其失初非偏執書中時出創解頗有裨於醫學

錢塘趙恕軒學敏串雅內外編皆走方術謂走方之藥上行者曰頂多主吐下行者曰串多主瀉頂串而外則曰截截絕也如絕害然此卽古汗吐下三法也又謂走方有三字訣一曰賤藥物不取貴也二曰驗下咽卽能去病也三曰便山林僻邑倉卒卽有能守三字之訣便是能品其自序謂幼嗜岐黃家言性尤好奇聞走醫中有頂串諸術操技神而奏效捷以此獲食其徒侶多動色相戒秘不輕授又多一知半解罕有貫通者以故欲宏覽而無由宗子柏雲挾是術且老矣戊寅航海歸質其道皆有奧理顧其方旁涉元禁瑣及游戲未免誇新鬪異爲國醫所不道因取其所授重加芟訂存其可濟於世合余平昔所錄奇方彙成一編名曰串雅不欲泯其實也並矯奇而歸於雅使後之習是術者不致爲庸俗所詆忌云云然觀其所載多興陽之方大半熱藥如天雄附子草烏肉桂硫黃阿芙蓉淫羊藿鹿茸蠶蛾等味用之必致爲害且導人以縱慾亦非大雅所當言也此書無刊本好事者若以付梓當更爲芟訂庶幾盡善

傅氏女科書道光丁亥張丹崖鳳翔序刊近復列入潘氏海山仙館叢書王孟英謂文理粗鄙勦襲甚多誤信刊行玷辱青主余觀此書遺辭冗衍立方板實說理亦無獨得之處尤可怪者解妒有飲謂可以變其性情蕩鬼有湯且假託乎岐天師更列紅花露靈散成此書者當是陳遠公之流而其學更不如遠公乃女科書之最下者

傷醫大全搜羅浩富而不及虧瘡

見今人明陳載庵治案虧瘡出時后方採入本草綱目密門

國寶治案見古人明錢可見著

書之難而習醫者當博覽羣書不得拘守一家之言謂已盡能事也

無錫沈芋綠金匱要藥分劑十卷準徐之才十劑分類凡四百餘品皆尋常日用必需之藥故曰要藥其宣劑五靈脂註云寒號蟲四足有肉翅能飛但不甚遠此雖名蟲既能飛則屬鳥類矣從前本草書多列蟲部恐非是今故次於禽鳥之例余按五靈脂自蟲部入禽部始於本草綱目豈沈未之見耶

會稽章虛谷補醫門棒喝謂春溫症以黃芩湯爲主方必加柴胡葛根爲使以邪伏少陰乘少陽上升之氣而發鬱勃既多驟難宣達其火內潰或作暴瀉外灼則肢體疼痛上炎則頭痛喉痛故加柴胡達少陽之氣再加葛根入陽明而止渴解肌則汗泄而熱去或見其熱盛過投寒涼遏其欲出之勢熱反甚而難退矣竊思春溫由於冬不藏精熱邪旣熾真陰必傷何得更以柴葛升提其陽重耗津液卽欲宣達加薄荷牛蒡子香豉等足矣間有需柴葛者亦屬偶然不可云此症必加柴葛也景岳全書發揮世皆知爲葉天士之書按武進曹崎庵禾醫學讀書志謂此書爲梁溪姚球所撰坊賈因書不售剝補桂名遂致吳中紙貴又謂陶氏全生集山陰劉大化所撰本草經解要醫效秘傳本事方釋義皆僞託葉氏余觀數書中景岳全書發揮爲最勝惟盡情斥謗之處有傷雅道知其非天士手筆也昌邑黃坤載元御少耽典籍三十歲左目紅濬爲醫誤治過服涼藥失明遂發憤習醫窮究義蘊著書甚富然渺視千古毀謗前人其作素靈微蘊謂仲景而後惟思邈真人不失古聖之源其餘著作如林無一線微通者驚悸

之症在傷寒皆得之汗多陽亡惟少陽相火鬱發或以汗下傷陰甲木枯槁內賊戊土乃有小建中炙甘草證重用芍藥生地以清相火至於內傷虛勞驚悸不寐俱緣水寒土濕神魂不藏無相火上旺而宜清潤者卽偶有之而脾胃終是濕寒嚴用和貿昧而造歸脾之方以補心血醉立齋又有丹皮梔子加味之法張景岳趙養葵高鼓峰呂用晦更增地黃芍藥之輩復有無名下土作天王補心丹肆用一派陰涼羣兒醉夢不醒成此千秋殺運可恨極矣夜熱之症因陰旺濕土肺胃不降君相失根二火升泄錢仲陽乃作六味湯丸以滋陰虧薛氏推廣其義以治男女勞傷各種雜病張氏趙氏高氏呂氏祖述而發揚之遂成海內惡風致令生靈夭札死於地黃者最多其何忍乎下至二地二冬龜板黃柏諸法不可縷悉究其源流泄火之論發於河間補陰之說倡於丹溪二悍作俑羣凶助虐莫此爲甚足之三陽自頭走足凡胸脇壅滿上熱燔蒸皆足陽明少陽之不降也李東垣乃作補中益氣之方以升麻柴胡升膽胃之陽謬矣而當歸黃耆亦復支離無當風寒之症仲景之法備矣陶節庵作九味羌活之法雜亂無律而俗子遵行天下同符云云黃著作繁富時抉精奧惟所定諸方偏於扶陽遺精症謂土濕陽衰生氣不達乃用桂枝附子墮胎症謂命門陽敗腎水漸寒侮土滅火不生肝木木氣鬱陷而賊脾土乃用乾薑桂枝充其類將生人絕無陰虛火旺之症是徒知責人而不知責己矣

餘杭稽留山石雲院微塵上人以其家傳經驗奇方濟世活人年老懼失傳悉付之梓名曰石雲選秘凡二卷書中有接骨神方用蘭楊花子燒酒浸一夜煮酒每服二分亦可蒸透晒乾爲末入虎骨五分早上午服午間骨響接

上神效余以庠說天台葉氏舊跌打損傷藥致富甚秘其方後爲傭工人竊得以傳乃用鬧楊花子置竈邊得煙氣薰蒸二三年後研爲末收藏勿洩氣每服二三分酒下治損傷立效但力猛不可多服石雲方正與此同

歸安汪氏涵嘑筆花醫鏡謂陳鍾齡女科一卷悉從諸大家論說中斟酌盡善而出之字字毫髮無憾並無近時臨證指南等籤巧習氣故依治每收實功不知臨證指南雖成於葉氏之門人採錄冗繁誠爲可議然其審證立方實多可法可傳卽如女科之症必主奇經洵能獨出手眼遺而用之鮮不獲效程氏書豈能見及此耶是故讀程氏書可與立不若讀葉氏書可與權也

秀水錢彥臞處士經綸居王江涇康熙間人也醫術精覈有人仲冬病寒諸醫雜治不效獨處士言伏暑投青

蒿一味而愈治病受值必視其貧富貧者嘗謝不受富人以厚幣遠來則又却之且謝曰若幣重不難致他醫何必我我鄰里孤窮疾病者若而人待我診治安能舍之他適哉或道逢他方人問錢先生安在輒應曰死久矣用是名不出鄉里而貧亦如故歿後鄉人相傳爲土地神歷百餘年未嘗著靈怪而禱祠下者不絕蓋隱君子之有德於鄉閭者也著有脈法須知三卷咸豐五年其同里計二田上舍光昕爲鋟板以傳貽余讀之蓋薈萃諸家之說而出之以精確非積學有得者不能也其問法要略一篇語約而意詳勝於張景岳之十問備識於此入國問俗入家問諱上堂問禮臨病問便慎之至也問男女老幼貴賤得病何日受病何從飲食便利情懷勞逸今昔何如曾服何藥日夜起居寤寐有無痰嗽嘔吐脹悶汗渴煩憐頭目耳鼻口咽喉胸脇腰背腹痛手掌冷熱喜惡寒熱膝痠足腫曾患

何疾瘡傷中毒痞血病久或汙下過傷所嗜何味何物或縱酒或長齋或房室或泄滑問婦女月水有孕果動否寡婦室女氣血凝滯兩尺多滑非胎也心腹痛當問新久懶言惟點頭中氣虛也昏憒不知人或暴厥或久病婦人僵厥多中氣宜辨之小便黃赤爲濕熱清之滲之小便色白無熱也不治熱利則氣順滯則痰滯重墜牽掣爲虛煩悶拘急爲實喜熱惡利爲虛喜利惡熱爲實

嘉善名醫俞東扶先生續古今醫案按十卷乾隆四十三年自序刊行其書選擇簡嚴論說精透可爲醫林圭臬惜坊間流傳甚少道光時重修嘉興府志方技門不爲先生立傳撰述志亦不載此書缺典也其書甚推尊葉氏所錄治案多臨證指南所未載卷三痢門有曰嘉善一嫗常便血時發時止至五旬外夏月便鮮血裏急後重時或不禁脈軟不數用五苓建中轉甚因向宜涼血藥仍以四物加槐榆查麌亦無效葉天士先生以生蒼朮生厚朴炒陳皮炙甘草雞內金炒仁殼丁香柄丸服全愈又有一童子久痢葉亦用此方全愈人不解其故續讀徐春圃醫統因見此方名醉鄉玉屑治小兒食瓜果致痢久不愈乃服先生之典博也云云徐嘗以此方加車前子澤瀉治食傷水瀉亦多獲效

吳恕傷寒指掌十卷見殷方叔醫藏目錄皇甫中傷寒指掌十四卷見

四庫全書醫家類存目二書皆少傳本嘉慶初苕南吳坤安貞又著傷寒指掌四卷以南方近日之傷寒大半屬於溫熱治法與傷寒不侔傷寒入足經而溫邪兼入手經傷寒宜表而溫邪忌汗傷寒藥宜辛溫而溫邪藥宜辛

涼苟不辨明必有誤治故其書既述六經本病而特參以溫熱立論兼及類傷寒之症先古法後新法條分縷晰既精且詳余從烏程邵謙人茂才楠借錄一部爲謙人之尊人仙根先生所評擇闡發曲暢令閱者心開目明仙根先生治病二十餘年屢拯危篤蓋得力於此書爲多

本朝醫學極盛醫書亦大備傷寒之書喻嘉言尙論篇柯韻伯來蘇集王晉三古方選注俱獨出手眼直抉心源傷寒六

經兼諸症柯氏發其端溫熱等病究三焦葉氏宣其旨苕南吳坤安會萃羣言勒爲成書傷寒指掌而傷寒之學無餘蘊矣雜病之書首稱葉天士臨證指南而張石頑醫通秦皇土證因次之他若吳鞠通之溫溫病條辨載麟郊廣溫疫論劉松峯說疫

余師愚一得之疫吳師朗不居集之虛勞蕭慎齋女科經綱沈堯峯女科輯要之女科程鳳翮之幼科慈幼痘學葉大椿之痘科痘傳

顧澄江之外科傷醫大全皆突過前賢本草之書劉若全本草述盧子絲本草乘雅半偈倪純宇本草彙言張隱菴本草崇原張潞玉本經逢原鄭潤庵本經疏證趙恕軒本草綱目拾遺罔不領異標新足資玩索醫案之書魏玉橫之博天續名醫類案俞東扶之精深古今醫案按顧曉

園之靈巧吳門治驗錄並堪垂範來世辨正之書徐靈胎之醫貫砭孔以立之醫門普度劉松峯之瘟疫論類編姚頤真之景岳全書發揮坊貿假託葉天士其實乃姚所撰也並可覺迷振慎單方之書毛達可之濟世養生集便易經驗集亦爲醫門珍笈其餘著述如林尙難悉數有志於學者誦習古書而又潛研諸家棄駁取純融會而貫通之何患道之不明不行乎

高麗康命吉濟衆新編採集衆書而成無甚創解惟新增管見一條論服人參附子之害語特精當足以警世錄之無論大人小兒人參附子用之於熱在陽分則其害立至醫者卽覺若用之於熱在陰分則外似無害或至數

兩而死或至數効而死死亦不悔醫者病者終不覺悟蓋病在陰分用熱藥熬盡其津液然後命盡故也如此死者頻頻見之

西國醫士合信氏西醫略論內症而詳外症其割肉鋸骨等法皆中國醫人所不敢用者內治之法亦與中國異如治瘧用信石酒霍亂用雅片膏樟腦滾酒和服使中國醫人用之悖矣其診脈至數驗以時表取其旋運有準謂華人用鼻息呼吸恐有遲速長短不如時表之準也

吳門顧松園靖遠少日有聲譽序後因父患熱病爲庸醫投參附所殺於是發憤習醫寒暑靡間者閱三十年求治者踵接會供直

御醫院以親老歸著醫鏡十六卷徐侍郎秉義爲之序稱其簡而明約而該切於時用而必效非虛語也嘗治汪纘功患時感症見症屬陽明因立白虎方每劑用石膏三兩二服熱症頓減郡中著名老醫謂偏身冷汗肢冷發呃非參附勿克回陽諸醫和之羣譁白虎再投必斃顧引仲景熱深厥亦深之文及嘉言陽症忽變陰厥萬中無一之說諄諄力辨諸醫固執不從投參附回陽斂汗之劑汗益多而體益冷反詆白虎之害微陽脫在旦暮勢甚危舉家驚惶復來求診顧仍用白虎用石膏三兩大劑二服汗止身溫後仍用前湯加減數服全愈遂著辨治論以爲溫病中宜用白虎湯此說與余思愚疫症一得相合學者當參觀之並不傷人以解世俗之惑顧有秘方載在醫鏡一爲治膈再造丹川黃連二兩去毛細切用水九碗煎至六碗又加六碗煎至三碗大田螺五十枚仰放盤中以黃連汁挑去赤金一錠重二兩納銀一錠重二兩浸湯內

萊菔子煎汁 菖蒲汁 倒柏葉汁 梨汁

細切用水九碗煎至六碗又加六碗煎至三碗

去毛

竹瀝 童便 半碗 人乳 羊乳 牛乳 大碗 將黃連水同金銀田螺汁煎至碗半次下萊菔汁煎至碗半次下韭汁
次下側柏葉汁次下梨汁次下竹瀝次下童便俱以煎至半碗爲候將金銀取起下人乳煎次下羊乳次下牛乳俱
以煎至一碗爲候成膏入磁罐內封口埋土內一夜每用一茶匙白滾湯下極重者三服全愈如湯水不能進者將
按京江何培元濟生方中有此方 膏挑置舌上隨津嚥服自能飲食然愈後須食糜粥一月方可用飯此方清火消痰去瘀滋陰養血潤燥得之何氏
家傳謂能挽回垂絕之症故以再造名之一爲治痧硫礬丸明礬硫黃各四兩先將二味爲末用豆
腐漿在砂罐內煮一晝夜取出去豆腐渣仍入罐微火熬至乾燥貯入磁瓶埋地深三尺三日後取出礬硫化紫金
色最下一層有渣泥不用再將茯苓山藥各三兩同蒸晒露一宿酒炒當歸白蒺藜各四兩烏藥半夏炒各三兩杏
仁焙一兩半陳皮去白炒小茴香各一兩以上各藥共研細末棗泥爲丸清晨鹽湯下一錢臨臥白湯下一錢此方
爲斷除痧根之神劑有人病痧十年或十日或一季半年時一舉發痛不可忍叫喊驚人甚卽量去或用探吐或用
醋炭薰搗略得解醒不能斷除後用此丸數服而病霍然如失此症深入骨髓百無一救幸得此方竟可起死回生
且余屢經試驗其效若神真千金不易之聖藥故亟爲表示以公諸世顧又有治虛勞方用生地熟地天冬麥冬龜
板桂圓玉竹茯苓人乳山藥吳醫彙講乃屬之汪續功方中增入牛膝一味豈顧著醫鏡一書爲汪氏所竊取耶附
記於此俟後之君子詳考焉

醫鏡一書世無刊本其中自製方佳者甚多已未歲從直隸李珍草首恆假錄全部庚申杭州遇亂失去深可惋惜

咸豐戊午冬月吳曉鈺應京兆試歸寄我齊氏醫案六卷乃四川敍州齊有堂秉慧所著自序作於嘉慶十一

年內有效方數則錄之救勞殺蟲丹鱉甲

一斤酒
醋浸透

茯苓五兩熟地山藥沙參地骨皮各一山茱肉八兩白芥子白薇

各五

人參二兩鰻鱺魚

重一觔餘或

先將鰻搗爛和前藥爲細末粳米飯碾成丸梧子大每夜五更時洗臉北面向天

念北斗呪

北斗呪云療神療神書我生人吾奉帝敕服藥保生急急如律令

七遍卽以開水送丸五錢服畢南面吸生氣入腹中燒降香置牀下午時又依

前法吞服曾以此法治曹三思服至半料蟲盡化水由小便下狀若稀糊半載而康連生五子

按仁齋直指勞瘵方有北斗呪其辭相同其藥則異

又有用天靈蓋並

若齊氏方之純正神應散治時氣纏喉水藥不下牙關緊閉不省人事等症余以此方活人甚多修合之佩以濟人德

莫大焉用明雄黃

水飛枯礬研黎蘆生用牙皂炙黃等分爲末磁瓶收貯每用豆大一粒吹入鼻內取嚏吐痰神

效神仙通陰散治咽喉腫痛生瘡聲啞危急之甚並治虛勞聲嘶咽痛用硼砂兒茶青黛寒水石

各一錢一蒲黃牙硝枯礬川連黃柏各六分

冰片潮腦各二分研細末磁瓶收貯每用吹鼻立效齊嘗出遊輿夫發痧昏暈欲絕倉卒無藥一

老翁告曰可卽透取烟管中油如豆大放舌下捧水飲之如法治之少頃輿夫起曰真靈丹也我病去如失矣乃攜齊回家老翁又言此法不特治痧尤能治毒蛇咬傷以煙管燒熱滴油擦患處立效後以試用果驗

大興劉繼莊

獻廷負經世才於學無不淹貫所著廣陽雜記間有及醫事者述之以資多識有婦人患小腹中

痛氣沖上不得臥百藥不效已骨立矣有吳人診之曰此乃經時不謹所致用白芍二兩香茵一兩豬外腎一對煎湯滑石白礬各五分共爲末以豆腐衣包之煎湯送下下黑血甚多一劑而愈亦奇方也

龜首驥夫人病頭風已數年矣每發時痛欲死骨節間格格有聲已壞一目而痛不止延余診之定一方用酥

炙龜板二錢麻黃藁本各一錢甘草五分後更爲定一方用何首烏苡仁牛膝令服二劑而愈

明末高郵袁體庵神醫也有舉子舉於鄉喜極發狂笑不止求體庵診之驚曰疾不可爲矣不以旬數矣宜急歸遲恐不及矣道過鎮江必更求何氏診之遂以一書寄何其人至鎮江而疾已愈以書致何何以書示之曰某公喜極而狂喜則心竅開張不可復合非藥石之所能治故以危言懼之以死令其憂愁抑鬱則心竅閉至鎮江當已愈矣其人乃北向再拜而去

太平崔默庵醫多神驗有一少年新娶未幾出痘偏身皆腫頭面如斗諸醫束手延默庵診之默庵診症苟不得其情必相對數日沈思反覆診視必得其因而後已診此少年時六脈平和惟稍虛耳驟不得其故時因肩輿道遠腹餓卽在病者榻前進食見病者以手擊目觀其飲啖蓋目眶盡腫不可開合也問思食否曰甚思之奈爲醫者戒余勿食何崔曰此症何礙于食遂命之食飲啖甚健愈不解久之視室中其牀榻桌椅漆器薰人忽大悟曰余得之矣亟命別遷一室以螃蟹數觔生搗偏敷其身不一二日腫消痘現則極順之症也蓋其人爲漆所咬他醫皆不識云

新安程雲來林博究羣書所著醫暇卮言乃深於格致之學者余尤愛其論夜臥一則有裨於養生錄之夜臥能使氣降晝臥能使氣升人至暮勞極眼白昏而帶赤靜臥一宵詰朝對鏡清澈如故此氣降之驗也晝倦當靜坐片時或散步玩物睡愁自解若因而沈寢則初覺之時目白必赤此因臥而氣反升之驗也蓋晝當與陽俱開乃逆

其候而閉之譬如夜當與陰俱閉乃故狂呼豪飲皆傷壽源古人云夙興夜寐出作入息天之命人之紀也愚一生勸人夙興不勸人夜坐矣

吳門朱東樵鑑有本草詩箋錢塘陸典三文謨亦有本草詩而陸爲勝徵引亦較廣博藥各繫以七律凡五百三十四首錄其第一首人參詩云五葉三極別樣新黃參上黨味尤純瑤光星散天邊寶人體精成地底珍開胃助脾能補氣寧心潤肺自安神元陽可喚春回轉虛實須教辨識眞按人參功用固大誤服之害亦非細末句命意深矣

袁隨園所爲徐靈胎先生傳載迨近耕石疾閱之不甚了了近觀洄溪醫案乃始釋然醫案云蘆城迮耕石暑熱壞症脈微欲絕遺尿譫語尋衣摸牀此陽越症將大汗出而脫卽以參附加童便飲之少甦而未識人也余以事往郡戒其家曰如醒而能言則來載我越三日來請亟往果生矣醫者謂前藥已效仍用前方煎成未飲余至曰陽已回火復熾陰欲竭矣附子入咽卽危命以西瓜啖之病者大喜連日啖數枚更飲以清暑養胃而愈後來謝述昏迷所見一黑人立其前欲啖之卽寒冷入骨一小兒以扇驅之曰汝不怕霹靂耶黑神曰熬爾三霹靂奈我何小兒曰再加十箇西瓜何如黑神惶恐而退余曰附子古名霹靂散果服三劑非西瓜則伏暑不消其言皆有證據亦奇事也

冷廬醫話卷三

桐鄉 陸以湉 定圃氏著

形體

鼻之下口之上爲水溝穴名爲人中其說有二一謂自此而上目耳鼻皆雙竅自此而下口及二便皆單竅上三畫陰下三畫陽合成泰卦也一則謂天氣通於鼻地氣通於口天食人以五氣鼻受之地食人以五味口受之穴居其中故名之曰人中見程雲來醫暇卮言

膀胱或謂有上口無下口或謂有下口無上口張景岳李士材亦主此說人皆信之而不知其非也若無上下口何以有交腸之病乎吳縣沈實夫果之獨謂上下皆有口而上口常閉水之入於膀胱仍是三焦化入而非從上口以入若腑氣大虛則力乏而竅不能閉或邪熱傷腑則主開泄而竅亦不能閉甚至有交腸之病糞從小腸下口入膀胱上口並隨小便而出譬如人身之外竅臍孔與兩耳兩乳亦常閉而不開有故則或出膿血或通乳汁膀胱之上口亦可以類推矣此論最爲近似余按唐與正治吳巡按病不得溲臥則微通立則不能涓滴詢知常服黑錫丹因憎結砂時鉛不死硫黃飛去鉛沙入膀胱臥則偏重猶可溲立則正塞水道以故不能通令取金液丹三百粒分爲十服煎瞿麥湯下之膀胱得硫黃積鉛成灰從水道下猶累累如細砂病遂愈觀此益可證膀胱之有上下口也

中風

中風最宜辨閉脫二症。閉症口噤目張兩手握固，痰氣壅塞，語言蹇澁，宜用開竅通絡清火豁痰之劑如稀涎散至寶丹之類。脫症口張目合，手撒遺尿，身僵神昏，宜用大補之劑如參附湯、地黃飲子之類。然閉症亦有目合遺尿，身僵神昏者，惟當察其口噤手拳面赤氣粗脈大以爲別。脫症亦有痰鳴不語者，惟當辨其脈虛大以爲別。至於閉症氣塞亦有六脈俱絕者，不得以其無脈而遂謂是脫症也。

傷寒

徐靈胎傷寒類方白頭翁湯注云：凡下重者皆屬於熱。按金匱要略云：小腸有寒者，其人下重便血，是則下重不專屬於熱矣。特熱症較多，當察脈症治之不可執一陽明主闖，故其病爲胃家實。太陰主開，故其病爲自利。胃家實者是胃液燥竭也，故必渴，藥用梔豉白虎人參竹葉石膏承氣等以存津爲主。自利者是脾臟寒濕也，故不渴，藥用理中四逆等溫中爲主。傷寒論桃花湯症或以爲寒，或以爲熱，或以爲寒熱不調，或以爲先熱後寒，持論不一。獨沈棣懷醫學三書論至爲詳確，備錄之。陽病下利便膿血，協熱也；陰病下利便膿血，下焦不約而裏熱也。與桃花湯固下散寒成氏此注深合仲景之旨。蓋少陰傳經熱病，病於少陰之經實結於胃，少陰直中之寒症，病在本藏下焦。

虛寒失閉藏之職故用溫補以散裏寒而固腸胃津繩反以成氏釋裏寒爲非豈不思熱而用固腸收滯之劑則熱何由去耶吳緩謂此症三陽傳來純是熱病赤石脂性寒假乾薑以從治之彼蓋見血爲熱不知有形之血必賴無形之氣以固之下焦虛寒不能固血非溫補不能助陽以攝陰何必陽病熱而始便膿血哉赤石脂性溫丹溪東垣皆云然吳緩何據而謂其寒喻昌頗知仲景救陽之意而於此條亦以爲熱症乃云滑脫卽不可用寒藥何以仲景於自下利者多用黃芩黃連耶白頭翁又何爲耶其注文離矛盾學者當細詳之以溫按下利熱多寒少其辨少陰寒利之法
汪苓反傷寒辨症廣注言之最悉附錄於此

少陰裏寒便膿血色必黯而不鮮乃肾受寒濕之邪水穀之津液爲其凝泣蘊積於腸胃之中而爲膿血非若火性急速而色鮮明蓋冰伏已久其色黯黑其氣必臭其脈必微細但神氣靜而腹喜就溫欲得乎按之而腹痛乃止

陰證陽證

病症陰陽疑似最難辨別卽如厥有陰陽二症李士材謂陰厥脈沈弱指甲青而冷陽厥脈沈滑指甲紅而溫以此爲辨蒲城王竹坪先生夢祖傷寒撮要採之以爲此說最精留心體驗之百不一失然觀續名醫類案疫門載施幼升六月患時疫口燥舌乾苔刺如鋒咽喉腫痛心腹脹滿按之痛甚渴思冰水小便赤澁得消渴則痛甚此當急下之症也惟通身肌表如冰指甲青黑六脈如絲尋之則有按之則無醫者引陶氏全生集以爲陽症但手足厥逆若冷過肘膝便是陰症況通身微冷乎又陶氏謂陰陽二症全在脈之有力無力中分今已脈微欲絕按之如無比無力更甚遂進附子湯煩燥之極不逾時竟殞觀此知陰症似陽又未可以脈沈弱指甲青冷爲憑余按成無己

曰凡厥若始得之手足便厥而不溫者是陰經受邪陽氣不足可用四逆湯若手足自熱而至溫從四逆而至厥者傳經之邪也四逆散主之此說辨別至爲精審又凡六氣之感異於傷寒之傳經者惟舌較爲可憑陰症亦有黑胎焦黃胎然其胎必浮胖或滑潤而不枯此等處非細心體察鮮不致誤及延余診見其咬碎脣舌周身赤斑成片形塊而口中譫妄不成語苟脈參伍極亂已無下手處矣以此合魏宋觀之知陽症陰脈誤投溫熱必至殺人可不懼哉

上海王謐中敬義凌瀆源載吳門汪姓患疫症適當盛暑體厥四肢冷極脈虛醫用參附並四逆等藥遂至危殆

右所述通身肌表如冷指甲青黑六脈如絲進附子湯而殞此陽症似陰誤作陰症治而死也亦有陰症似陽誤作陽症治而死者黃退庵症治指要云一婦小產後身作大熱舌黃脈大口乾大便多日不解醫者不辨其假而用白虎湯一服便通熱緩病家大悅余診之謂此乃格陽於上其方不可再服必當溫補問旣係虛症何昨日服藥大便通熱勢解耶余曰此大便之結如寒月水澤腹堅其通者幾微元陽爲寒涼所逼而出其熱勢減者亦因寒涼灌濯暫爲退舍脈象浮大軟如絲絮急服八珍湯尙恐無及其家不信醫來復診見有應效仍用前方加麥冬五味子服後兩目直視循衣摸牀一晝夜而終悔無及矣余按凡寒在內而格陽於外寒在下而格陽於上此爲無根之火症見煩躁欲裸形或欲坐臥泥水中舌苔淡黃口燥齒浮面赤如微酣是爲或兩頰淺紅游移不定面通紅者葉天士謂戴陽之紅言語無力納少胸悶渴欲飲水或咽喉痛而索水至前復不能飲肌表雖大熱而重按則不熱或反覺冷或身熱反欲得衣且兩足必冷小便清白下利清穀亦有大便燥結者脈沈細或浮數按之欲散亦有浮大滿指而按之則必無力是宜溫熱之劑如八味丸等藥須涼服從其類以求之也

暑

陸麗京醫林新論謂人之游於暑月而清明在躬者恃有元氣以勝之世俗夏月輒服香薷飲不知香薷性味辛溫走散真氣厚朴氣力辛猛摧陷元陽招暑引邪無過於此更有服六一散者不知甘草性雖和平而向有中滿喘脹及胸多積滯者亦不宜概用滑石利竅表虛者服之則衛氣不固遺滑者投之則精闢不守此又不可不審也孫真人以爲虛弱之人暑月當服生脈散又云夏月常服五味子以補五臟之氣余則以爲尋常湯飲須用烏梅沙糖湯尋常水飲須用梅漿水此既補元又能消暑況兼爽口貧者可以通行又見有夏月施茶茗者其性寒涼消魁暑月之人元氣已自摧殘而勞傷困憊正藉資扶乃更飲茶茗重虛其虛冷飲則腹痛泄瀉熱飲則散表出汗胃氣一虛不覺暑氣透入忽而長途昏倒痧閉叢來變生俄頃皆此地之爲而人未之知也此後有施湯飲者熱湯宜調入砂糖少許冷水宜調入梅漿少許如有梅漿亦可入砂糖少許收斂真氣大助元神既飲之後兩目神明頓爽兩足精力湧出飢即暫飽渴亦生津此可驗也不則寧用白滾湯或白水丹溪云淡食能多補況太羹元酒以無味爲至味故當知其利益耳吾願世之爲善人長者之行者其亟改而廣傳之余謂香薷飲決不可服六一散若於暑路遠涉之後胸痞惡食飲之以解暑氣往往獲驗特非常服之品沙糖梅漿誠遠勝於茶茗然既受暑氣之後服之病必增劇以此施捨安得偏執途人而問之竊謂養生家之服食當效其法若欲施行路轉不如白滾湯之有利無

弊按章杏雲飲食辨云暑月力作及注夏之人常飲糯米湯亦炒米代茶能保肺氣固衛陽此却人人可用勝於沙糖
梅漿也

方書有云暑月中熱卒死薑湯童便乘熱皆可灌之切勿飲以冷水及令臥冷地卽至不救今按暑症忌薑嘗
有中暑而患乾霍亂者飲薑湯一磣卽斃治中熱卒死古方蒜泥井水法最良吾里孔雅六學博采言嘗於酷暑中
見一老嫗倒地口眼盡閉鼻無氣息急令人以蒜頭二顆研爛取路上熱土日晒處淨土是新汲井水一椀調勻以箸
啓其齒灌之五七匙後始受而作嘔灌盡大吐有聲息手足亦漸舒動至黃昏後方甦自云烈日中行十餘里心煩
口燥啖麥餅量悶而絕不自知也投以此方暑食俱得吐去而人乃蘇後屢治中暑者均效

暑 風

表弟周克庵學正士燮熟精醫理道光丙午夏暑風甚劇時疫大作俱兼喉痛死者接踵醫皆束手克庵家病
者甚衆親自療治獲痊憫世醫之寡識爲作論曰暑風由口鼻而入時冷穢氣亦由口鼻而入先傷上焦手太陰肺
經其始見症也或喉痛而腐或不腐洒洒惡寒蒸蒸發熱有汗不解遍體現紅暈舌白膩首用辛涼平劑連翹薄荷
荆芥穗銀花淡豆鼓牛蒡子苦桔梗杏仁元參紫馬勃瓜蔞皮白茅根竹葉可隨症選用以表泄表風兼宣穢濁其
繼也但熱不寒喉痛仍在痰涎稠膩目紅多眵舌絳無苔紅痢雜以白疹煩渴脅悶燥擾不安寐則自語醒則神清

狀類犀角地黃及白虎湯症不知肺衛與心營甚近此係肺熱侵逼包絡未嘗竟入營分以神不昏昧辨之此時遽與犀角是開門揖盜也或識蒙竊阻犀角並牛黃清心丸至寶丹亦不在禁例至白虎證脈洪大自汗不止口渴無度遵古法服之誠無誤倘用不合法恐肺經之邪熱無出路致下迫大腸而爲痢也宜用川鬱金黑山梔瓜蘿皮蘆根竹葉桑葉池菊之類以廓清熱邪開泄穢氣如毒重者甘草人中黃大青葉板藍根亦可隨意加入再兼症或有身痛肢軟卽暑風流走肢體參用防已秦艽桑枝一二味可也總之此症留戀乎太陰肺經居多故用藥宜輕清宣解不必用苦寒沈降之品誅伐中下二焦無過之地

霍亂轉筋

俗稱弔腳痧

山陰田雪帆明經_{晉元}著時行霍亂指迷辨正世俗所稱弔腳痧一症以爲此真寒直中厥陰肝經卽霍亂轉筋是也初起先腹痛或不痛瀉利清水頃刻數十次少者十餘次未幾卽手筋抽掣嘔逆口渴恣飲手足厥逆脈微欲絕甚則聲嘶舌短目眶陷目上視手足青紫色或偏身青筋硬凸如索汗出脈絕急者旦發夕死夕發旦死緩者二三日或五六日死世醫認爲暑濕妄投涼瀉或認爲痧氣妄投香散_{十香丸}龍丹之類鮮有不斃宜用當歸四逆加吳茱萸生薑湯_{當歸二錢炒白芍一錢半桂枝錢半炙草一錢通草一錢吳萸錢半細辛八分生薑三片黑棗三枚水煎冷服}輕者二三劑_{一日中須頻進二三劑}卽愈重者多服數劑立可回生百治百效眞神方也如嘔者本方加薑製半夏三錢淡乾薑一錢口渴恣飲舌黃加薑炒川連五分爲反佐經所謂熱因寒用

也腹中絞痛名轉筋入腹加酒炒木瓜三錢手冷過肘膝色現青紫加製附子三錢若聲嘶目上視舌卷囊縮脈已絕爲不治服藥亦無及速用艾灸法臍下三寸關元穴用附子搗爛捏作餅如錢大安穴上以龍眼大艾炷加其上灸十四壯重者三十壯量一寸法以病人中指中一節若干長爲一寸用草心瀉止厥回即愈如無附子用生薑切片如錢貼灸亦可無薑貼肉灸亦妙病人腹內知溫囁瀉即漸止量候準量之不可截斷只須捲作三疊卽三寸矣此症種種皆肝經現症亦寒邪爲病可疑者口渴舌黃喜冷飲及不欲衣被兩症耳緣次中真陽爲寒邪所逼因之飛越所謂內真寒而外假熱但以脈辨之自無游移矣有習用溫補之醫知此症爲陰寒治用附子理中四逆等湯溫補脾腎究非直走厥陰仍不能奏效余按此症自嘉慶庚辰年後患者不絕其勢至速醫不如法立時殞命而方書罕有詳載治法者特備述之以胎世云

許辛未云治弔腳痧莫妙於來復丹然硫黃須用真僕產如用土硫黃卽不驗而服此丹用小丸者每卽吐出惟作大丸臨用春作末服雖吐亦不盡再服再吐少頃藥性發卽不復吐而愈用薑湯送下須極濃極辣乃佳道光辛巳此症盛行有搗濃薑汁頻服而愈者

熱

發熱有陽陷入陰者有陽浮於外者陽陷入陰者其熱自陰分達於陽分與瘧熱相似而實不同瘧爲陰陽交接此爲陽陷於陰故但熱不寒若獨用表散藥則藥力從陽分而泄何由入陰分引陽邪而出宜用孫真人柴胡梅連散蓋以梅連攝柴胡入陰分而出之陽其邪乃得也去諸熟辨說見小兒陽浮於外者乃表裏俱虛陽氣不歸元而浮於外

也宜以六神散入粳米煎和其胃氣陽氣歸內身體自涼

說見慈幼筏

此二症一係外感一係內傷臨症宜詳察之

柴胡梅連散 柴胡前胡各三錢 胡黃連烏梅各一錢右㕮咀每一錢量便一盞猪肺一枚豬脊髓一條韭根白半

錢同煎不拘時溫服 六神散 四君子加山藥 扁豆

蠶水浸去殼炒

煨生薑 大棗 王孟英讀書精細最有卓識

如論虞花溪治夜熱症獨能辨前人之誤詳見古今醫案按選備錄於此

虞花溪治一婦年四十餘夜間發熱晨退五心煩熱無休止時半年後虞診其脈六部皆數伏而牢浮取全不應與東垣升陽散火湯

妙切記此法今人則竟滋陰降火矣

四服熱減大半胸中覺清快勝前再與二帖熱悉退後以四物加知柏少佐

炒乾薑服二十餘帖愈

余按夜熱脈數的係陰虛因其脈伏且牢浮取不應故用升陽散火得效仍以陰藥收功然陰藥用六味及二地二冬必不效妙在芎歸合知柏及從治之炒乾薑也王孟英云此熱在血分而誤治半年其熱愈伏愈深故脈症如是初用升陽散火所謂火鬱發之也後以炒乾薑佐四物知柏收功乃血分受病之專劑與陰虛生熱當用陰藥者治法有別誤用皆爲戈戟

江氏之注愈氏之論皆欠明晰無怪庸庸者之議藥不議病也

馮楚瞻曰潮熱之症有陰陽之分平旦潮熱自寅至申行陽二十五度諸陽用事熱在行陽之分肺氣主之日哺潮熱自申至寅行陰二十五度諸陰用事熱在行陰之分腎氣主之一以清肺一以滋腎若氣虛潮熱參芪熟附

所謂溫能除大熱也血虛潮熱歸芍骨皮所謂養陰退陽也其論潮熱頗詳如傷寒論所云日晡潮熱以陽明王於申酉戌之故則所謂行陽主肺氣行陰主腎氣乃渾舉之辭不可執一

熱入心胞

大人小兒感證熱入心胞神昏譫語者有犀角羚羊角連翹金銀花元參生地人中黃生甘草等味送下至寶丹往往獲效其有熱邪深入發瘙者亦宜以此療之世人遇小兒患此證者妄謂驚風用針挑之走泄真氣陰陽乖逆轉至不救

咸豐戊午秋日仁和司訓吳蓉峯之孫女十二歲冒暑神昏譫語發瘙余以前藥投之蓉峯之室人復延女醫視之謂是驚風以針挑之次日病勢轉劇而殞余甚訝藥之無靈深以爲歉庚申秋日避難北車塔村村中陳氏兒發熱神昏譫語發瘙余仍以前藥與之服藥後酣睡汗出似有轉機忽其戚某醫來視謂是驚風以針挑其胸腹其汗遂斂病益加重至夜即斃同時余又治二人病情相同皆用前藥得痊則皆不用針挑者也始知前二人之死非藥之咎實由誤認驚風而用針挑耳特誌之以示戒

疫

內經療疫小金丹古法今不能用近日所傳治癰之方劉松峯之五瘟丹製甘草

甲巳年

黃芩

乙庚年

黃柏

丙辛

年爲 楮子 丁壬年 黃連 戊癸年 香附 去淨
君爲君 爲君

細毛蘇葉 鳳頭 蒼朮米泔 陳皮 以上四味爲臣

另研 明雄黃 細砂 另研

製甘草法 立冬日取

大青竹一頭截去節浸糞坑中冬至取出晒乾應用于前甘草五味當以某年爲君者多臣數之半如甘草二兩則此外八味止用一兩

內蠟封口浸糞坑中冬至取出晒乾應用於前甘草五味當以某年爲君者多臣數之半如甘草二兩則此外八味止用一兩
雄硃二味又減半止用五錢於冬至日將甘草等九味爲末雄硃另研以一半入甘草等藥末中爲丸留一半爲衣
再用飛金爲衣大人服者丸如梧子小兒服者丸如黍米雪水生蜜爲丸面東服五十九病輕日淺者一服愈病深
日久者三四服愈忌一切厚味此方兼治暑月一切熱症又解痘疹毒有力之家製丸施人功德無量至於避瘟之
法用乳香蒼朮細辛生甘草芸香白檀香爲末棗肉丸焚之又以貫衆浸廚房水缸用之又雄黃二兩丹砂鬼臼石
菖蒲各一兩共爲末井水調和塗五心及額上鼻中耳門辟瘟甚驗若入瘟家以硫油塗鼻孔出再取嚏則不染皆
善法也而握要之法則如張景岳所云必節慾節勞仍勿忍飢而迎其氣尤爲得之

常州余師愚霖客中州時父染疫爲羣醫所誤及奔喪歸視諸方皆不外治傷寒之法思此症必有以活人者
公之於世稍釋隱憾因讀本草言石膏性寒大清胃熱味淡而薄能表肌熱體沈而降能泄實熱恍然大悟非此不足以治熱疫遇有其症投之無不獲效歷三十年活人不少遂著疫症一得二卷于乾隆五十九年自序刊行大旨
謂吳又可辨論傷寒瘟疫甚晰如頭痛發熱惡寒不可認爲傷寒表症強爲發汗徒傷表氣熱不退又不可下徒損
胃氣斯語已得其奧妙惟于從口鼻入不傳於胃而傳於膜原此論似有語病至用達原諸承氣猶有附會表裏之

意惟熊任昭首用敗毒散去其爪牙繼用桔梗湯用爲舟楫之劑退胸膈及六經之熱確係妙法余采用其法減去硝黃以疫乃無形之毒難以當其猛烈重用石膏直入戊己先搗其窠巢之害而十二經之患自易平矣其方名清瘟敗毒散藥用生石膏大劑六兩至八兩中劑三兩全小生地大劑六錢至一兩中劑三錢烏犀角大劑六錢至八錢中劑二錢全真川連大劑六錢至四錢中劑二錢至五錢小劑二錢至四錢生梔子桔梗黃芩知母赤芍元參連翹竹葉甘草丹皮以爲疫症初起惡寒發熱頭痛如劈煩躁譫妄身熱肢冷舌刺唇焦上膈下泄六脈沈細而數卽用大劑沈而數者用中劑浮大而數者用小劑如癰一出卽用大青葉量加升麻四五分引毒外透此內化外解濁降清升之法治一得一治十得十以視升提發表而愈劇者異矣其所載治駸俱用石膏數兩犀角黃連數錢歸安江筆花醫鏡載治一時疫發用石膏至十四斤而癰始退蓋卽用其法也近陳載庵亦仿之而獲效王學權重慶堂隨筆云吳又可治疫主大黃蓋所論濕溫爲病濕爲地氣卽仲聖所云濁邪中下之疫濁邪乃有形之濕穢故宜下而不宜清余師愚治疫主石膏蓋所論者暑熱爲病暑爲天氣卽仲聖所云清邪中上之疫清邪乃無形之燥火故宜清而不宜下二公皆卓識可爲治疫兩大法門允哉言乎

痧

陳載庵云痧症全書中滌痧丸失載其方余訪得之卽是龔雲林萬病回春所載白虎丸用千年石灰刮去雜

色泥土爲末水飛過丸如桐子大每服五十九丸再視病輕重加減燒酒送下此藥順氣散血化痰消滯治青筋謂之北方謂之南方初覺頭疼惡心或腹痛或腰疼或偏身作痛不思飲食卽進一服當時血散而愈若用砭刺之法耗損其血

不若此方之神妙松峯說疫亦采此方謂霍亂痧淨皆治之惟青筋多生冷寒濕所致宜用燒酒至熱症或用冷水冷茶送隨症變通可耳又治心腹痛及婦人崩漏帶下或久患赤白痢並一切打撲內傷血不能散服之皆大效載庵言以此藥施人治痧症獲效果捷千年石灰不可得用古墓中石灰可

也

長洲龍青霏柏脈藥聯珠謂痧脹之症多屬奇經蓋奇經爲十二經之支流也五臟之清氣不升六腑之濁氣不降鬱猶五湖四瀆漫溢泛濫盡入江河而清濁已混更水甚土崩泥沙混擾流蕩不清并滯壅塞故其病有痧脹之名痧脹者猶沙漲也痧脹總由十二經清濁不分流溢入于奇經而奇經脈現則爲痧症也邪氣滯於經絡與臟腑無涉不當徒以藥味攻藏府宜先用提刮之法及刺法使經絡既通然後用藥始堪應手其論痧症屬奇經未經人道理實確而可信也

咸豐六年夏秋之交杭州人患弔腳痧吐瀉腹痛足筋拘急不卽救一二時卽死傳有外治神方甚驗好善之家製藥施送救人不少乾霍亂症亦可治七年八月運司河下劉某患絞腸痧勢甚危險其鄰某知柴梁橋邊夏家有此藥急往乞取治之立愈余目擊其效眞神藥也茲錄其方並載藥價有力預備濟人功德無量麝香五錢錢十母丁香一兩錢一錢二換桂心去皮一兩二換生香附一兩倭硫黃三兩五錢錢二千五百又合藥工錢一百四十錢一百二十錢五百三個錢六百五十共藥七兩五錢每一瓶貯藥

一分五釐每用一瓶病重者用二瓶右藥研極細末分貯小瓶黃蠟封口用時先將緩臍膏藥烘透倒藥末在中間即向病者臍上貼住一時即愈此方救病甚速然藥性猛烈斷不可服孕婦忌貼

絞腸痧即乾霍亂溫病條辨謂由寒濕其驅濁陰以救中焦之真陽方用附子乾薑等熱藥傷寒論彙言謂此症得之夏秋間設或見腹痛脈沈誤作陰寒治療一進熱物湯茶酒藥等卽刻悶亂而死二說截然相反余謂此症寒熱皆有之醫者切宜審慎用藥其治之之法有不論寒熱皆可用者外治則取委中穴膕灣多用熱水急拍紅筋高起刺之出血即愈內治則用馬糞年久強佳瓦上焙乾末滾水沖服一方加黃土入淡黃酒煎服二三錢不知再作服二法皆載溫病條辨實良方也

馬糞並治霍亂吐瀉余曾療治多人

瘧

周慎齋曰治瘧之法升其陽使不並于陰則寒已降其陰使不並于陽則熱已升其陽者是散陽中之寒邪柴葛羌之屬爲散寒之品也降其陰者是瀉營中之熱邪芩知烏之屬爲瀉熱之品也蓋併之則病分之乃愈也此蓋本之王肯堂之治案王之外祖母年八十餘夏患瘧諸舅以年高不堪再發議欲截之王曰欲一劑而已亦甚易何必截乎乃用柴胡升麻羌防葛根之辛甘氣清以升陽氣使離于陰而寒自己以石膏知母黃芩之苦甘寒引陰氣下降使離於陽而熱自己以猪苓之淡滲分利陰陽不得交併以穿山甲引之以甘草和之果一劑而止俞惺齋云

讀靈蘭要覽載此方治瘧屢效又附隨症加減法最爲精當是金壇得意之作又謂李士材治程武修藍本於此惟以白豆蔻換穿山甲亦其善用藥處余按近俗治瘧多宗倪涵初似遜此方然以之治瘧亦不能盡效知病有萬變未可執一比見王孟英古今醫案按選論此最爲精當云此案但言夏月患瘧而不詳脈症所用升散之藥五種苦寒之藥三種雖爲金壇得意之作余頗不以爲然後人不審題旨輒抄墨卷貽誤良多鄒潤安云據金壇云是使陰陽相離非使邪與陰陽相離也使邪與陰陽相離猶可言人身陰陽可使之相離乎斯言先得我心余治門人張笏山之弟瘧來活潑欲死以枳桔湯加柴芩橘半一飲而瘳是調其陰陽而使陰陽相離也

左傳齊侯疥遂顏氏家訓改疥作癩謂說文疥二日一發之瘧病有熱瘧齊侯之病本是間日一發漸加重故爲諸侯憂今北方猶呼瘧瘧晉皆俗儒云病疥令人惡寒變成瘧此臆說也疥癩小疾豈有患疥轉作瘧乎余謂人之疾病無常初患疥癩而繼患瘧亦所時有若以疥爲癩則爲有熱瘧病爲二日一發之瘧亦何嘗無熱乎

治瘧有謂必當用柴胡者以瘧不離乎少陽非柴胡不能截也有謂不當概用柴胡者以風寒正瘧則宜之若感受風溫濕溫暑熱之氣而成瘧者不可執以爲治也竊謂瘧邪未入少陽或無寒但熱或無熱但寒或寒熱無定候者原不得用柴胡若既見少陽症必當用柴胡以升清肝膽之熱雖因於溫熱暑濕亦何礙乎

三陰瘧

治三陰瘧震澤沈詒亭慶修傳一方用山楂檳榔枳殼甜茶各三錢於瘧發之日前二時水煎服一劑立愈云試多人皆驗余謂此方藥峻藜藿之體及瘧初起者宜之吳曉鉉言其六世祖山年公手稿錄存治久患三陰瘧方云傳自外舅朱竹垞先生者用生何首烏八錢生黃耆佩蘭各四錢水煎臨發前服三次立愈此方尤宜於膏梁之體二方皆試驗而方書中不恆見並錄之

痢

孔以立痢疾論謂五色痢法當溫補脾胃余治一五色痢用溫而愈然馮氏錦囊中有五色痢實症一條想或有此症余特未之見也云云余曾治一小孩患五色痢口渴發熱用萬密齊保命歌括鳳尾草方一服即愈此方主治赤白痢而五色痢亦可治可知其功效之神大抵五色痢有溫寒之別宜溫者難治宜寒者易治錄方於此鳳尾草竹林中與升湯者極佳如無卽產別地俱可用連根一大握一名鷄腳老倉米一勺老薑帶皮三片葱白連鬚三根用水三大盃煎至一盃去渣入燒酒小半盞真蜜三茶匙調極勻乘熱服一小盞移時再服以一日服盡爲度忌酸味及生冷煎炒米麪點心難化等物余按本草鳳尾草性至冷治熱毒下痢治痢者確審非虛寒症乃可用之

痢以口渴腹痛爲實熱丹溪曰口不渴身不熱喜熱手熨盪是名挾寒李士材曰口渴更當以喜熱喜冷分虛實腹痛更當以痛之緩急按之可否腹之脹與不脹脈之有力無力分虛實概恐人概以口渴腹痛爲實熱也然則

不口渴腹痛者果皆屬虛寒乎又昔人謂先痢後瀉者腎傳脾爲微邪易治先瀉後痢者脾傳腎爲賊邪難醫余嘗持此說以臨症遇有先瀉後痢口不渴腹不痛者幾難辨其爲實熱爲虛寒後見秦皇土症因脈治有云濕熱痢之症初起先水瀉後兩三日便下濃血濕氣勝腹不痛熱氣勝腹大痛肛門重滯裏急後重又云下痢紅積而腹不痛濕傷血分也宜服河間黃連湯黃連當歸甘草始悟腹不痛者亦有實熱而口不渴可類推矣自後凡遇夏秋痢疾口不渴腹不痛而裏急後重痢無不裏小便少脈數者一以河間法治之皆效

白槿花治赤痢甚效余於杭郡學署植數株秋間花開繁茂凡患赤痢者以花五六朵置瓦上炙研調白糖湯服之皆愈荷花池頭陳某秋間下痢月餘諸藥不效已就危篤亦以此方獲愈採花晒乾藏之次年治痢亦效治噤口痢方用參倍用黃連蜜汁石蓮肉炒二味等分水煎緩服此方胃氣虛者宜之若熱毒盛者尚宜酌用華治老少下痢食入即吐用白蠟方寸匕雞子黃一個石蜜苦酒也即醋髮灰黃連末各半雞子殼先煎蜜蠟苦酒雞子黃四味令勻乃納連髮熬至可丸乃止二日服盡神效無比李瀨湖謂此方用之屢經效驗乃諸家方書罕見採錄知良方之見遺者多矣陳氏藏器治小兒痢用雞子和蠟煎蓋本此方之意然不若此方用藥靈妙也咸豐八年八月羅鏡泉患赤痢月餘諸醫用溫補藥自就沈重延余治之詢知體倦頭眩不思飲食腹不甚痛診其脈右關沈數有力餘脈皆虛余謂尚有積滯在內因用補太早鬱而不泄然遷延逾月體倦頭眩神已憊矣未可峻攻也乃用生地炭二錢白芍二錢歸身炭七分地榆炭錢半荆芥穗炭五分炒槐米一錢丹皮炭一錢酒炒黃芩一錢製厚朴六分麸炒枳

殼一錢山楂錢半神曲二錢茇葜二枚服三劑痢止能食改方調理而痊按此症初起腹不痛口不渴是以皆主溫補特未曾讀秦皇土之書故耳

瀉

七味白朮散治小兒久瀉脾虛者最靈震澤泥水匠賀鳳山孫二歲泄瀉兩月身熱少食面色痿黃夜睡時驚幼科用青蒿扁豆二荳厚朴枳殼陳皮等藥日就危篤求余治之令服七味白朮散黨參二錢焦白朮茯苓一錢炙甘草四分木香四分榧榔根四分藿香七分榧蠶三分分四劑瀉止身涼改方去葛根加炒扁豆二錢炒苡仁三錢砂仁三分桔梗四分四劑全愈

疝

四荳散治疝有極驗者周克庵於丁巳歲病痰火瘡後忽睾丸起塊如雞卵堅硬重墜不能行始服治疝藥如川楝子荔枝核等反作痛自揣是歲寓吳江時常於酒後至茶肆飲茶過多殆水氣流入膀胱所致與肝經無涉改服四荳散泄瀉數次而疝全愈

咳 嗽

客塵醫話云咳嗽大半由於火來克金謂之賊邪最難速愈因風寒外襲而內生實火急宜瀉之若失於提解久之傳變生疾誤服陰藥反成勞瘵此數語甚的又云如果係虛火惟壯水一法但養陰之藥又皆阻氣滯痰是在治之者靈也如生脈六君湯金水六君煎之類最爲妥當余按君水六君煎景岳以治肺腎虛寒水泛爲痰而景岳全書發揮訾其立方雜亂二陳地歸且謂水泛爲痰而用二陳於理不通當用地黃湯至壯水之法六君湯亦非所宜薛生白雪有案云此由金水不相承拒故欬久不愈切勿理肺肺爲嬌藏愈理愈虛亦不可泛然滋陰方用整玉竹川石斛甜杏仁生扁豆北沙參雲茯神迴勝於生脈六君湯金水六君煎余仿此以治久嗽陰傷無不獲效

咳嗽有寒熱之別不可誤治感寒者鼻塞流涕或微惡寒宜服生薑葱白日二次不常服挾熱者夜嗽較甚喉痒口或微渴宜服淡鹽湯可常服代茶初起服此者不致久延余家用之恆驗

噎

名醫類案載絳州僧病噎不能食語弟子死後可開胸喉視有何物弟子開視得一物似魚而有兩頭置鉢中時寺中刈藍作韁取置鉢中蟲遂化爲水自是人以韁治噎疾多效陳無擇三因極一病證方論以爲此乃生瘕非五噎比後人因以藍治噎誤矣蓋噎亦有因瘕而成者藍能療之未可以概治噎症也按續名醫類案載武昌僧患胃脘痛其徒亦患之師死遺命必剖視吾心果於心間得細骨一條長七八寸形如簪插瓶中供師前偶有貴客至

殺鵝取骨挑鵝喉凡染鵝血處卽化徒飲鵝血數日胃疾竟除此與絳州僧事相類考本草鵝血治噎膈反胃張石頑醫通備述其法僧之胃痛而生骨殆亦噎類耶然則鵝之功用實勝於藍矣

明蔣儀用藥鏡拾遺賦注云噎膈翻胃從來醫者病者羣相畏懼以爲不治之證余得此劑十投九效不啻如饑荒之粟隆冬之裘也乃作歌以誌之曰誰人識得石打穿綠葉深絞鋸齒邊闊不盈寸長更倍圓莖枝抱起相連秋發黃花細瓣五結實扁子針刺攢宿根生本三尺許子發春苗隨弟肩味苦辛平入肺藏穿腸穿胃能攻堅採掇花葉搗汁用蔗漿白酒佐使全噎膈飲之痰立化津嚥平復功最先按石打穿本草罕見至本草綱目拾遺始載其功用然世人識之者鮮卽或識之亦未必信而肯服余謂噎症初起莫如醫學心悟之啓膈散又秘傳噎膈膏程杏軒醫述以爲效如神丹人乳牛乳蘆根汁人參汁龍肉汁蔗汁梨汁薑汁七味等分惟薑汁少許隔湯剝成膏微下煉蜜徐徐頻服至顧松園之治膈再造丹謂能挽回垂絕之症今書有此數方何事更亦求僻藥乎

噎膈之症定州楊素園大令藜照所論最爲詳核見於王孟英古今醫案按選中備錄於此此證昔與反胃混同立論其實反胃乃納而復出與噎膈之毫不能納者迥異卽噎與膈亦有辨噎則原能納穀而喉中梗塞膈則全不納穀也至爲病之源昔人分爲憂氣恚食寒又有飲膈熱膈痰膈蟲膈其說甚紛葉天士則以爲陰液下竭陽氣上結食管窄隘使然說本內經最爲有據徐洄溪以爲瘀血頑痰逆氣阻隔胃氣其已成者無法可治其義亦精然以爲陰竭而氣結何以虛勞症陰竭致死而陽不見其結以爲陰竭而兼憂愁思慮故陽氣結而爲噎則世間患此

者大抵貪飲之流尙氣之輩乃絕不知憂者而憂愁抑鬱之人反不患此此說之不可通者也以爲瘀血頑痰逆氣阻隔胃氣似矣然本草中行瘀化痰降氣之品不一而足何竟無法可治此又說之不可通者也余鄉有治此者於赤日中縛病人於柱以物蠶其口抑其舌卽見喉間有物如贅瘤然正阻食管以利刀鉗而去之出血甚多病者困頓累日始愈以其治甚險故多不敢嘗試又有一無賴垂老患此人皆幸其必死其人恨極以紫籜梗杓探入喉中以求速死嘔血數升所患徑愈此二人雖不可爲法然食管中的係有形之物阻扼其間而非無故窄隘也明矣又獻縣人患此臨危囑其妻剖喉取物以去其病比死其妻如所誠于喉間得一物非骨非肉質甚堅韌刀斧莫能傷擲之園中樹上經年亦不損壞一日其子偶至園中見一物黏綴草間栩栩搖動審視則其父喉中物也異而佇目半日許物竟消化遂採其草藏之有病嘔者煎草與飲三啜輒愈遂以治嘔擅名如是者十餘年後其草不生始止是世間原有專治此證之藥矣余臆度之此症當由肝過於升肺不能降王孟英云片言斷定草識真不可及血之隨氣而升者留積不去歷久遂成有形之物此與失血之證同源異派其來也暴故脫然而出爲吐血其來也緩故流連不出爲嘔膈湯液入胃已過病所必不能去有形之物故不效其專治此症之藥必其性專入咽喉而力能化瘀解結者也昔金谿一書賈患此向余乞方余茫無以應思韭菜上露善治噤口痢或可旁通其意其人亦自知醫聞之甚悅遂煎千金葷莖湯加入韭露一半時時小啜之數日竟愈王孟英云方妙

吐

千金方治粥食湯藥皆吐不停者灸手間使穴三十壯穴屬手厥陰在掌後三寸今人罕知用此法者治吐湯藥虞天民方最善用順流水二盞煎沸湯泡伏龍肝研細攬渾放澄清取一盞人參芩白朮各一錢甘草二分陳皮藿香砂仁各五分炒神麩一錢陳米一合加薑棗同煎至七分稍冷服別以陳米煎湯時時嚥之此法治胃虛不能納食者皆效又黃退庵治胃陰受戕納食即吐者用人乳同糯米飲緩緩服之亦應驗如神

頭痛

頭痛屬太陽者自腦後上至顛頂其痛連項屬陽明者上連目珠痛在額前屬少陽者上至兩角痛在頭角以太陽經行身之後陽明經行之前少陽經行身之側厥陰之脈會於顛頂故頭痛在顛頂太陰少陰二經雖不上頭然痰與氣逆壅於膈頭上氣不得暢而亦痛其辨之之法六經各有見症如太陽項強腰脊痛陽明胃家實少陽口苦咽乾目眩之類是也高士宗醫學真傳言頭痛之症祇及太陽少陽厥陰疏矣

脇痛

脇痛當辨左右有謂左爲肝火或氣右爲脾火或痰與食丹溪則謂左屬瘀血右屬痰有謂左屬肝右爲肝移邪於肺余觀程杏軒治脇痛在右而便閉仿黃古潭治左脇痛法用栝蔞一枚甘草二錢紅花五分神效以栝蔞滑而潤下能治插脇之痛甘草緩中濡燥紅花流通血脉肝柔肺潤其效可必是肝移邪於肺之說爲的也又觀薛立齋治右脇脹痛喜手按者謂是肝木尅脾土而脾土不能生肺金則爲脾爲肺固一以貫之矣

腹 痛

醫書言腹痛者中脘屬太陰臍腹屬少陰小腹屬厥陰此指各經所隸而言然不可執一而論凡傷食腹有燥屎者往往當臍腹痛不可按或欲以手擦而移動之則痛似稍緩凡驗傷食舌胎舌根色黃而濁仲景傷寒論有云病人不大便五六日繞臍痛煩燥發作有時可以爲證

肝 痘

今人所謂心痛胃痛脇痛無非肝氣爲患此有虛實之分大率實者十之二虛者十之八余表兄周士熙弱冠得肝病胃痛醫用疏肝之藥卽止後痛屢發服其藥卽止而病發轉甚成婚後數月痛又大發醫仍用香附豆蔻枳殼等藥遂加劇而卒蓋此症初起卽宜用高鼓峯滋水清肝飲魏玉橫一貫煎之類稍加疏肝之味如鱉血炒柴胡

四製香附之類俾腎水涵濡肝木肝氣得舒肝火漸熄而痛自平若專用疏洩則肝陰愈耗病安得痊余嘗治鉏柜村學博福釐之室人肝痛脈虛得食稍緩用北沙參石斛歸鬚白芍木瓜甘草雲苓熟血炒柴胡橘紅二劑痛止後用逍遙散加參歸石斛木瓜調理而愈

趙養葵醫貫徐靈胎砭之是矣然觀其治木鬱之法先用逍遙散繼用六味地黃湯加柴胡芍藥以滋腎水俾水能生木此實開高鼓峯清水滋肝飲之法門六味加歸身白芍柴胡山梔大棗以治肝胃等症血少者加味逍遙散加生地再傳而魏玉橫之治脇痛用一貫煎沙參麥冬生地歸身枸杞葉天士之治脫痛用石決明阿膠生地枸杞子茯苓石斛白梗米等以養胃汁則又化而裁之川棟子口苦燥者加酒連法益詳備學者不可忘所自來也

魏玉橫曰帶濁之病多由肝火熾盛上蒸胃而乘肺肺主氣氣弱不能散布爲津液反因火性迫使而下輸膀胱之州都本從氣化又肝主疏泄反稟其令而行遂至溼溼不絕使但屬胃家濕熱無肝火爲難則上爲痰而下爲瀉耳葉天士曰肝主疏泄侮所不勝故亦下利余嘗治下利但平肝而得效余嘗達此法治素有肝痛病而下利腹效者果獲效是則肝之主病甚多司命者不可不察也

何西池曰百病皆生于鬱與凡病皆屬火及風爲百病之長三句總祇一理蓋鬱未有不病火者也火未有不由鬱者也第鬱而不舒則皆肝木之病矣此又可爲肝病多之一證

七 情

素問陰陽應象大論云悲勝怒恐勝喜怒勝憂思勝恐此卽五行生尅之理也古賢治病若文摯之怒齊王華元化之怒郡守皆宗此旨戴人丹溪治案尤多然亦有不拘尅制之說者如邵氏聞見錄云州監軍病悲思郝允告其子曰法當得悸卽愈時通守李宋卿御史嚴甚監軍向所憚也允與子請于宋卿一造問責其過失監軍惶怖出疾乃已此恐勝憂簪雲樓雜記云鹿邑李大諫世爲農家獲售于鄉父以喜故失聲大笑及舉進士其笑彌甚歷十年擢諫垣遂成痼疾宵旦不休太醫院某令家人給其父曰大諫已歿其父慟絕幾殞如是者十日病漸瘳佯爲郵語云大諫治以趙大夫絕而復甦其父因不悲而笑症永不作此悲勝喜也蓋醫者意也苟得其意不必泥其法所謂神而明之存乎其人也

不 痘

韓飛霞謂黃連肉桂能交心腎於頃刻震澤毛慎夫茂才元勳嘗用之而奏效某年四十餘因子女四人痧痘連綿辛勤百日交小暑後忽然不寐交睡則驚恐非常如墜如脫叫呼不寧時悲時笑毛診之謂曰衛氣行於陽不得入於陰乃心腎不交之症用北沙參生地麥冬當歸遠志炙草白芍茯神川連二分肉桂一分以甘瀾水長流水揚之萬循爲

水甘瀾先煮粳米一兩去渣將湯煎藥服之全愈毛居黎里鎮讀書三十年中歲行道名著一時

汪春圃純粹醫案亦有以黃連肉桂治不寐症者丁俊文每日晡後發熱微渴心胸間怔忡如築至晚輒生懊憊欲罵欲哭晝夜不能寐諸藥不效延至一載有餘汪診其脈左寸浮洪兩尺沈細知屬陰虧陽盛仿靈樞秫米半夏湯如法煎成外用肉桂三錢另煎待冷黃連三錢另煎乘熱同和入內徐徐溫服自未至戌盡劑是夜即得酣睡次日已牌方醒隨用天王補心丹加肉桂枸杞鹿膠龜膠等味製丸調理全愈偶從杭州沈雨溥書坊購得醫學秘旨一冊有治不睡方案云余嘗治一人患不睡心腎兼補之藥偏嘗不效診其脈知爲陰陽違和二氣不交以半夏三錢夏枯草三錢濃煎服之即得安睡仍投補心等藥而愈蓋半夏得陰而生夏枯草得至陽而長是陰陽配合之妙也書係鈔本題曰西溪居士著不知何許人識以俟考

不寐之症由於思慮傷脾繁冗勞心者非專恃醫藥可治老老恆言謂不寐有操縱二法操者如貫想頭頂默數鼻息返觀丹田之類使心有所著乃不紛馳庶可獲寐縱者任其心游思於杳渺無朕之區亦可漸入朦朧之境余謂二法之中縱法尤妙蓋操則心猶矜持未極恬愉之趣不若縱之游行自在也特恐稍涉妄想即難奏效猶當寓操于縱爲佳余師歸安沈鹿坪先生焯官台州教授時因閱文繁勞患怔忡不寐有人傳一法云每夜就枕後即收斂此心勿萌雜念惟游思於平素所歷山水佳處任情一往定而能靜久而久之心漸即於杳漠之中則不期寐而自寐矣如法行之獲效是其能得縱法之要者

冷廬醫話 卷四

桐鄉 陸以湉 定圃氏著

吐 血

吳球治一少年吐血來如泉湧諸藥不效虛羸病危乃取病者吐出之血瓦器盛之候凝入鍋炒血黑色以紙盛放地上出火毒細研爲末每服五分麥門冬湯下二三服其血遂止此蓋血導血歸法也余按近人傳治暴起吐血方以絲棉蘸吐出之血火焙存性研末服之甚效今觀吳案則不獨初起者可用此法矣

方書法吐血有用苦寒者有戒用苦寒者觀顧曉瀾治案可以得其要矣治案云徐氏婦吐血傾盆數日不止目閉神昏面赤肢軟息奄難臥危如累卵脈左沈右洪重按幸尚有根此鬱火久蒸肺胃復緣暑熱外逼傷及陽絡致血海不止危在頃刻諸藥皆苦寒是以投之卽囁借用八汁飲意冀其甘寒可以入胃清上血止再商治法用甘蔗汁蘿蔔汁蘆根汁各一酒杯白果汁二匙白蘿蔔汁半酒杯梨汁一杯西瓜汁一酒杯鮮荷葉汁三匙七汁和勻隔水燉熱沖入瓜汁不住口緩緩灌之服後夜間得寐血止神清惟神倦懶言奄奄一息脈雖稍平右愈浮大無力此血去過多將有虛脫之患經云血脫者益其氣當選用之人參七分秋石水拌黃耆七分黃芩水炙黑歸身炒黑懷山藥一錢茯苓錢半大麥冬錢半去心蒸北五味七粒和入甘蔗汁梨汁蘿蔔汁服後食進神健而痊人問血冒一證諸方皆以苦寒折之今以甘寒得效何也曰丹溪云實火宜補此婦婦居多年憂思鬱積心脾久傷復緣暑熱外蒸胃血大溢苦寒到口卽吐其爲虛火可

知故得甘寒而止若果實熱上逆仲景曾有用大黃法或血脫益氣東垣原有獨參湯法不能執一也觀此知實火吐血原當用苦寒然除實火之外則概不宜用苦寒矣今人吐血挾虛者多而醫者動手輒用苦寒宜乎得愈者少也吐血戒用苦寒更有治案可法吳孚先治何氏女患吐血咳嗽食減便溏六脈兼數左部尤甚醫用四物湯加黃芩知母吳曰歸芍辛竄吐血在所不宜芩知苦寒傷脾在所禁用乃與米仁玉竹白芍枸杞麥冬沙參川斷建蓮百合二十劑脈稍緩五十劑而瘳此方治陰虛咳嗽吐血最良然必收效於數十劑後謂非王道無近功乎

又程氏式醫敷治李氏子吐血喘促咳嗽浮腫腳軟不能行診脈浮濶微疾此房勞所致也用茯苓白芍苡仁木瓜丹皮芡實牛膝貝母百合甘草服十餘劑喘促稍定涉退血止前方加朮服二十餘劑而愈夫此病以涼止血則浮喘必劇以溫止浮喘則吐血必甚總歸不起第於平淡中寓巧法故能生耳治吐血者知此庶不爲藥所誤

方書每言童便治吐血之神然須擇強健之童而不食腥濁物者有力者猶可購求寢人安能傳有一方丹參飯鍋蒸熟泡湯代茶日飲之甚效

諸 血

肌衄卽內經之血汗古無驗方近人方案有極驗者錄以備用毛達可便易經驗集云一人左臂毛竅如鍼孔繚濺出血積有一面益許晝夜常流面白無氣余用炒山甲片研細粉罨之以帕紮住卽止隨服補血湯數劑而愈

後治一老農腎囊上有一鍼孔流血盈至腳盆諸藥不效自謂必死余投以前法立時痊愈真神方也顧曉瀾吳門治驗錄云余同事楊君腦後髮際忽出血不止衆皆駭然余知爲其肌衄也令用一味黃芩漬水塗之立愈後竟未發又見有胸前背心兩證亦以前法治之立效此方余友范董書所傳治鼻梁血出者移治他處亦效而準繩未見及此可見著書之難也

許辛木部曹之室人自幼患鼻衄于歸後無歲不發甚者耳目口鼻俱溢出至淡黃色始止凡外治內治之法無不歷試每發必先額上發熱鼻中氣亦甚熱近二十年來每覺鼻熱辛木以喻嘉言清燥救肺湯投之二三劑後卽覺鼻中熱退不衄或投之少遲亦不過略見微紅蓋此方最清肺胃之熱惟用人參改用西洋參或加鮮生地勢已定則用乾生地喻氏此方自言不用一苦藥恐苦從火化也此製方妙處醫者不可妄加也

汗

方書皆謂自汗屬陽虛盜汗屬陰虛余按何西池醫碥云傷寒始無汗後傳陽明卽自汗豈前則表實後則表虛乎又云人寤則氣行於陽寐則氣行於陰若其人表陽虛者遇寐而氣行於裏之時則表更失所護而益疏即使內火不盛而陽氣團聚於裏與其微火相觸發亦必汗出是則自汗不第屬陽虛盜汗不第屬陰虛矣

痘

常州楊蕉隱參軍振藩能詩善畫兼諳醫學傳一治黃疸病方用活鯽魚數枚剪取其尾貼臍之四圍勿貼須臾黃水自臍出魚尾漸乾更易貼之常有病黃疸甚劇他人以手熨其身手亦染黃色用此治之自朝至夕貼魚尾數次水流盡即愈曾目擊其效又言有草名並蒂珊瑚葉似桂高不及尺每顆冬間結子二枚色紅如南天竺子取子煎服亦治黃病甚效

腫

海寧許珊林觀察，精醫理官平度州時幕友杜某之戚王某山陰人夏秋間忽患腫脹自頂至踵大倍當時氣喘聲嘶大小便不通危在旦夕因求觀察診之令用生黃耆四兩糯米一酒鐘煎一大碗用小匙逐漸呷服服至盡許氣喘稍平卽於一時間服盡移時小便大通溺器更易三次腫亦隨消惟腳面消不及半自後仍服此方黃耆自四兩至一兩隨服隨減佐以祛濕平胃之品兩月復元獨腳面有錢大一塊不消恐次年復發力勸其歸屆期果患前症延紹城醫士診治痛詆前方以爲不死乃是大幸遂用除濕猛劑十數服而氣絕次日將及蓋棺其妻見死者兩目微動呼集衆人環視連動數次試用芪米湯灌救灌至滿口不能下少頃眼忽一睜湯俱下咽從此便出聲矣服黃芪至數斤並腳面之腫全消而愈觀察之弟辛木部曹謂此方治驗多人先是嫂吳氏患子死腹中渾身腫脹氣喘身直危在頃刻余兄徧檢名人醫案得此方遵服便通腫消旋卽生產因係夏日孩屍已爛成十數塊逐

漸而下一無苦楚後在平度有姬顧姓患腫脹脫胎此方數服而愈繼又治愈數人王某更在後矣蓋黃芪實表表虛則水聚皮裏膜外而成腫脹得黃芪以開通隧道水被祛逐脹自消矣

消渴

治消渴症每用涼藥然觀孫文垣治消渴小便色清而長其味甘脈細數以腎氣丸加桂心五味子鹿角膠益智仁服之而愈陸養愚治消渴喜飲熱而惡涼大便秘小便極多夜尤甚脈浮按數大而虛沈按更無力以八味丸加益智仁煎人參膠糊丸服之而愈其法本於金匱由火虛不能化水故飲一斗小便亦一斗凡見渴而水不消小便多者卽當合參脈症以此法治之

傷食

中食之症往往狀似中風非詳問病因必難奏效明醫雜著有案可法錄之一壯年人忽得暴疾如中風口不能言目不識人四肢不舉急投蘇合香丸不效余偶遇聞之因詢其由曰適方陪客飲食後忽得此證遂教以煎生薑淡鹽湯多飲探吐之吐出飲食數盃後服白朮陳皮半夏麥芽湯而愈

湖州某紳老而饑饑食量兼人暑月有餽盛饌者快意加餐次日蒸豚味變不忍捨棄復飽啖焉遂得河魚疾

以卒觀此知高年胃強不足恃且以見聖人肉敗不食誠養生之道也

少壯時飯後作書未嘗有滯食之病中歲以來遂膺斯患丁巳年假得秘書數種剋期約還又不敢假手於人親自鈔錄日無暇晷飽食後卽倚案揮毫因患腹痛大便閉數日不食服保和丸及米灰等不效投陸氏潤字丸黃大一兩酒浸研乾蒸半熟製半夏前胡山楂內天花粉陳皮白朮枳實檳榔各錢二分五釐每藥須略炒或晒乾爲末薑汁打神曲糊爲丸梧子大始愈自是飯後不敢作書余服潤字丸時適陳載庵來告以所患問宜何藥載庵曰三世醫驗中潤字丸最穩最靈余曰鄙意正同已服二錢許矣載庵曰不妨再服一次如其言大便遂通

傷食者往往發熱口渴有似外感辨之之法以皮硝二錢用紙而堅包固縛置胃腕靜臥數刻啓紙視之皮確若濕便是傷食傷之輕者此亦可以消化傷之重者其濕必更甚乃服消食藥可也

邪祟

杭州陳茂才福年形狀豐碩氣體素健一日爲其父詣市購藥忽仆於藥肆門前肆主爲僱輿送歸延醫救治不效口鼻出血未及半日遂卒年僅三旬按沈從先野暴證知要云凡遇尸喪斂古廟入無人所居之室及造天地鬼神壇場歸來暴絕面赤無語者名曰鬼疰卽中祟也進藥便死宜移患人東首使主人北面焚香禮拜之更行火醋薰鼻法則可復甦否則七竅迸血而死聞陳生是日曾至人家弔喪其所患豈卽此耶業醫者遇此等症慎勿猛浪投藥

袁隨園子不語謂東醫寶鑑有法治狐而不述其方按是書邪祟門中有辟邪丹治邪祟邪疾及山谷間九尾狐精爲患方用人參赤茯苓遠志鬼箭羽石菖蒲白朮蒼朮當歸各一兩桃奴五錢雄黃硃砂各三錢牛黃麝香各一錢爲末酒糊丸如龍眼大金箔爲衣每一丸臨臥以木香湯化下諸邪不敢近體更以絳囊盛五七丸懸牀帳中尤妙隨園所云殆卽此歟此方陳杏軒醫述採載無牛黃有甘草赤茯苓改用伏神

癩

癩卽大風又作癩論語伯牛有疾注先儒以爲癩也毛西河四書贅言云包注牛有惡疾按古以惡疾爲癩禮婦人有惡疾去以其癩也故韓詩解芣苢之詩謂蔡人之妻傷夫惡疾雖遇癩而不忍絕而劉孝標作辨命論遂謂歌其芣苢正指是也又淮南子曰伯牛癩又芣苢草可療癩也見列子注余按芣苢卽車前本草不著其治癩功用明沈之間解圍元藪一書專治癩風方藥甚多而用車前者絕少其所常用之藥乃大風子蒼耳子萆薢子苦參花蛇等是也鮑雲韶驗方新編載治麻風白花蛇丸方云丹陽荆上舍得麻風疾一僧療之而愈以數百金求方不肯傳館賓袁某窺藏衲衣領中因醉竊錄焉用者多效此與蕭翼賺蘭亭相似皆以酒爲餌者也方用白花蛇一條烏梢蛇一條並去頭尾生用防風蟬蛻草鞋打碎去鹽北細辛蔓荊子威靈仙何首烏胡麻仁炒金毛狗脊川牛膝烏藥天花粉川連黃芩

梔子黃柏 連翹 牛蒡子 以上各一兩炒 漏蘆 半斤去節洗淨四兩 荆芥穗 五錢 上頭面者加白芷一兩
共研末米糊爲丸桐子大每服五六十丸茶送下午後臨臥各一服 藤一兩增加風

越郡有患癘風者因至外祖家食雞而得其外祖乃患此症者也後其人死所畜之雞肥大異常鄰人購食之亦患此症而死蓋雞食癘風者之痰能染人也諺曰寧娶瘋子妻不食瘋子雞良有以也

耳

乾隆時杭州金氏以耳科致富止恃一秘方今其家已式微有人傳得其方用之甚效取大蚌殼全箇中裝人糞千年石灰野猪腳爪 鳥膽店中有之 以鐵絲匝緊蚌殼外用泥塗炭火煅至青烟起置地上去火性研細末入甕瓶秘藏凡患耳中爛及耳聾流水等症以此滲之立愈此方天台余以岸傳序所述云不獨可治耳疾凡外症潰爛者皆可用之曾有人治裙邊瘡年久者亦效

凡人於薙髮之後必取耳以快意此由少時習慣遂成自然往往有取之過深傷而出血者素圃醫案 鄭在辛著 一則尤堪警目錄之貢武弁年二十餘取耳時爲同輩所戲銅挖刺通耳底流血不止延外科治之初不以爲楚甸日間忽頭痛又延內科治之益甚迎余往治則頭痛如破體僵面赤煩燥脈弦緊口流膿血檢所服藥皆石膏梔子芩連等味病人自言膿血不自喉出余曰此腦中膿血流入鼻內滲于口中的係破傷風矣項強已屬不治幸未柔汗

厥冷用小續命湯重加桂枝附子乾薑去黃芩一劑微汗頭痛減半再劑頸柔十數劑後耳內結疤腦涎亦不流但其耳竟無聞矣

目

目中起星宜初起卽治石室秘錄方最妙白蒺藜三錢水煎洗日四五次余二次皆用此獲效又一次以新橘子皮塞鼻中不半日卽退又舊傳一方用山茨菇人乳磨汁入冰片末少許點之並治翳障甚效

人有患肝病者重用柴胡服之肝病愈而目瞽以其竭肝陰也大抵溫散之品皆損目友人某嗜飲燒酒後竟失明至如韭蒜椒芥等耗目光並宜遠之

一人患頭風痛兩目失明徧求醫治無效偶過茶肆小憩有縣人數以用十字路口及鄉村屋旁野莧菜煎湯入沙壺中乘熱薰之日行數次如是半月復明許辛木說

明目之方可久服者枸菊丸第一專用二味勿入六味丸內黑小豆次之壽親養老新書云李小愚取黑豆緊小而圓者侵晨以井花水吞二七粒謂之五藏穀到老視聽不衰近人相傳服法晨用生小黑豆四十九粒以滾水送下久服勿間則眼到老常明余二十九歲患風火赤眼愈後閱文攻苦用目過早遂致昏澀羞明不能作字又爲眼科以赤藥點之轉益增劇于是謝去生徒閉門靜養專服小黑豆又每晨用明礬末擦齒後以洗面水漱口卽將其水洗目洗後

閉目片時俟其自乾如是半年目乃復初因服小黑豆勿輟凡二十餘年迄今日光如舊燈下可作細字未始非此方之力凡人至中年而目昏花卽當服此或因其性涼不宜于寒體則服枸菊丸可也
丁巳秋見歙縣吳端甫潛花易簡良方載服墨料豆法並述功效附錄于二而上燈後幾不見卷格南旋後隨卽得此方無間服之今歷五稔自力倍於幼時真奇方也

明周定王櫨普濟方四百二十六卷爲方六萬一千七百三十九首余在杭州時欲借鈔是書需錢百餘萬因而不果咸豐九年從坊友邱春生鍼覓得刊本眼科書一冊卽普濟方之第三十一卷計一百頁凡分類十有三曰內外障眼曰內障眼曰外障眼曰將變內障眼曰內障眼鍼後用藥曰目生膚翳曰目生丁瞖曰目生花瞖曰卒生瞖膜曰遠年障瞖曰目昏暗曰目見黑花飛蠅曰目暈類各有論共五百八十八方其內外障眼類中有去瞖生血止痛方出家藏經驗方用鱗螬汁滴目中及飴炙食之下引陳氏經驗方云晉書盛彥母氏失明躬自待養母食必自哺之母旣病久至於婢使數見捶撻婢忿恨伺彥暫行取鱗螬炙飴之母食以爲美然疑是異物密藏以示彥彥見之抱母慟哭絕而復蘇母目豁然從此遂愈孟子曰陳仲子豈不誠廉士哉居於陵三日不食耳無聞目無見也井上有李螬食實者過半矣匍匐往將食之三咽然後耳有聞目有見本草云鱗螬汁滴目中去翳障余在曲江有將官以瞽離軍因閱晉書見此參以孟子之言證以本草之說呼其子俾羞事而供勿令父知旬日後目明趨庭伸謝因錄以濟衆按此方他書罕見特載於此俾患障失明者採用焉

鈕蘭曉說湖城某嫗年四十餘日昏不能拈針黹得一方七月七日採旱蓮草搗汁入食鹽拌勻日晒夜露每

日早起洗沐以汁少許點目中初微痛後乃如常目光逐漸明嗣後至七十餘歲猶能於燈下縫紉

喉

門人歛縣吳子嘉茂才鴻勳傳治喉症方名咽喉急症異功散云得自蘇州靈驗異常歷試不爽用斑蝥去翅足
黃米炒黃去米血竭六沒藥六乳香分全蝎分元參分真麝香三分共爲細末收藏磁瓶封口切勿走氣不論爛喉風喉閉雙單喉蛾用尋常膏藥一張取此散如黃豆大貼項間患左貼左患右貼右患中貼中三四時卽起泡用銀鍼挑破卽愈凡陰症起泡更速此方亦見疫痧草

金匱翼爛喉痧方最爲神妙藥用西牛黃五釐冰片鱗象牙屑三分人指甲五釐男病用真珠女女病用男真珠三分青黛六分去灰脚淨壁錢三十箇培卽蠅土壁磚上者不可用共爲極細末吹患處凡屬外溼喉患無不應手而瘳不特爛喉痧奉爲神丹也惟藥品修製不易猝難卽得有力者宜預製備用如一時不及修合別有簡便之法用壁錢五六箇瓦焙爲末加人指甲末五釐西牛黃蓋亦效又治喉蛾方斷燈草數莖纏指甲就火薰灼俟黃燥將二物研細更用火逼壁頭蠅臭卽吳十個共搗爲末置銀管向患處吹之神效見黃醫青太守安瀋賢已編

舌

臨症視舌最爲可憑然亦未可執一正義云凡見黑舌問其曾食酸甜鹹物則能染成黑色非因病而生也然染成之黑必潤而不燥刮之卽退爲異又惟虛寒舌潤能染若實熱舌胎乾燥何能染及耶凡臨症欲視病人舌胎燥潤禁飲湯水飲後則難辨矣重慶堂隨筆云淡舌白苔亦有熱症黃厚滿胎亦有寒症舌絳無津亦有痰症當以脈症便溺參勘又白苔食橄欖卽黑凡酸物皆然食枇杷卽黃又如燈下看黃胎每成白色然則舌雖可憑而亦未盡可憑非細心審察亦難免於誤治矣

黑舌胎有寒熱之分辨別不精死生立判汪苓友謂舌胎雖黑必冷滑無芒刺斯爲陰症無疑誠扼要之言也舒寒馳遠注謂黑胎乾刺爲二症一爲陽明熱結陰津立亡法主大黃芒硝急奪其陽以救其陰陰回則津回一爲少陰中寒真陽霾沒不能薰騰津液以致乾燥起刺法主附子炮薑急驅其陰以回其陽陽回則津回據此則黑胎冷滑者必無陽症而黑胎乾刺者有陽症復有陰症矣臨症者可不慎歟

舌現人字紋多因誤投寒藥所致楊乘六治沈姓感症危甚舌黑而枯滿舌偏裂人字紋白脈不必診也此腎氣凌心八味症也誤用芩連無救矣踰日果歿

程杏軒治農人患傷寒數日寒熱交作自汗如雨脈虛神倦舌胎白滑分開兩岐宛如刀劃詢知誤服涼藥與六味回陽飲服之有效繼進左右二歸飲數劑舌胎漸退而安又傷寒金鏡錄有裂紋如人字形者因君火燔灼熱毒炎上而發裂宜用涼膈散此則舌見紅色又當細辨脈症分別治之

繆氏子年十六舌上重生小舌腫不能食醫以刀割之數以藥閱時又生瘻治不痊精力日憊向余求藥檢方書用蛇蛻燒灰研末敷之不用刀割立愈後不復發

齒

秀水新塍鎮屠氏人多耆壽牙齒至老堅固不壞有家傳秘訣自幼大小便時咬定牙齒不令洩氣法本張即景岳有人詢問亦不答應歷久勿間故牙齒從無墮落之患余友鄭拙言學博鳳鑑說

江湖上女醫有捉牙蟲者以箸尖向患處旋繞投水盃中似有蟲者無數云蟲去齒痛當愈顧往往不甚驗比閱程學博瑤田通藝錄所載亡室徐孺人行略始知其術皆僞行略云濛濛間婦女能爲齧齒醫行而賣其藝治一人齒能出蟲多者以百數孺人曰吾生長和州知之久矣齒卽生蟲他醫莫能出若乃能應手出乎蓋蓼花蟲也

余久患齒痛每勤勞火動及食甜物卽發丙午年周介梅表弟士娘傳一方云每日晨起以冷水漱口三次可間斷永無齒痛介梅向患齒痛甚劇行此得痊余如法行之齒痛遂不發治齒痛神方用青魚膽風乾生明礬研末擦之立止又可治喉風以上二味加入指甲末燈心灰吹之最妙

腿

表兄周乙藜學博土炤於道光壬寅年患腿熱而按之不熱行步無力不痛不腫延醫診治謂是濕熱重用防

已服之忽心悸不寐別招醫治謂是陰虛用熟地等藥心悸仍然腿患益甚腿肉日刺食少神憊勢就危殆時乙黎家質庫中友朱光甫能醫乃令治之曰此痿病也誠然是濕熱誠然是陰虛然專治一端則誤矣投以清燥湯病日減繼用虎潛丸法出入增損至三百劑始復原乙黎因是潛玩醫書深究脈學爲人治病屢奏效

方書言風勝則引濕勝則腫寒勝則痛此亦未可泥也道光己丑年先君子薌昀公

時年四十有九患兩腿熱痛不能

行步醫家用蠲婢湯巴戟天湯不效反加劇且腫色青紫又以爲陰虧用虎潛丸痛益甚飲食少進乃至震澤就吳雪香先生診之先生震澤縣庠生中歲懸壺審症精細求治者盈門切脈濡數患處腫痛詢知酒戶素大謂是濕熱致患用苡仁海桐皮防己蠶沙川萆薢秦艽桑枝牛膝木通等藥日有起色不一月全愈余按痛而熱則不當用溫藥蠲婢湯等所以不效也此猶理之顯著者而知之者鮮焉甚矣醫道之難明也

熱病愈後往往歸之於足發熱腫痛不治則痛甚而死或致殘廢如截足風之類

咸豐戊午春余母周太孺人偶發寒熱忽患此症時余任杭州內人周琬霞在家侍奉檢醫書得一方用廣膠

一兩入糟醋薑葱汁四味烊化成膏攤紙或布上貼患處痛立止

糟入醋中將糟薑碎調勻濾出汁去糟渣勿用薑汁不必多只用少許葱汁較薑汁多一半糟醋汁須三四倍於葱汁

庚申冬初姪人李氏患伏暑愈後兩足腫而不紅其痛尤劇服去濕清熱藥不效用此方治之痛亦立止真神方也因憶道光年間鄰人陳氏婦曾患此症諸醫莫能療治後以足浸冷水中號呼痛絕而殞惜當時未得此方拯之特詳誌於此願有志者廣傳焉

雜病

余戚苦城沈樞年七十四忽頭上右偏髮中生一角初起微痛其後每覺痛則角稍大閱三年狀如小指角根之肉微腫角堅如石色微黃角尖有三凹紋色微黑如犀角今已七十六歲咸豐八年記按丹溪治鄭經歷嗜酒與煎燉年五十餘額絲竹空穴湧出一角長短大小如雞距稍堅丹溪謂宜斷厚味先解食毒鍼灸以開泄壅滯未易治也鄭憚煩召他醫以大黃朴硝腦子等冷藥罨之一夕豁開如醬蚶徑三寸一二日後血自衄中濺出高數尺而死此冷藥外逼熱鬱不得發宜其發之暴如此今沈樞食貧茹苦從不飲酒啖肉其非食毒可知不審何氣使然書之以俟識者又按南史孫謙末年頭生二肉角各長一寸此則有肉無骨其形較異又按趙雲松觀察驚曝雜記云梁武帝時鑑難人顧思遠年一百十二歲常見其頭有肉角長寸許見俱傳余亦曾見二人一江蘭皋陽湖人一徐姓嘉興人頭上皆有肉角高寸許年皆九十餘壽相也然二皆貧苦皆無子則亦非吉徵此亦可以相證故附錄之

病有可預測其兆者如手指麻木知將患中風一年前時時口乾手腳心熱或作渴思飲茶並水或食已卽飢知將患發背三年內眉眶骨痛知將患大風疾此有外症可憑者也至於察神色審脈象而能先識其疴則非神乎技者不能矣

醫碥謂真心痛咬牙嚥口舌青面黑汗出不休手足寒過節真頭痛全腦連樹皆痛手足寒至節皆且發夕死不忍坐視真心痛用豬肝煎湯入麻黃肉桂乾薑附子服之以散其寒或可死中求生真頭痛急與黑錫丹灸百會穴猛進參沈烏附或可生

本生祖秋畦公捨館舍時年七十有八猝發心痛不可忍半日卽長逝其時延醫診視祇進治心痛通套藥使準此法以治庶幾稍可救藥乎

消渴水腫下疳咳嗽吐血等症皆以戒鹽爲第一要義若不能食淡方藥雖良終難獲效

病有見於此而應於彼者約略舉之如青腿牙疳之症牙病而必見於腿上咳不止脈無神氣壅門生癟此陽極而下不治之症痄腮之症亦名痄初起惡寒發熱脈浮數耳前後腫痛隱隱有紅色腫痛將退痄丸忽脹亦有誤用散發藥體虛者不任大表邪因內陷傳入厥陰脈絡畢丸腫痛而耳後全消者蓋耳後乃少陽膽經部位肝膽相爲表裏少陽感受風熱邪移於肝經也若作疝症治之益誤矣此症惟汪蘊谷文綺會心錄詳言之並立方云腫腮體實者甘桔湯加牛蒡丹皮當歸之屬一二劑可消體虛者甘桔湯加何首烏玉竹丹皮當歸之屬二三劑亦愈如遺毒爲害必須救陰以回津液補元以生真氣俾邪熱之真從腫處盡發方用救陰保元湯黑豆三錢熟地二錢麥冬錢半丹皮山藥兩沙參炙黃耆各一錢八分見今水煎服又膚瘡之症亦有先喉痛者陳載庵之子所患用吳醫會講中之法治之是也

人門

婦科

坤元是保宋薛仲昂軒所著歷代女科書皆未之採書中不乏精要之論易簡之方詢爲女科秘笈咸豐丁巳吳曉鉅以重值購自吳門借余錄之摘錄數條於此

婦人有疾兩乳不嫌其大月水不嫌其多乃生機也治嘔血及諸衄下血等症用豬腰子一具童便二錢陳三白酒一盞貯新瓶內密封泥口日晚以慢火煨熟至初更止夜分後更以火溫之發瓶畢食即病篤者止一月效平日瘦怯者並宜服之男女皆效眞以血養血之良方也

醫書云先期爲血熱後期爲血寒然有或前或後者將忽寒忽熱乎大抵氣者血之母氣亂則經期亦亂故調經以理氣爲先

孕六七月因爭築著子死腹中惡露直下痛不能勝而欲絕者佛手散主之當歸三錢川芎五錢益母五錢水酒各半碗煎服停一二時再進一服若胎不損則痛止而子母俱安既損則胎下而母全矣

一胎不動而冷如冰卽非好胎若以不動言之好胎亦是伏而不動者何可遂斷其死胎也宜服順氣活血藥產後忌飲酒但服童便可也童便爲臨產仙藥量眩敗血中心及血崩諸症倉卒不及備藥惟兒初下地時卽與童便一盞庶免諸症之患一月之內日服一盞百病不生他藥皆不及此產後百病三者最危嘔吐盜汗洩瀉是也三症並見其命必危數症並作治其所急見二凶多一症輕者無害

產後陰血虛耗陽浮散其外而靡所依故多發熱治法用四物湯補陰薑通神明炮乾薑能收浮散之陽使合於陰故兼用之然產後脾胃虛損有傷飲食而發熱者誤作血虛則反傷矣故必先問曾食何物有無傷損有惡血未淨者必腹痛而發熱有感冒外邪者必頭痛而發熱若發熱而飲食自調絕無他症者乃血虛也可以補血若胸

膈飽悶暖氣惡食泄瀉等症只隨症治之要知腹滿而不痛者斷非惡血也莫誤

產後用益母草剉一大劑三兩濃煎去渣加芎歸末各二錢陳酒童便各一盞服之至再則腹痛血量之患免
壯大有補益眞治產之司總也此方又名奪命丹爲產後聖藥

產後喜鹹愛酸而致咳嗽必致痼疾終身須自慎之

家傳秘方有六簡易而神妙特奇世寶之種子丸

五月五日拔益母草帶根陰乾爲末煉蜜爲丸如彈子大每朝二丸百日必效

固胎丸

錢砂仁湯下連服數朝一條半白朮爲末每服三

而胎可保

保安丸

五月五日取益母草去根晒乾爲末煉蜜爲丸如彈子大孕未安八九月每日早晚各服二丸

催生丹

益母草四兩焦白芷炒滑石百草霜各二兩臨產服四錢芎歸湯送下

益母丹

既產用山查末三錢濃煎

益母草湯

陳酒和童便調下第一日三服第二日二服第三日一服第四第五日山查末減半第六第七日去山查末止服三味第八日併三味不服而百疾不生矣歷驗

坤元是保丹

孕婦病則胎亦病而胎則多兩亡此方能却胎病使兩無恙青黛五錢伏龍肝二兩二味研末用井泥調勻塗臍上當孕處二寸許乾則再塗此丹止

可施于傷寒極熱之症不可概施者也切記切記慎之慎之
余家有僕婦葉姓陰戶墜下一物如初生孩兒頭臤則入腹立則墜於外行動不便深以爲苦自云產後操作過早屢至河埠踞而洗衣致有此患墜下後產一男仍不能收俗名魚袋不知是否卽子宮也此症初起若依丹溪法當或可療久則不能治矣

丹溪治產婦陰戶一物如帕垂下俗名產頰宜大補氣以升提之以參耆朮各一錢升麻五分後用歸芍甘草陳皮調之又治產婦陰戶下一物如合體狀此子宮也氣血弱故隨子而下用升麻當歸芍朮大劑服二次後以五倍子作湯洗灌皴其皮覺一響而收入

胎產

婦人經止三月以川芎末二錢煎艾水調服腹內覺微動是孕不動者非也此法婦科諸書皆載之然未可輕試余內人素患肝氣已丑歲懷孕三月服川芎末少許卽動甚不安是知成方不當泥也又方書佛手散用當歸川芎各五錢水酒煎治胎動杭州儒醫嚴兼三茂才燒謂此方暫服則安常服之則屢生而不育親驗故知之

秀水新塍陳氏女科治胎前諸症戒用川芎以其能升易動胎氣也又言桂圓產後不可輕服味甘易令人嘔恐瘀血因之而升也余因思張景岳治胞衣不下用本婦頭髮攬入喉中使作嘔則氣升血散胞軟自落此法雖妙然或因作嘔而瘀血上升轉益爲害矣

蕭慎齋女科經論妊娠十月而生其常也其有踰期者若唐堯之與漢昭是也若云二年四年則怪誕不經矣余按元史黃溍傳孕二十四月而生此必非虛飾者又仁和王學權重慶堂隨筆載王太昌語云老醫輔沛霖治周縫人妻經阻腹脹而硬服藥不效至兩年餘忽舉一子而脹病如失其子甚短小名曰關保余常見之云云然則胎孕閱數年之久亦事之所或有未可概以爲不經也

蔡松汀難產方用黃耆熟地各一兩歸身枸杞子黨參龜板醋炙各四錢茯苓三錢白芍川芎各一錢無論胞衣已破未破連服四五貼但用頭汁取其力厚也此方意主補助氣血以爲服之者萬無一失馮楚瞻催生保產萬

全湯則用人參三錢至五錢歸身三錢牛膝稍二錢川芎乾薑炒焦各一錢肉桂六分桃仁十三粒酒炒紅花三分補而兼通謂不催惟生神效產後更無瘀血凝滯百病主蔡說者訾馮方溫熱主馮說者譏蔡方補滯竊謂馮方惟秉質虛寒者宜之否則必有遺患當以蔡方爲優也

孕婦服藥凡尋常所用如牡丹皮赤芍牛膝薏苡仁貝母半夏南星通草車前子澤瀉滑石槐角麥芽神麃伏龍肝歸尾凡用歸身當去尾鼈甲龜板等皆忌之大抵行血利氣通絡滲濕之品均在禁例故王孟英謂胎前無濕雖茯苓亦須避之火酒椒蒜等皆不可食以其助火鑠陰也固胎之物南瓜蒂煎湯服最良勝於諸藥黃牛鼻煅灰同煎尤妙泊宅編云一婦人暴渴惟飲五味汁名醫耿隅診其脈曰此血欲凝非疾也已而果孕以古方有血欲凝而渴飲味之症不可不知也按此說產科書罕見錄之以備診家之一助

江都葛晴峯自申醫易脈部謂孕脈以陽入陰中脈當短促羅養齋以爲發千古所未發惜其書不傳

補脬散治產後交腸病因脬腸有損積穢凝塞故大小便易位而出也補脬散甚效方用生黃絹絲一尺剪碎白牡丹皮白芨各錢半水一碗同煮如飴木搗研爛空腹時頓服服時不得作聲作聲則不效陳夢琴變通其法用生黃絲絹白芨黃蠟明礬琥珀水捶爲丸猪脬一煮湯飲之尤精密可法

辨妊娠古人以形病脈不病爲憑沈金憲更以嗜酸別之何西池又以胎至五月則乳頭乳根必黑乳房亦升發爲據辨胎男女古人以脈左大爲男右大爲女張路玉獨謂寸口滑實爲男尺中滑實爲女兩寸俱滑實爲雙男

兩尺俱滑實爲雙女右尺左寸俱滑實爲一男一女此皆扼要之訣陽湖史生家俊言其同鄉名醫周八先生診一孕婦左乳脹痛謂左乳脹爲男右乳脹爲女後果生男余按千金方云左乳房有核是男右乳房有核是女又坤元是保以乳核先生驗左男右女殆卽此義歟

子死腹中古法用下驗之之法腹悶胸墜兼冷略無動意口中穢面如土色舌色青黑是也治法同生丹三丸立下產母無恙如一時無此藥以平胃散一兩生用經火炒不應酒水各半鐘煎好入朴硝五錢再煎溫服卽化水而下薛立齋云胎死服朴硝下穢水肢體倦怠氣息奄奄急用四君子爲主佐以四物加薑桂調之蕭慎齋云胎死必先驗舌青腹冷口穢的確方可用下亦必先固妊娠本元補氣養血而後下之若偶有不安未能詳審遽用峻厲攻伐難免不測之禍保產要錄云卽不服藥人不慌忙逼迫亦遲遲生下而不傷母蓋人腹中極熱惟不忙迫產母安心飲食腹內熱氣薰蒸胎自柔順腐死或一二日三四日自然生下但所出穢氣令人難聞是可知死胎用下乃不得已之治法若產母病後及真元虛者尤當審慎程道承式醫叢治產婦氣血弱而胎死腹中者其症腹脹作痛一日不下其脈兩尺沈伏微動無神熬益母膏以川芎當歸中桂葵子煎湯調服二三盞胎卽下其治最善吳鞠通治一婦死胎不下二日診其脈洪大而芤間其症大汗不止精神恍惚欲脫曰此心氣太虛不能固胎不問胎死與否先固心氣用救逆湯地黃麥冬白芍阿膠炙草龍骨牡蠣加人參煮三杯服一杯而汗斂服二杯而神清氣竅三杯未服而死胎下矣下後補肝腎之陰以配心陽之用而愈此又可爲治死胎者開一法門也

產寶云妊娠腹中臍帶上疙瘩兒含口中因妊娠登高舉臂脫出兒口以此作聲令妊娠曲腰就地如拾物狀仍入兒口中卽止王清臣駁之曰初結胎無口時又以何物吮血養生然余觀程氏光治腹中兒啼傾豆於地令婦低頭拾之卽止又萬密齋治法令婦作男子拜卽止則知口含之說近似有理且惟有口始可含何得以無口時相比較況所謂含者乃在氤氳一氣之中非必真吮血以養生也王說似拘

秀水計壽橋學博楠博雅工詩深諳醫理尤精婦科自言診胎產症二十餘年凡大險大危者十中挽回七八皆以用補得宜不隨流俗以治標逐瘀爲先務也所著客塵醫話三卷婦科居其大半論墮胎難產最中肯綮錄之治墮胎往往用補濶治難產往往用攻下皆非正法蓋半產由於虛滑者半由於內熱者半得胎之後衝任之血爲胎所吸無餘血下行血不足胎必枯槁而墮其本由於內熱火盛陽旺而陰虧血益少矣治宜養血爲先清熱次之若泥於膩補反生壅滯之害至於產育乃天地生生化育之理本無危險皆人之自作也用力太早則胎先墜下舒轉不及胞漿先破胎已枯澀遂有橫生倒產之虞其治亦不外乎養血爲主血生則胎自出若誤用攻下之藥則胎雖已產衝任大傷氣冒血崩危在呼吸矣慎之慎之

齊氏翀三晉見聞錄云山西產婦既產便餓不食物惟以小米粥極薄日飲數回以一月爲率若旬日之內或食米麪或食雞豚則不可治安邑則旬日之內並不可睡

按產後因食傷致病而殞命者甚多飲粥之法最妙但不可使之餓要在一餓卽飲飲不可多而已至於旬日

不睡未免爲期太多神氣疲憊吾鄉每令倚睡高枕傍以人守之寐稍久卽呼之覺閱四五日始任其睡此法較善

乳

勸行醫說又有論乳吹一條語亦詳盡並錄於此凡婦人乳吹初起切勿先延醫治每見醫家治乳用黃色敷藥調菊花葉塗之內服皂角甲末等味速其成膿待至紅未熟卽用披鍼開入寸許復以手硬出毒其痛每至昏暈而血多膿少既難內消復使其痛苦多時不能收口日久成漏腐爛纏囊致病者求生不能求死不得而待哺之兒亦將失乳斃命罪惡之重擢髮難數在醫者本意只求多次相延博取財物或冀症久求愈重索藥資而已亦知地獄中早虛左以待乎故乳吹乳癰等症初起只須內服消遙散及六神丸蓮房灰末福橘酒送外煎紫蘇橘核絲瓜絡川棟子當歸紅花川烏香附官桂等水用手工兩方絞熱替換焗乳輕者乳散乳通如再不通須病人忍痛命一大嬰孩童吮下積乳隨卽吐去吮三五次無不爽利無庸延醫診視至於乳疽乳巖乳癰症情不一治法各殊是在名家息心體認以煎劑爲主尤非瘍科所能奏功矣

冷廬醫話卷之五

桐鄉 陸以湉 定國氏著

幼科

小兒解顛者因腎氣虛弱腦髓不實不能收斂而顛爲之大也宜急服地黃丸補之萬密齋幼科發揮云一兒頭縫四破皮光而急兩眼甚小萬曰腦者髓之海也腎主骨髓中有伏火故髓熱而頭破額顛大而眼楞小也宜服地黃丸其父母不信至十四歲而死余族一姪孫幼時解顛頭大而面甚小至十六歲竟死余按龜板治小兒顛不合加入地黃中煎服似尤應驗

治小兒驚風砂雪丸用硃砂輕粉各一錢殼殼蠶十箇蝎三箇以青蒿節中蟲搗和爲丸研細人乳調服相傳其方甚神余按輕粉辛燥有毒治之不得其法則毒氣竄入經絡變成他疾爲害不淺不若用青蒿蟲末和燈草灰調入人乳服之或伺小兒睡時以銅管吹青蒿蟲末和燈草灰入其口中法尤簡妙屢屢獲效不可忽視

喻嘉言溫證朗照云凡小兒發熱嘔吐者倘未佈痘卽須審諦不可誤用溫胃之藥里中一宋侯高年一子恣啖不禁每服香砂平胃散極效一夕痘發作嘔誤服前藥滿頭紅筋錯出斑點密攢筋露所謂瓜籐斑也上饒相公一姪髫齡選貢赴宴返寓痘發作嘔乃父投以藿香正氣丸一夕舌上生三黑疔如尖栗形舌下生四黃疔如牛蠅形蓋痘邪正出截阻其路凶變若此當以爲戒余按小兒患病挾熱者多溫燥之藥皆宜慎用不特痘症宜防也憶

在杭州時有府胥張某子十歲夏月觸暑發熱惡寒不食醫投以藿香正氣丸遂至熱盛神昏脣舌焦乾口鼻出血而殞聾久可活幼心法云小兒多吐之後胃氣大虛氣不歸元陽浮於外反有面赤頭熱身熱作渴而似熱症者俗醫誤認爲熱投以涼藥殺人如反掌故治吐瀉而藥不中病者與其失之寒涼寧失之溫補失之溫補猶可救療失之寒涼其禍甚速不及救也余此說與前條喻氏所論絕相反參觀焉而各有至理惟在審症之的而已蓋凡症之初起發熱作渴而吐者挾熱居多吐後復發熱作渴者往往有屬虛寒者矣司命者其慎之

吾邑孔雅六學博憲采長女初生啼哭一聲後竟默不作聲查方書捉貓一隻以袱包之持向女耳邊隔袱咬貓耳貓大噪一聲女卽應聲而啼後遂無他今已出嫁生子矣此卽古之所謂禁方其理莫能測也醫學入門云初生月內多啼者凡胎熱胎毒胎驚皆從此而散且無奇症沈莘綠甚贊其說因謂兒啼只宜輕手扶抱任其自哭自止切不可勉強按住或令吮乳止之若無他病不必服藥余謂是固然矣然有因他故而啼者杭州樂懷谷女方襁褓忽啼不止拍之則愈啼解衣視背見綉針微露其緒而針已全沒醫治之難以藥敷肉潰而針終不出延至百餘日賣酒家傳一方以銀杏仁去衣心杵爛菜油浸良久取油滴瘡口而針則已癒蓋強拍入之也又曾世榮於船中治王千戶子頭疼額赤諸治不效動卽大哭細審知爲船篷小篾刺入頸上皮肉鏃去卽愈然則小兒啼哭苟有異於尋常卽當細心審察固不必一概投藥亦不得任其自啼自止也

痘

翼馮粹編云海州劉永有一子年五歲出痘偏體疙瘩大如甌凡三四十醫皆不識有老嫗年七十餘見之曰此包痘也吾所見並此而二決無他虞六七日疙瘩悉破內如榴子層層灌漿皆滿真從來未覩者痘書充棟亦無人道及可見醫理淵深卽痘疹一門已難測識矣余按可以補諸痘書之闕錄云

阜平趙功甫長於治痘痘始萌一望已知其結局自云一生療痘無藥不用而從未有用附子者今按曾世榮治侯自牧子痘盛夏用附子費養恒治馮憲副孫痘亦用附子皆採入續名醫類案然則治痘非無用附子之症特不恒有耳

崔默庵論痘症曰今人治痘率用升麻葛根湯使毒氣盡升頭面後多難治戒升麻勿用多用葛根及橫解之劑少加桂枝令其毒盡散於四肢卽險逆之症亦可爲矣見劉繼莊廣陽雜記

疳

治小兒疳病集聖丸

人參、黃芩、川連各三錢、歸身、芎、陳皮、五靈脂、蓬萊、夜明砂、使君子肉、蘆薈、砂仁、木香各二錢、公猪膽一箇、和藥末爲丸，如龍眼大，每服一丸。

不寒不熱亦補亦消最爲穩善

名醫類案所載單方三亦佳一用山楂一兩白酒麴一兩取多年瓦夜壺中人中白最多者裝入二物炭火煅存性

研細末每服六分滾水送下其一用雞蛋七枚輕去殼勿損衣膜以胡黃連一兩川黃連一兩童便浸春秋五日夏三日冬七日浸透煮熟服之其一用大蝦蟆數十箇打死置小口缸內取糞蛆不拘多少糞清浸養盛夏三日春末秋後四五日以食盡蝦蟆爲度用粗麻布袋扎住缸口倒置活水中令吐出污穢淨置蛆於燒紅新瓦上焙乾食之每服一二錢或用炒熟大麥麩和少蜜作餅或丸令兒食此皆以人身氣化之物入消導藥治之可稱靈妙

小兒無辜疳脳後項邊有核如彈丸按之轉動軟而不疼壯熱羸瘦頭露骨高有謂妖鳥一名夜飛其翼有行游女毒拂落于人家晒晾未收之襯祫衣上見著之則病有斥其說爲妄謂無辜鳥名啼時兩領扇動如瘻瘍之項小兒肝熱目暗頸核纏繫其狀相類因以爲名宜用逍遙散加減治之有謂因乏乳所致又有謂饑飽勞役風驚暑積八邪所致宜用布袋丸治之余謂妖鳥之說無論其是否但見項邊有核即當挑刺以藥治之若至大而潰膿法不能療至其用藥則仍不外治疳病之法耳

外科

治臘窠疥瘡用大楓子五十粒草麻子五十粒蛇牀子三錢以上三味研細另包麻黃半班蝥去翅膀三個先將麻黃斑蝥二味同入猪油內煎枯去渣盡淨再將前三味放下緩緩熬煎待渣黑然後取起用絹袋包裹向患處頻頻擦之此方吳子嘉所傳云曾經試過甚效

子嘉又傳治發背癰疽一切無名大毒以及瘡癥等症神方名迅風掃蕪散云得自常熟屢試不爽用穿山甲片七蜈蚣去頭足七條蟬退五錢殭蠶炒去絲乳香去油二錢半沒藥去油二錢半全蝎頭足要全酉浸七箇班蝥去翅足搗米炒七箇明雄黃五錢麝香丹少許和藥末同摻其升丹必要自製市中者不驗

升丹方水銀一兩白礬一錢牙硝一兩二錢皮不可用先將礬硝二味研細再入水銀用小廣鍋一隻盛藥再以粗碗一隻覆於鍋上用細白皮紙搓作紙索蘸水微濕築於碗口另用細礬末摻紙上再用生石膏粉滿蓋碗底以鐵杵壓碗上畢以大釘四枚釘入泥地用硬炭燒三炷官香四圍須用磚護住火方有力第一炷火文第二炷火武一二炷香間須防走漏第三炷火大武當以扇拂之冷定開視而丹成矣丹在碗上藥渣棄去不可用

方書所言內癰大概詳於肺胃大小腸其他臟腑均略焉吾鄉有患肝癰者醫以爲肺癰服藥後日就危篤延張夢廬學博視之識爲肝癰誤治卒不能救藥而殞按內經云期門隱隱痛者肝疽其上肉微起者肝癰又云肝癰兩胠滿臥則驚不得小便是其症亦尚易辨特俗醫不學遂致殺人耳陳遠公云肝癰在左而在右左脇之皮必見紅紫色而舌必見青色治必平肝爲主佐以瀉火去毒宜化肝消毒湯白芍當歸各三兩金銀花五兩黑山梔五錢生甘草三錢水煎服蓋其治法與肺癰迥殊也

王洪緒外科全生集論馮氏錦囊治陰疽以溫補兼托以爲初起平塌安可用托托則成功宜以潰爲貴卽流

注瘰癧惡核倘有潰者仍不敢托托則潰者雖斂增者又何如耶因立陽和湯以施治五遇平塌不痛大疽倍加熟地巖兼三謂生平遵此法以治陰症屢獲奇驗嘗於六月中治一男子偏身熱毒而腹上獨生一疽平塌不痛診其脈微沉無力乃用陽和湯加附子黃耆服之疽消而愈蓋熱毒發於表而陰疽根於內故必治其本焉因思古方治一切癰疽用仙方活命飲未成者卽潰已成者卽潰云是瘡癰之聖藥然以治陰疽則有銀花赤芍花粉貝母等涼藥不若陽和湯專用溫補能消患於未萌也

海甯許辛木部曹棟精醫理尤長於外科所製膏丹必購求良藥親自研鍊拯治危症甚多嘗言瘰癧一症服藥最難見效外治亦鮮良方王氏全生集消核膏曾試用之蘊熱重者轉致紅腫葢藥品多毒烈也因以控涎丹爲主加入麻黃煎成膏藥普施甚效故友湯緒二又加入數味嗣後求者踵至不獨瘰癧凡痰核乳巖貼之初起卽消久者縱不能消亦不再大妙在並無斑蝥蟄全蝎等毒藥雖好肉貼之無損石門某醫之女頸生瘰癧十餘年自爲醫治不效且有潰者聞部曹有自製消核膏挽人求索令未潰者貼此膏已潰者貼陽和解凝膏見全集掺以九一丹每次索膏必數十張如是數月未潰者消已潰者斂遂不復發今嫁人有子女矣此方治愈者衆其藥用製甘遂
二兩紅芽大戟三兩白芥子八錢麻黃四錢生南星六錢直天蠍一兩朴硝一兩蜜黃六錢薑半夏一兩九一丹用降藥九分生石膏一分

外科之症有與內科相似者最宜詳審凡諸癰毒初起惡寒發熱不可誤認傷寒又骨槽風不可誤認牙痛鶴

膝風不可誤認痛痺痔血不可誤認腸紅肺癰不可誤認外感咳嗽腸癰不可誤認諸腹痛此類尙多不可悉數質直談耳載舊青浦鎮瘍醫陳天士名馳四方就醫者日不下數十人其藥最秘者手治之歲久毒氣薰炙晚年中拇指生惡疽知不可療聞南去百五十里地名潭中有一叟精於針砭恒自晦不欲以術自鳴卽易姓名疾赴其所乞治之叟曰此藥毒也君殆知醫向之中惡深矣不發則已發必難治非吾力所及也蓋往質諸陳天士乎天士大恐速歸疽遂潰神昏而歿余謂陳雖能醫技猶未精也秋燈叢話云北賈貿易江南喜食猪首兼數人之量有精于岐黃者見之間其僕曰每餐如是已有十餘年矣醫者云病將作凡藥不能治也俟其歸尾之上將以爲奇貨久之無恙復細詢其僕曰主人食後必滿飲松蘿茶數甌醫爽然曰此毒惟松蘿可解悵然而返使陳能如此賣之豫爲防何致成不治之症乎

外科正宗一書近世盛行醫者信而遵之往往用拔針及三品一條鎗等法誤人不少是書徐靈胎有評本余曾從陳載庵借錄一過後許辛木又加釋註屬余爲之校正將以救世醫之弊已付刊矣適逢寇亂中輟余所錄之本亦燬於兵燹辛酉秋日避難於東林山後從湯欣庵借錄副本因摘錄於此俾習外科者觀之庶不爲是書所誤正宗云初起未成者用拔針當頂點入知痛處出其惡血通其瘡竅隨插蟾酥條直至瘡底見膿疽論後許云必死之法誤盡蒼生其不死者亦必臥牀幾月服大補之藥而後得安正宗云拔針當頂插入知痛處方止隨用蟾酥條插至孔底見神妙拔根方下又云三日後加添插藥其根高腫作疼評云凡瘡未成者一見血則毒走肌傷輕者變重重則必死況

又插入藥條以致痛極腐爛斷無消理此等惡法害人不淺然此原云陰症當用此法乃近人不知不論陰症陽症輕病重病皆用此法殺人無算間有愈者皆痛苦哀號死裏逃生乃皆奉爲金科玉律舉世皆然無人救正豈不傷心又評云用此法者我目中已見殺數十人矣卽真陰症亦不宜用況陰症千不得一非平塌者卽爲陰症也評三品一條鎗後云此治惡毒頑瘡間有可用近日庸醫不論何瘡俱用此法殺人無算深爲可恨製方之人原只用以治不知痛癢及死肌頑肉誰知後世惡人竟爲必用之品不可不歸咎於作俑人也余因思周岷帆學士患瘤爲費某用三品一條鎗致死見醫鑑門由於未見徐評故耳醫者專主一家之言不知虛懷好學博採精研而欲免於誤人也豈可得哉

疔

本草綱目蒼耳草蟲治療方余以治多人無不獲效其法於夏秋之交取蒼耳草莖憔悴有穴孔處拍開取蟲
蟲如蠶而小長不過四五分其行甚速以紙包裹置火爐中烘乾極藏瓶中勿出氣用時研細末摻在疔瘡膏藥
藥店有之中心貼向疔瘡頭上先用銀針向外頭上微挑開當有水流出閱六時許疔根自拔按三因極一病證方論有治一切疔腫神方蒼耳草
根莖苗子俱取一色便可用燒此法本千金方又按劉雲密本草述云一切疔腫危困者用蒼耳根葉搗和小兒尿絞汁冷服一升日三服拔根甚驗此二方余未經親試如用之獲效無事取蟲傷物命矣特識之

癰疽宜灸而疔獨忌灸癰疽藥每用酒煎而疔獨忌酒皆以其助火也又治療膏藥忌用桐油紙惟當用布刺疔針忌用銅鐵惟宜用銀

針灸

夏日宜灸汪石山駁正之甚是一近事尤堪爲戒錢塘陳氏子患哮得一方云夏日於日中灸背當可見愈如法行之至深秋得伏暑症甚重醫治不效而卒苦者針灸之法與藥並重後世羣尚方劑投藥無功始從事於針灸又往往不能獲效或轉增重則以精此技者甚少且未審病之宜針灸與否也葉天士謂針灸有瀉無補但治風寒見來蘇集批本中穴之實症此言信然嘗見有痼症挾虛因針而轉劇痼症挾熱因灸而益重是不可以不慎也

孟子求三年之艾趙氏註云艾可以爲灸人病乾久益善故以爲喻按說文火部云灸灼也從火久聲俗讀灸誤也

藥品

新絳金匱旋覆湯用之治肝著亦治婦人半產漏下本草綱目獨遺之黃坤載長沙藥解言之較詳云新絳味平入足厥陰肝經行經脈而通瘀澀斂血海而止崩漏又云新絳利水滲濕濕去則木達而血升故能止崩漏其諸主治止崩漏吐衄泄利諸血除男子消渴通產後淋瀝止血燒灰存性研用消渴淋瀝煮湯溫服其云諸症消渴皆

緣土濕而不及火蓋其生平深惡滋陰故立言不免於偏也

左牡蠣取殼以項向北腹向南視之口斜向東者爲左顧左顧者雄右顧者雌左盤龍鴟糞左纏繖花金銀皆以左爲貴秦艽根有羅紋亦以左旋者入藥右旋者令人發脚氣病盧子繇云蓋天道左旋而人生氣從之也

桃仁最易發脹震澤某氏子甫十餘歲食之過多脹死棺殮卽殯之郊逾年啓棺焚葬其尸覆臥棺中手足皆作擗抵勢蓋桃仁之性既過而甦棺甚脆弱得不悶死轉側其身以求出力微卒不能破棺而死耳

豬膚王海藏以爲鮮豬皮吳綏以爲燬豬時刮下黑膚汪石山謂考禮運疏革膚內厚皮也膚革外薄皮也則吳說爲是膚者膚淺之義謹按

御纂醫宗金鑑方解云豬膚者乃革外之膚皮也其體輕其味鹹輕則能散鹹則入腎故治少陰咽痛是以解熱中寓散之意也詮釋詳明可以括諸家之說矣

麥冬通胃絡不去心入養肺陰藥則宜去心陳載庵說其生平治驗如此凡木之花皆五出惟桂花四出梔子花六出桂乃月中之木梔子卽西域之簷葡萄桃杏花六出者必雙仁食之令人

傷寒論之蜀漆乃常山之莖也金匱要略之澤漆乃與大戟同類而各種也今皆不以入藥惟草澤醫人用以猫兒眼睛草治水蘆者卽澤漆也

李東壁謂香薷乃夏月解表之藥猶冬月之用麻黃氣虛者尤不可多服今人謂能解暑概用代茶誤矣程氏

鍾齡謂香薷乃消暑要藥而方書稱爲散劑俗稱爲夏日禁劑夏既禁用則當用於何時此不經之說致令良藥受屈此二說程杏軒醫述並載之余謂李說爲是程說不可從香薷雖非夏日禁劑然維陽氣爲陰邪所遏用以發越陽氣則宜其餘中暑之病均不可用今人夏月又有以藿香代茶者亦誤夏月可常服以滌著者惟陳青蒿耳余每于秋仲採青蒿洗晒收藏次年夏入瓶煎露用以代茶殊勝

連翹功專瀉心與小腸之熱本經及諸家本草並未言其除濕惟朱丹溪謂除脾胃濕熱沈則施謂從蒼朮黃柏則治濕熱而吳氏本草從新又謂除三焦大腸濕熱近世醫家宗之遂以爲利濕要藥不知連翹之用有三瀉心經客熱一也去上焦諸熱二也爲瘡家聖藥三也此足以盡其功能矣枸杞子諸家本草有謂其甘平者有謂其苦寒者有謂其微寒者有謂其甘微溫者均未嘗抉發其理惟張石頑本經逢原謂味甘色赤性溫無疑緣本經根子合論無分以致後人或言子性微寒根性大寒蓋有惑於一本無寒熱兩殊之理夫天之生物不齊往往豐於此而濶於彼如山茱萸之肉濶精核滑精當歸之頭止血尾破血橘實之皮滌痰膜聚痰不一而足卽炎帝之嘗藥亦不過詳氣味形色安有味甘色赤形質滋腴之物性寒之理其辨別獨精勝於諸家余壯歲服藥每用枸杞子必齒痛中年後服之甚安又嘗驗之肝病有火者服枸杞子往往增劇謂非性溫之徵耶張叔承本草選謂方書所用大棗不分黑白細詳之乃是紅棗之大者若黑棗則加蜜蒸過者又謂今人蒸棗多用糖蜜拌過久食最損脾胃助濕熱也竊意紅棗力薄和胃則宜黑棗味厚補中當用似不得混同施治至助濕熱之說理不可易是以多食則齒生蟲

而致損也

龍木論治內障眼有五退散用龍退蛇皮蟬退鳳凰退鳥雞退卵殼退蠶人退紙退髮等分一處同燒作灰研爲細末每服一錢用熟羊肝喫不拘時候日進三服佛退人退之名甚新可補入藥品異名中也

竹筍從竹而俗或從草作茹青葙子從草而俗或從竹作筍皆誤

松之餘氣爲茯苓楓之餘氣爲豬苓竹之餘氣爲雷丸亦名竹苓豬苓在本經中品雷丸在下品茯苓在上品方藥用之獨多以其得松之精英久服可安魂養神不饑延年也又有橘苓生於橘樹如蕈可治乳癰見趙怒軒本草綱目拾遺

脾胃載治驗有六皆不詳其所用之藥史例大率如此然而略矣

道士知醫最著名者有崔紫虛僧則有深師荆山浮圖師慎柔和尚宦官則有羅大無知悌婦女則有胡宗仁之母徐氏妻李氏醫任死生之重而通性命之微固無人不當學也特非盡人所能學耳

上古俞跗治病能割皮解肌湔洗腸胃澈滌五臟華元化猶傳其術史所稱剝破腹背抽割積聚是也華以後能之者無聞焉雖有弟子吳普樊阿不盡其奧豈神奇之術非其人勿傳歟

續名醫類案卷三十奇疾門錢國賓案注云錢塘人萬歷時人有壽世堂醫案四十則多奇疾乃刻本由杭太史董甫處借得凡三十二字閣本無魏氏家藏本有奇疾門錢論肉行一症可補瘟疫諸書之缺云癸亥冬山海

夫行時疫病者頭痛發熱惡心口渴神昏欲寐四肢不舉其肉推之則一堆平之則如故醫有作傷寒者有作時氣者投以發散藥無不加重死者數百時督師閩部孫及贊畫各傷一僕至乙丑春錢之關門謁太師談次問及曰此症天行時疫名肉行人肉屬土土燥則崩土濕則流其邪感於血脈肌肉不比傷寒所治古今醫集不載止於官邸便方見此異症一款因人血枯而感天時不正之氣當大補血用首烏枸杞歸地等味少加羌活風藥足以應病矣若經發散立死無疑又治足跟響至頭聲如雷診脈五部皆和獨腎丸大舉之始見按之似無乃腎敗也腎經自足走頭腎主骨腎虛則體空空則鳴所以骨響以六味丸加紫河車膏虎骨膏豬髓枸杞杜仲服之愈又治兩膊紅十數條頭粗尾尖腹大長尺許闊寸許曰此青蛇異氣不急治蛇形入腹而死或生大小腿如頭向上故入腹亦死以鍼挑破頭尾使其不走流出惡血又研明雄黃唾調塗患處內服清涼敗毒散而愈防風荆芥白芷羌活黃芩黃連金銀花桔子甘草當歸生地各一錢觀此則錢亦當時名手而今罕有知之者不有續名醫類案不幾湮沒無傳乎

古今醫案類按云高果哉先生乃王金壇之高弟準繩序中所謂嘉善高生隱士也余童時習聞父老傳誦其治病如神著有醫林廣見及雜症二書未曾刊印得之者珍如拱璧又有醫案數卷立方頗多奇巧然險峻亦難輕試略選數條以存吾邑文獻其卷七一條云魏子一患嘴脣乾燥自最良諸家本草皆載入毒草門彙言謂偶有食肆之多幾於酒肆埒雖不若鴉片煙之爲害甚烈然能耗肺氣傷陰血凡患咳嗽哮喘虛損吐血氣虛火炎等症尤

宜遠之

輕粉辛燥有毒以治楊梅瘡奏效雖捷而毒氣竄入筋骨變生他疾爲害無窮大風子之治癘風亦然製方藥者其慎之

本草謂梔子生用瀉火炒黑止血臨證指南治外感證多用黑山梔黃退庵云近多炒用用生者絕少余按仲景梔子湯有病人舊微溏不可與服之禁蓋以其苦寒也若炒黑則寒性減無論舊溏與否皆可服矣此所以用者少歟

藥物來自海外者甚多中國之藥亦有遐方所寶重者如西戎之需茶唐古志之需大黃日本之需殭蠶是也又往時專城入貢者特市土茯苓一時價昂百倍見錢塘縣志

薄荷氣清輕而升散最甚老人病人均不可多服臺州羅鏡涵體質素健年逾七旬偶患感冒無汗以薄荷數錢煎湯服之汗出不止而死舅氏周愚堂先生積患怔忡甫痊偶啖薄荷糕卽氣喘自汗不得寐藥中重用參耆乃安

藥中所用橡實其木之名稱詩經曰櫟曰柟曰柞不結實者名柟爾雅又曰杼橡實一名皂斗俗稱野栗子潤腸止痢功勝瞿粟杭州學解傍有一大株夏日陰濃藉以避暑深秋結實繁茂涼風吹墮撲簷拋屋終夜有聲頗耐清聽

盧子絲本草乘雅半偈備稱茶之功用採錄古今名家論說以爲譜因謂常食令人瘦去人脂倍人力悅人志益人意思開人聰瞽暢人四肢舒人百節消人煩悶使人能誦無忘不寐而惺寂章杏靈調疾飲食辨則謂茶耗人精血有消無息欲使世舉不飲實難勸喻惟飲宜清忌多忌濃或以他草木之可煎飲者代之尤妙若夫渴症及諸熱症發渴者多飲之病更難愈又謂古不專以茶作飲故爾雅註疏但云可作羹飲並代茶兩字無之由是觀之茶經茶錄明理人不屑挂諸齒頬矣二說迥殊當以章說爲正如不能以他草木代之則宜少宜清之言切宜遵守章又謂俗尚陳茶僅隔年或二年止矣乃竟有陳至五七年一二十年者能令人失音或暴死蓋凡物過陳者皆有毒也此說亦世所罕知者

楊希落本草經解要考證謂萎蕤漆葉治陰虛兼令人有子卽華陀漆葉青黏散青黏世無能識或云黃精之正葉或云卽萎蕤也然吾鄉有兩老儒先後服此方皆致殞或云漆葉乃五加皮葉本經名豺漆也里有兵子臂痛不能挽弓或教用萎蕤一斤五加皮浸酒飲盡自健旺勝常豈古方正爾綱目殆誤附漆樹耶漆本有毒本經久服輕身及抱朴子遁神長生皆難信有割漆人誤覆漆徧體瘡至莫救向在中山親見况服食乎陶宏景云生漆毒烈是也古無用葉者故氣味缺綱目殆因古方臆立主治耳余按以五加皮葉爲漆葉前此所未聞然二物氣類迥別是以應驗亦殊明理之士自當舍漆葉而取五加皮究之古方藥品最宜詳審不可過信前人之說爲所誤也本草綱目拾遺有雞神水云可明日去障製法擇大蘿蔔一個開大孔須近莖一頭開勿在根邊方可活孔內入雞蛋一

枚種地上使其葉長成取雞蛋內水點眼其目如童重慶堂隨筆又載製賽空青法冬至日取大蘿蔔一枚開蓋挖空入新生紫殼雞卵一個在內蓋仍嵌好埋淨土中均四五尺深到夏至日取出用女人衣具包裹藏瓷器中否則恐遇雷電被龍攝去也卵內黃白俱成清水用點諸目疾雖瞽者可以復明二法並可試用錄之

救逆湯之用蜀漆柯韻伯疑之鄭潤庵謂脈浮熱反灸之此爲實實以虛治因火而動必咽燥吐血可見脈浮被火應至吐血今更吐之是速其血耳矧千金外臺兩書非疫非瘧不用是物則是方之有舛誤無疑吳中方大章變則謂蜀漆乃蜀黍之誤古漆字無水旁與黍相似故也黍爲心穀用以救驚狂起臥不安者取其溫中而瀉腸胃協龍牡成寧神鎮脫之功也說見瘦吟醫譜

草藥形狀相類者甚多如宕芋似何首烏鉤吻似黃精透山根似蘚蕪天炙似石龍芮雞冠子似青葙子赤柳草根似茜草根等不勝枚舉良毒各殊服食家均宜慎辨

何首烏真人形者不可多得而服之可以益壽然亦有不盡然者湯芷卿用中翼駢稗編云吳江秀才某見鄰翁鋤地得二首烏如人形以錢二千買之用赤荳如法製食未數日腹瀉死此豈氣體有未合歟抑首烏或挾毒物之氣能害人也服食之當慎也觀於此而益信

費星甫西吳蠶略所述頭二蠶較本草諸註家爲詳備錄於此頭二蠶卽蚯珍也周禮夏官司馬職禁原蠶註云原再也字書作蠶本草有晚蠶沙晚殭蠶等目皆未詳辨遂誤以初蠶再出爲晚蠶原蠶矣不知其種迥別凡二

蠶繭蛾生種謂之頭二蠶種次年清明後卽養之名頭二蠶時頭蠶甫大眼也出蛾生子是謂二蠶種凡養頭二蠶皆甚少無繅絲者其繭殼繭黃蠶沙皆入藥其殼者尤不可得治痘有回生之功蓋時方春杪蠶亦得清淑之氣故堪治疾殆珍之名所尤起歟本草所載專指此卽周禮原字之義未必不指此又云二蠶始稱晚蠶出於頭蠶登簇之際飼以二葉自眠至老皆值黃梅時候鬱蒸日甚蠅蚋蛆蟲穢生蛆性偏熱有毒其繭其絲價亦較廉凡所棄餘僅以肥田從未入藥余按今藥肆所售蠶沙殼蠶大抵皆出於頭蠶耳藥類鮮真此其一也

麝乳性熱補陽虛寒體弱者服之獲效甚捷余戚王祉亭居長興和平山中言其地產麝取乳恒在夏月土人同有麝處逐去母麝捕乳斂殺之以腸胃曝乾取乳凝結成塊每兩可售錢一千作偽者每以牛羊等乳代之求之肆中鮮有真者矣

表兄周星舫明經士煌在洞庭東山授徒言山中鄭社儀家蘭花絕盛傳有治難產方最靈採素心蘭花陰乾收藏臨用以一二泡湯飲之又言山中有黃天竺子泡湯飲之治肝氣極效余按天竺子祇見紅色者黃色則未之見星昉言山中人亦甚貴重此種不多得也

辣茄性大熱章杏雲調疾飲食辨以爲近數十年羣嗜之食者十之七八父母嗜食辛熱其精血必熟故遺害於兒女飲食以沖淡和平爲正醜厚之味久必傷生毒劣之物嗜之損壽乃食此而不盡天者以體無內熱也若有內熱死安能不速耶其言

可謂切至以此推之非獨辣茄不當嗜也凡胡椒生薑薤蒜等辛溫之品皆足以刼陰而傷生慎毋多食

許辛木云阿魏最難得真諸書皆言極臭恐防作吐蓋肆中皆以胡蒜白僞造也余有友人貽以塔爾巴哈臺阿魏精其色黑中帶黃並不甚臭舐之氣味極清不作惡心乃知真品因自不同江浙去西番萬里而肆中所售阿魏甚賤其僞可知且極臭傷胃有損無益勿用可也余謂藥之無真如桑寄生川鬱金化州陳皮之類求之肆中悉皆他物以之治病必不見效均當勿用

冬雪水臘雪更佳救時疫大熱症獲效最速余在杭州每遇冬雪卽取藏罐中咸豐戊午四月輿夫王姓發熱身腫嘔吐不食心口大熱似有一大塊塞住胸間病逾十餘日已危篤其妻來求藥乃以雪水與之飲一大碗卽安睡半時許徧身大汗身涼思食而痊時其鄰祝氏婦懷孕數月亦患熱症甚劇王氏婦以所餘雪水令飲亦卽熱退獲痊方書言白果食滿千枚者死以其壅氣也由此推之凡菱芋南瓜等滯氣之物俱不可多食病人尤忌

棟根皮出土者殺人續名醫類案中毒門謂棟樹根出土者殺人朱氏子腹痛取棟子東南根煎湯服之少頃而絕余按本草謂棟樹雄者根赤有毒殺人雌者色白入藥用是棟根之有毒不得僅以出土者概之矣

繆仲淳廣筆記方藥有用紫河車胎元孩兒骨化屍場燒過人骨等其爲本草註疏復備言天靈蓋人胞初生臍帶之功效未免有傷陰德不若本草綱目之於人骨人胞天靈蓋深以殘忍爲戒然臍列氣味主治及方似當概從刪削詳述用之者有損而無益庶幾爲仁人之言乎

今之所云沙苑蒺藜卽古之白蒺藜今之所云白蒺藜乃古之蒺藜也今之所云木通卽古之通草今之所云通草乃古之通脫木也今之所云廣木香卽古之青木香今之所云青木香乃古之馬兜鈴也岐黃家用藥豈得泥古而不從今耶

周乙藜嘗患偏體發細瘰甚痒以枸骨葉煎湯代茶服之獲痊按枸骨一名猫兒刺俗名十大功勞味苦甘平葉生五刺九月結子色正赤本草彙言稱其去風濕活血氣利筋骨健腰腳本經逢原稱其活血散瘀又能填補體藏固斂精血今方士每用數觔去刺入紅棗二三觔熬膏蜜收治勞傷失血瘻軟往往獲效以其能調養氣血而無傷中之寒也蓋其功用至宏而醫者概不以入湯劑屈此良藥矣

廣陽雜記云余昔在杭州遇一滿洲老人雙目皆矇藥不能立時奏效有貨空青者其人酬以重價將用之矣始問之余余曰此物生銅坑中必銅精也銅性能伐肝有餘之症自無不愈今公年老而脈症俱虛當用溫補之品若用此當無益有損其人且信且疑乃破青取水先點右目一夜大痛目燐然始悔不用余言而猶賴余獲全其左目也後用養肝滋陰之劑將及一載左目復明觀此益知審症用藥辨品宜精未可輕用也

梧桐入藥者少然有二方可傳泄瀉不止服諸藥罔效者用梧桐葉煎湯浴足大有神效海上仙方疝氣常食梧桐

子效
醫案

神黃豆諸家本草不載惟見於葉大椿痘學真傳云神黃豆種出雲南能稀痘生熟各一甘草湯咀服然不若梁晉竹孝廉紹壬兩般秋雨庵隨筆所述爲詳云神黃豆產滇之南徼西彝中形如槐角子視常豆稍巨用箇瓦火

焙去黑殼碾細末白水下之可除小兒痘毒服法以每月初二十六日爲期半歲服半粒一歲一粒遞加至三歲三粒則終身不出矣或曰按二十四氣服之以二十四粒爲度

芭蕉根汁治疗走黃甚效震澤鈕某患疔食豬肉走黃腫甚其妻向余室人求方令取芭蕉根搗汁一宮碗灌之卽腫消而痊次日入市逍遙矣且不獨可治疗凡熱毒甚者亦能療之妹婿周心泉家之嫗唐姓夏患熱癤至秋末已自頭至足連生不斷令飲汁一茶鍾熱毒漸消而愈

粵人喜啖檳榔謂可辟瘴而不知其益少損多吳人喜啖草麻子往往種之成林採曝炒食此尤當戒蓋其性辛熱瀉人元氣隱受其害者多矣比藥本草列毒草門且食此者一生不得食炒豆犯之卽脹死鄉愚無知食之每習以爲常可慨也

葱蜜同食殺人世皆知之韭與蜜糖同食亦能殺人則知之者鮮矣見黃闡齋折肱漫錄

食 忌

本草云多食韭神昏目暗多食葱神昏髮落虛氣上衝多食萊菔動氣多食芥菜昏目動風發氣又云虛人食筍多致疾浙人食匏瓜多吐瀉馬齒莧葉大者妊婦食之墮胎此類不可勝數尋常蔬菜亦足爲患其他可知養生家所以必慎食物也

石門趙屏山明經宗藩自甯波旋里過紹興訪友於郡城一僕家在城外乞假歸省途中買鱠魚至家使其妻

烹之適其隣人來視遂留共食食畢皆口渴腹痛叫號移時而死其身化爲血水僅存髮骨誠者謂誤食斜耕而然趙次日俟僕不至遣人往問始知其故遂終身不食鱠余按鱠身尾皆圓斜耕身尾皆扁口有二鬚可以此爲辨然鱠有昂頭出水二三寸者爲他物所變其毒亦能殺人養生家宜慎用之

山谷產菌種類不一食之有種毒者往往殺人蓋蛇虺毒氣所蘊也咸豐五年六月初三日烏程縣施家橋吳如玉之母山中采菌甚多族人吳聚昌之妻乞而分之炒熟以佐夜飯其子媳與女同食之二更後嘔吐腹痛至天明四肢抖縮肉跳齒咬四人同時殞命如玉之母亦食之而死雞食吐出之物頃刻即斃剖視腹中祇有硬肝餘皆腐成青汁夫山人食菌本爲常事麥熟及寒露時菌甚多味極美蘇州有熬成油者預爲持齋過夏之需取其鮮也今吳姓家食菌而死者五人可謂奇慘烏程楊毅亭封翁炳謙特爲作記刊傳以示戒言若必欲食之須用銀器同煮須久置待冷試驗銀有青黑色者斷不可食如中其毒飲以糞汁可解又地漿水亦可解毒其法於牆陰地掘二三尺深以水傾入攪勻取上面澄清水冷飲之按東林山志云五月雨水浸溼之時蕈生于山谷惟淡紅色黃色者無毒可食寒露生者色白名寒露蕈及仰捲赤色者或黑及煮不熟者並不可食物理小識云以燈心和蕈煮或以銀簪淬之燈心與簪黑色者即有毒清異錄云湖湘習爲毒藥以中人其法取大蛇斃之厚用茅草蓋罋幾旬則生菌菌發根自蛇骨出候肥盛采之令乾搗末移酒食茶湯中遇者無不赴泉壤世人號爲休休散觀此則菌之生自蘊毒者往往有之服食家可不慎歟

酒

許元仲三異筆談謂蔡孝廉焜素不飲酒公車北上苦寒飲燒春甘之遂非此不飲如是者二十餘年一夕局戶寢晌午猶不起家人抉扉而入室中滃然衾帳皆焦半身燼矣手猶握煙管竟與本草所載倚馬焚身事同蓋煙火引線倏如爆竹之發耳又會稽陳端甫學博慶儒言其同鄉某生酒戶甚大一夕飲燒酒滿鼎復吸水煙忽火自腹發骨肉半成焦炭嗜燒酒者可以爲戒

鴉片煙

鴉片煙爲害甚巨有大土小土之分大土出於外國三異筆談述之詳晰云余在永嘉知庫書張元龍犯此欲繩之訴曰已絕此二年曾以辦船料渡海至蘇祿國親見鴉片本質故毅然不敢食耳詢知其詳云國俗皆裸葬一畝之地百族共之積累百年其地之值不貲矣造法先掘土數丈築其底極堅併四旁亦築取掘出之土搗之極細篩之極淨曝之極乾乃於坑中鋪石灰一層加土一層蠶粟瓣一層糯米粥一層覆以蘆席蓋以氈再壓以板自春秋而生以金易土價且倍徒然大約吸數百年前陳人之膏血故一見誓死不再食也絕之之法以十全大補湯加鴉片灰俟別發時服之初甚委頓漸服漸愈兩月餘復初

吳曉鉅言其族叔椿齡習政黃家言乙卯秋以時疾卒其司會計者曰吳梅閣性不羈吸洋煙偶至友人倪梅岑家倪適他出假寐以俟忽夢椿齡至曰子將有難能戒洋煙則免余授此方出一紅紙示之上書人參枳椇子赤糖各一錢每日煎湯服之十六字戒曰七日不見煙具則朋絕矣毋蹈故轍也醒後依方服之果效曉鉅素執無鬼論者及聞梅閣口述是事乃信史遷有物之言洵不誣也余按人參補肺氣赤糖消煙積用之甚當枳椇子世第知其解酒毒然陳藏器言其解渴除煩去膈上熱潤五臟功用同蜂蜜則其所長不第能治酒病也況鴉片煙性熱燥烈視酒尤甚用此治之殊有至理

雜 方

杭州汪鐵樵土驥傳方用野雞腳雄雌成對瓦上焙乾研極細末磁瓶收藏凡腳跟爲釘鞋擦傷而爛及腿膝等處磕破者以此敷之卽結痂而愈因憶山東青駝寺吹津膏治脚跟傷最靈今得此方無事遠求矣

太乙紫金錠方出於道藏元人所輯衛濟寶書續添方中載之名曰神仙解毒萬病丸則以爲喻良能方葛丞祖傳方後詳載各症治引並可救自縊落水用冷水磨灌下云紹興府帥有施此藥者渠一子溺水已死用其法救之遂甦治瘧疫浮腫及大頭瘟用黑豆二合炒熟炙草二寸一碗煎湯時時呷之卽所謂婧康異人方也靖康二年京師大疫有異人盡此方此外約略舉之如聖濟總錄治赤白痢用黑豆半升炒去皮甘草一兩綿裹入湖水三升煎一升分二服洪氏集驗方治脚

腫用黑豆甘草煎湯服之壽親養老新書治老人小兒冬月諸熱用大黑豆三升洗淨甘草細剉水六升煮令爛熟時時與三十顆與食之汁亦可服吳曉鉅活人一術云解丹藥毒以黑豆甘草煎湯飲之此方之用甚廣皆取其解毒清熱劉松峯云甘草炙則帶補宜用生者信然

聖濟總錄大活絡丹與近世所傳回生再造丸藥味大同小異大活絡丹五十味與再造丸異者八味 白花蛇 烏梢蛇 草烏 貫眾 木香 沈香 水安息香 黃芩是也再造丸五十六味與大活絡丹異者十四味川芎一黃耆一兩 白芷一桑寄生一海南香一草蔻仁一天竺黃兩草薢錢紅花八錢畫黃一硃砂一琥珀兩靳蛇兩穿山甲四兩是也二方所皆有者四十二味 人參一白朮八錢茯苓一灸草一熟地二錢赤芍八錢當歸兩首烏兩肉桂一兩錢附子八錢麻黃兩防風一歲靈仙一細辛一羌活二葛根一天麻兩殼蠶一乳香兩沒藥兩丁香兩藿香兩附八青皮八錢烏藥八錢松香六白蔻仁八錢骨碎補兩元參八錢川連兩大黃一血竭八膽星一龜板一虎脛骨一對犀角八兩頭尖一半黃錢全蝎一兩地龍八錢冰片二麝香八錢製末蜜丸每粒重一錢二分金箔爲衣陰乾蠟殼封固此方治中風癱瘓瘻瘍瘀厥拘攣疼滿身麻木癱瘓流注跌撲損傷小兒驚癇婦人停經等症尊生八錢曰年過四十當預服十數服至老不生風疾年過六十不宜服徐靈胎謂頑痰惡風熱毒瘀血入於經絡非此方不能透達凡治肢體大症必備之藥也洞溪醫案云治虛痰流注均效方書亦有活絡丹祇用地龍乳香等五六味乃治實邪之方也

余以庠寓杭州以雍頭爲業留心醫學言其先世習瘡醫雖遺書散失而記憶秘方尙多有治脚蛀方最靈用

爐甘石六錢象皮龍骨各三錢冰片一錢輕粉三分爐底少許

外科燒升丹之爐底雜貨店有之

共研細末摻之神效

腳癰而痒有水不能行步俗名腳蛀南方

人多有此疾脚蛀摻明礬末痒不能止反增疼痛余家傳方用老煙末摻之燥濕止痒亦頗應驗

同邑鄭拙言學博鳳鏘性喜單方言其經驗最靈者有四道光壬寅年館樂平汪軍門道誠家糞門前腎囊後起一堅塊漸覺疼痛虛寒虛熱時作案頭有同壽錄檢一方云跨馬癱初起用甘草五錢酒水各一碗煎服如方服之塊漸軟次日略出清水不數日全愈從兄珊瑚家一婢年十六七忽身起紅暈有若熱癢者由背漸及胸飲食少進識者云此蛇纏也至心坎不可救矣偶檢回生集有一方用糞杓俗呼上斷箍取其年久用多新瓦上煅存性香油料子不必定欲斷者調抹令試之不數日癒脫健飯如常治喉風神效方用青梅浸食鹽出水取大蜒蚰入其中不拘多少甲午秋閩閈捷日設饌以待報子內一人忽喉痛如鍛勢甚危取所製蜒蚰梅令咽一枚平復如常晚間已能啖飯矣端午日午時取收晚蠶蛾俗名頭二蠶不拘多少置竹筒中用紙密縫挂當風處須雨淋日晒不到四十九日後遇人有竹木刺入肉不能出者用此研末拌津唾塗患處刺立出同里蔡晴江家一嫗手被竹刺疼痛不能洗衣以此塗之即痊

一新婚者患疾諸醫以虛治之補劑雜進體日殆名醫沈耿文桐鄉縣人居後珠村視之見臥室中粧奩甚多皆新漆飾成曰此乃爲漆氣所傷俗名漆咬非病也令於木工家取杉木屑煎湯洗之復投解漆毒之藥不日霍然按坤元是保云嘗有新婦人漆咬認作發風毒症不知乃新漆嫁事所觸也以明礬煎濃拭之三四次卽效沈之見正與相同

休甯汪生作雲年甫成童忽患腸紅晨起必大下一次血多糞少閱兩月餘日漸消瘦有人傳方白木耳水煮

淡食日食一錢未及一兩全愈藥苟對症何必以多爲貴哉

誤食頭髮成癥胸喉間如有蟲上去來古方以入土舊木梳齒煎湯飲之此物不可得一方用雄黃五錢水調服辨是症者更以好飲油爲憑每飲四五升方快意蓋髮入胃中血裏化爲蟲也

先友錢石林上舍標性至孝母徐孺人素患風濕頻發不愈石林百計醫治覓得海風簾花配紅棗以陳酒煮飲服之獲效遂常服焉病不復發壽至八十餘

海甯蔣寅昉光緒偶患火丹兩臂紅腫而疼諸藥不效後得一方用百合研細末白糖共搗爛敷之即痊此方醫者罕見價廉而效速可傳也

方書言肝胃氣痛用玫瑰花陰乾冲湯代茶服湯正卿入龍眼肉成膏愈吳洛生大令之母腕痛一則入脾和血一則入肝行血補泄均宜而獲效保壽堂經驗方三卷明劉天和撰方皆精當其治泄瀉少進飲食方尤爲簡妙用糯米一升水浸一宿瀝乾燥慢火炒令極熟磨細羅過如飛麪將懷慶山藥一兩碾末入米粉內每日清晨用半盞再入沙糖一茶匙胡椒末少許將極滾湯調食其味極佳且不厭人大有資補久服之精寒不能成孕者亦益孕有山藥在內故也此是一秘方勿輕視之

余家工人吳法才患大腳風余母周太孺人傳有單方用海桐皮防己片薑黃原蠶砂各三錢蒼朮二錢煎湯薰洗日三四次獲愈此方治愈者已多愈後因行路過多兩脚廣爛諸藥不痊周太孺人令以古墓石灰細末摻之卽愈後以治爛

腿無不愈者

古厭勝法有用以治病獲效者百一選方云密以淨紙書本郡太守姓名燈上燒灰湯調下卽產沈從先曰余嘗見書正人君子姓名燒灰調下治難產用淨帕珍重束男左女右臂治鬼瘻最靈又閩人迄今皆書龍江林先生姓名諸怪症皆治卽選方遺意也吳江徐娛亭傳一治瘻法亦效以雲片糕一片書黃帝顓頊之神位七字更以一片合之勿使見字令於發瘻前二時食之

質 正

宋史龐安常傳明史凌雲傳皆載治產婦胎不下隔腹針兒手而得生揚州府志之記殷集嘉興府志之記孫浦則產婦皆已死見其血而令啓棺隔腹針之而復生此於情理未合不足深信

曲禮云醫不三世不服其藥鄭氏註云慎物齊也孔氏疏云凡人病疾蓋以筋血不調故服藥以治之其藥不慎於物必無其徵故宜戒之擇其父子相承至三世也是慎物調齊也又說云三世者一曰黃帝針灸二曰神農本草三曰素女脈訣又云夫子脈訣若不習此三世之書不得服食其藥然鄭云慎物齊也則非爲本草針經脈訣於理不當其義非也按此則所謂三世者註疏因主父子相承之說也近世有專主通於三世之書而以三世相承爲俗解之誤殆未讀註疏耳且經書文義雖古而辭無不達旣謂通於三世之書何以不明言之而曰醫不三世故作

此不了語以炫惑後世乎

王樸莊謂古方一兩者今之七分六釐一升者今之六杓七杪東醫寶鑑謂古方一兩者今之三錢二分五釐一升者今之二合五杓如仲景炙甘草湯藥料最多共四十六兩用酒七升水八升準於王說爲今之三兩四錢九分六釐今之七合有零則酒水太少如東醫寶鑑之說爲今之十四兩九錢五分今之三升七合五杓則藥料太多似當從王之兩數東醫寶鑑之升數乃爲得之

湖州費星甫野語云儒醫張夢廬之舅氏沈翁以外科著有女大腹隆起中有結塊儼若私胎遷延日久腹益膨脹夢廬診其脈曰此乃腸癰無術以治之危矣沈遂悟扶女足踹板櫈之兩頭出其不意將女腹重踢倒地昏暈其癰內破膿從大小便出數斗遂按法療治獲痊余謂腸癰膜已成者金匱千金皆有成法可遵何必出奇行險以治

之且經云腸癰爲病不可驚驚則腸斷而死此女患癰日久又加之以重踢其腸有不斷乎此傳訛之辭未可信也

夷堅志謂臺州獄囚遭訊拷肺傷嘔血用白芨爲末米飲日服後其囚凌遲創者破其胸見肺間竅穴數十處皆白芨填補色猶不變此說李東壁採入本草綱目醫家皆信之獨進賢舒馳遠詔傷寒集註謂隔諸脊骨不得傷肺何肺拷壞而骨不壞耶且白芨由食管入肺其誑顯然云云因思古方催生用鼠腎丸兔腦丸云其藥從兒手中出由舒氏之說推之則胎在腸外藥入胃中何以得入兒手乎然觀徐靈胎醫案橫涇錢氏女腿

癰成管管中有飯粒流出長興周氏子臂疽經年所食米粒有從疽中出者又槐西雜志治折傷接骨用開元通寶錢燒而醋淬研細爲末以酒調下銅末自結而爲圈周束折處曾以折足雞試之果然此皆理之不可解者是則昔人之說未可竟斥爲非矣

張鷟朝野僉載云洛州有士人患應聲語卽喉中應之良醫張文仲令取本草讀之皆應至其所畏者卽無聲乃錄取藥合和爲丸服之應時而至其後遯齋閒覽載楊勔腹中應聲讀本草至雷丸不應服數粒而愈泊宅編載毛景喉中有物應聲誦本草至藍不應飲汁吐蟲而愈其說皆爲方書所徵引竊意蟲之應聲乖氣所感非有知覺之靈豈能聞所畏之物而遂不作聲乎殆皆小說家附會之辭

靈樞經謂人呼吸定息氣行六寸一日夜行八百一十丈計一萬三千五百息何西池以爲僞說人一日夜豈止一萬三千五百息余嘗靜坐數息以時辰表驗之每刻約二百四十息一日夜百刻當有二萬四千息雖人之息長短不同而相去不甚遠必不止一萬三千五百息然則何氏之說爲不虛而經所云未足據矣盡信書不如無書此之謂也

噦喎之說諸家各異王氏準繩援據內經正李東垣王海藏以噦爲乾嘔陳無擇以喎爲欬逆之誤而從成無巳許叔微之說以噦爲呃逆以喎爲噫氣此可爲定論徐靈胎批臨證指南噫喎篇云噫卽呃逆病者最忌喎爲飽食氣非病也何可併爲一證王孟英潛齋醫話贅之謂喎不讀爲如字乃於介切飽食息也以噫喎名篇於義實贅徐氏誤作

二種殊失考究。噫有不因飽食而作者亦病也。仲景立旋覆代赭湯治病後，噫氣徐氏誤以為噦，謂卽呃逆，蓋此湯原可推廣而用。凡嘔吐呃之屬中虛寒飲爲病者皆可治。余嘗以治噦氣頻年者數人，投之輒愈，益見徐氏之僅泥飽食氣未當也是。蓋宗王氏之說而其義更融澈矣。

余於癸巳秋得桐鄉陸定圃先生冷廬雜識書板既已補其殘損訂正以行世矣先生精於醫識中所採岐黃家言正復不少竊以先生於醫學必有所心得爰益購求先生之遺書於乙未春得再續名醫類案若干卷繼又得冷廬醫話若干卷俱手抄本未付梓者醫案採摭繁富足補江魏二書之未備醫話則專以辨證爲主凡述一證必推究其虛實源委而指摘醫家利弊言多精鑿自序謂摭拾聞見以自達其意之所欲云噫豈易言歟余以醫話之尤有裨於世也亟付手民壽諸梁棗仿古香齋袖珍本以便取攜暇日擬再訂正醫案續以行世時光緒二十三年太歲在強圉作噩季冬之月烏程龐元激跋

國家圖書館出版品預行編目資料

精校冷盧醫話／(清)陸定圃著. -- 一版. -- 臺
北市：中醫研所，民 86 印刷
面； 公分
ISBN 957-00-9396-X (平裝)

1. 病例 2. 中國醫療

414.9

86005640

精校冷盧醫話

著 者：(清)陸定圃

發 行 人：陳介甫

出 版 者：國立中國醫藥研究所

地址：台北市北投區立農街2段155-1號

電話：(02)820-1999

定 價：平裝新台幣捌拾元正

郵政劃撥：0001606-0

印 刷 者：三聯彩色印刷有限公司

地址：台北市木柵路一段238巷24號

電話：(02)9369184 • 9363151

中華民國八十六年六月一版二刷

ISBN 957-00-9396-X